

# 如阜縣志

地 220.133

36

部 = 172

卷一	建置志	城隍廟	市河	漢河	官署	分屬
卷二	賦役志	蠲免	荒賑			
卷三	學校志					
卷四	秩官志					
卷五	遷葬志					
卷六	雜記志					
卷七	列傳	人物	耆友	文苑	官績	武職



知  
禮  
樂  
禮  
樂



續修如皋縣志序



嘗攷周禮土訓掌地圖誦訓掌  
方志所以紀山川之形勝物產  
之蕃滋民俗之媿惡此一統志  
省志郡志外縣志所由昉也然  
各志括其全而事略縣志採其

如皋縣續志

序

一

實而事詳若歲月遷移文獻散  
佚他時欲諮訪蒐輯不幾嘆考  
鏡無資乎皋志自嘉慶九年前  
令楊君受廷修後已三十餘年  
矣其間因革損益發潛闡幽之  
事不能不亟為採擇以備一時



之掌故丙申夏邑中紳士呈請  
續修余雖以弗文滋懼而又深  
幸其贊襄厥事聿觀厥成也於  
是延書院山長吳梅孫孝廉主  
其事邑士之博雅者分任之不  
徇私而失之濫不苛求而失之

刻凡忠孝節義之扶植彝倫文  
章政治之炳蔚典冊與夫古蹟  
冢廟之廢興風土人情之利弊  
無不詳加釐定網羅而編次之  
閱一歲而書成其庶幾文質相  
輔而為後人所徵信者歟余思



皋邑為胡安定先生講學之鄉  
如王龍圖學士之剛正許忠愍  
公之烈節俱載在史冊昭如日  
星他若代生傑士儒素相承迄  
於今流風餘韻猶有存者余承  
乏其間行已七稔見夫風土清  
美其君子崇禮教而尚氣誼其  
細民勤力穡而樂安全閒有飾  
詐健訟之風亦返淳而還樸豈  
非深被

聖朝之德澤涵濡休養生息之所致


哉時



道光十七年歲次丁酉冬十一

月長至後三日知如皋縣事

滇西范仕義撰





纂修姓氏

主修

文林郎知如臯縣事甲戌進士滇西范仕義

監修

如臯縣教諭拔貢穎上汪承基

如臯縣訓導舉人古歛項黻

如臯縣主簿桐城姚城

如臯縣典史雲夢程勳

纂修

乙酉舉人揀選知縣儀徵吳鎧

協修

如臯縣續志

衙名

舉人大挑知縣安徽蒙城縣教諭邑人姚騶

候銓知縣邑人徐堯章

增廣生員邑人鄧國光

議叙八品監生邑人胡萱生

廣東南雄直隸州知州邑人黃錡

生員邑人石和

候銓從九品邑人徐珠

拔貢生侯銓教諭邑人沙增齡

恩貢生候銓教諭邑人陳煥

恩貢生候選教諭邑人冒兆鯨

舉人候選教諭邑人吳連茹



舉人揀選知縣 邑人張烜

廩監生 邑人石澐

舉人原任河南正陽縣知縣靜海人李新林

副貢生候銓教諭 邑人劉金綸

附貢生候銓典籍 邑人吳亮

舉人寶山縣教諭 邑人顧鈞

進士禮部主事 邑人顧暄

舉人覺羅官學教習候選知縣 邑人宋繩治

舉人揀選知縣 邑人石崇高

舉人揀選知縣 邑人范景瑗

校訂

如臯縣續志

銜名

二

生 員 邑 人 史 英



如臯縣續志目錄

卷一

建置志 城垣 市河 濠河 官署 倉廩 公廨  
寺觀 橋

卷二

賦役志 蠲免 荒賑

卷三

學校志 書院 社學

卷四

秩官志

卷五

選舉志

如臯縣續志 目錄

卷六

名宦傳

卷七

列傳一 人物 孝友 文苑 宦績 武勳

卷八

列傳二 耆壽 義行 方技 隱逸 流寓

卷九

列女傳 貞女 節婦 貞壽

卷十

藝文志

卷十一



古蹟志 宅 園 館 書塾 墓義塚附

卷十二

祥禳志

如臯縣續志

目錄

二



如臯縣續志卷一

建置 以上載前志

事貴勗始尤難善繼可久之業有勇之義惟懷永圖續志建置

城垣

道光十五年知縣范仕義率紳士黃錡胡萱生吳新畚賈秉韶等重修供設神像於譙樓東奉梓潼魁星西奉呂祖南奉關帝北奉真武邑人捐輸出力各詳請議叙有差

市河

道光六年知縣托克托布率紳士黃豐張灝胡萱生石和如臯縣續志

卷一

建置

一

挑濬

濠河

嘉慶十三年知縣左元鎮率紳士開濬東南菱池支河直通南北較深龍游河五尺使水不駛江蓄水運鹽按濠河北接淮流東南逕通界入海南通龍游河盧志載龍游河兩岸沙弱善崩河水下注南流最駛潰洩終不可支議者欲於潮水將盡處築一石碇又於河口附城處築一板閘時其蓄洩以資灌溉碇取平水則江湖有容受之區閘取障水則河流無乾涸之虞此萬世之利也後繡水李尹於柳家閘建立石碇初碇在江口日久江勢南坍碇去江面四十餘里乾隆五十三年知縣



譚大經移礎於近江扇面圩礎之上流先有土墩港桑木橋石庄鎮南前河後河雙水洞等處未曾培蓄潰洩分流礎成空設近因磨頭以下河道淤淺舟行阻滯商民弗便必須挑濬並於河口建閘及柳家閘復設石鍵以爲蓄蓄宣洩之計其於水利乃有備無患也

### 官署

縣治道光十三年知縣范仕義重修

按宣化安業二坊舊在縣署左右後廢十一年重建二木坊圍以柵欄顏曰古鄖舊治南充分疆

縣丞署道光十二年奏請裁汰間冗缺裁奉文估變

典史署道光十一年典史程勳重修

如臯縣續志

卷一

建置

二

石莊司巡檢署嘉慶二十五年巡檢孟承傳捐建川堂隸舍道光十六年巡檢周大淳捐修頭門儀門土地祠照壁

### 倉廩

豐脩倉在李家堡東街周佩華捐住宅十五間倡建彭世壽捐錢五十千助改作之費鹽賈馮楷捐稻六百石里人褚長年仲貽澤各捐稻二百石存倉叢乃甸仲振威仲振基仿蘇城一文愿勸捐以籌其後

演武廳嘉慶二十五年邑人陳清泰鄧汝寬等募置南門外茶庵頭田十畝西向建廳屋三楹

### 公廨



養濟院道光十二年知縣范仕義重修

普濟堂按堂房年久欹側風雨飄零殘缺不完道光十一年知縣馮思澄履勘估修飭令併屋整頓計修大門三間二門五間廳屋三間觀音殿三間南北羣房三十二間半共房四十六間半續遭驟雨傾圮現在議修沙田濱江漲坍不一計東沙普濟圩成租田一千三十四畝四分三厘四毫五絲又坍存額租田二十七畝五分五厘西沙額租田三百七十五畝五分五厘九毫新增堂後基地每年租錢六千四百文

范元琳原捐草田租草五百五十束新增租錢六千四百文

如臯縣續志

卷一

建置

三

育嬰堂嘉慶二十二年知縣王鳳翥移建武定橋西南

道光十一年鄭彭氏捐北蘇家庄田二十三畝每年預租錢一十七千文

繼善堂在北極門內道光十一年邑紳黃錡等仿照蘇寧善堂呈請創建借葛葵原等鄉城集捐收掩水陸斃屍知縣馮思澄通詳准行十四年籌款建堂知縣范仕義給示勒石

田產附

何薛氏捐符楊庄田五十三畝五分租錢十六千蔣穆堂蔣懷堂捐段家庄田七十八畝租銀二十八兩四錢租錢二千八百文蔣介繁捐張家庄田十七畝租錢十



六千九百四十文張學鴻捐掘港西北田三畝租錢二千四百文冒春鳴捐薛家園實田四畝一分租錢四千八百文季承宗捐羣北庄田八畝租錢四千八百文徐符氏捐羣北庄田十五畝租錢五千文蔣鳴崗捐東陳田十畝租錢四千八百文孫玉琰捐東陳田十六畝租錢四千八百文李峻山捐羣北庄田八畝租錢四千八百文季文安文彧捐羣北庄田八畝租錢三千文宗必玉捐湯家灣田三畝五分租錢三千五百文僧祖恒捐水竹園田二十五畝租錢十八千文葛杏圃捐葛家庄田七畝五分租錢四千文丁沈氏等捐陸家淺陳家庄田十畝租洋十二元孫寶廷捐東鄆庄田十七畝草房

兩間租麥租荳六石莊國珍捐丁堰下洋庄田七畝租錢二千文錢世棋世柱捐丁堰錢家庄田二畝租錢七百文周進選捐楊家庄田二十五畝租錢四千文蔣穆堂捐段耀宗抵田八畝租錢三千二百文劉裕愷捐銀杏樹北港田二畝租錢一千五百文薛雲松捐薛家庄田六畝租錢六千文丁萬盛捐東門外瓦店房三間月租錢七百二十文孫應桂捐福興庄田十二畝租錢四千文僧輝德捐東陳田四畝租洋五元五角霜甸王可文等捐本鎮各戶公置蓮花池田十六畝租錢八千八百文祝晴峯捐霜甸橫港田九十六畝租穀分收薛正裕捐薛家庄田十四畝實租錢三千六百文公置孫公



舖陳家庄等處田九十畝一分半租銀三十四兩八錢  
租錢五十千文又王家庄田十畝租錢十千文又袁家  
橋田四十八畝五分租洋三十元又孫公舖東何家庄  
港南田二十畝租錢三十二千文又黃浦溪范家庄田  
三十二畝租錢三十六千文又范家橋圈門內瓦房三  
十五間半改爲繼善堂公所共計捐置田六百七十三  
畝二分五釐租錢二百五十七千四百六十文房租七  
千二百文租銀六十三兩二錢租洋四十二元五角小  
麥黃荳六石外祝田分收葛東美捐劉家庄田七畝粳  
〔同仁堂〕在西李家巷先是邑人顧德也邱鶴峯馮旭光姚  
垠等月收零捐施棺賑粥未有定所萬登三沈金輅顧  
如臯縣續志

卷一

建置

五

雲臺邱應鐘繼之嘉慶二十一年捐置堂房萬廷輝劉  
本初購堂東隙地建文昌宮設字紙局

田產

沈金輅捐北洪家庄田四十九畝租錢四十八千文又  
焦家橋西店房七間租錢廿八千八百文姚垠馮旭光  
萬登三宋鑑顧雲臺共捐銀八百二十八兩置買范家  
庄田十二畝又田二十六畝五分共租銀二十八千文  
又道士庄田二十畝七分租錢十七千文又袁家橋田  
三十八畝七分租錢四十八千文

一善堂在東薛家池西靜海李新源李新魁李新喬李新  
泉邑人冒秉善冒秉禮孫鵬萬宋敷文熊程萬李京周



王鴻杜慎齋劉建軒黃湖等捐建購材施棺孫廷贊捐資勸事

留養堂在廣福寺後道光二年洪雲崑黃康安沈春陽石岳峯等募捐創建收養老人四十名先後捐置田產職員丁繼光監生丁斗光捐田價銀二千兩以上以充經費

按丁繼光兄弟寶光樸光先後亡故家不中資兩孀三孤同居共炊爲嫂氏弟婦具請

旌節在縣南明覺菴建濟急所復同弟斗光捐銀二千兩以上爲留養堂備置恒產知縣馮思澄以樂善好施上其事

如臯縣續志

卷一

建置

六

旌表建坊

田產

丁繼光捐焦家渡田四十五畝租錢三十九千九百文  
顧家庄田八十七畝租錢三十三千六百文丁斗光捐  
北周家庄田三十六畝租錢三十四千五百文又南朱  
陳庄田五十三畝五分租錢三十四千四百文又南曹  
家庄田七畝租錢五千六百文范綸捐東掘港蕭家馬  
頭田八畝租錢九千文冒秉禮捐北鐵黎壩田六畝爲  
義塚宋綱捐西徐家園田四畝租錢三千二百文張鎬  
捐西北高家塚田十畝租錢二千文奚德臣捐南奚家  
庄田五畝租錢三千二百文陸張氏捐南陶家庄田六



畝租錢二千四百文丁繼光斗光合捐南朱陳庄田三十畝租錢二十千六百文阮典文捐南朱陳庄田三十畝租錢十八千文吳芷香吳麗泉吳芹香合捐南朱陳庄田五十畝租錢三十千文曹驥良捐東錢家庄田十三畝七分租錢四千八百文僧勤耕捐西北劉芳庄田十二畝北張家庄田九畝南朱陳庄田二畝共租錢十八千六百文宗必全捐南朱陳庄田十九畝租錢九千文田惟益捐南郭家舍田四畝租錢一千六百文吳夏氏捐朱陳庄田六畝租錢五千文沈劉氏捐南許家埭田五畝租錢一千六百文

濟急所在縣南馬塘鎮明覺庵丁繼光洪雲崑仇宏級奚如臯縣續志卷一建置七  
有龍丁斗光阮登欒等就於巷內捐建住屋十二間收養無依疾病憑同地保查明來歷延醫診視病痊聽其他往死則殮埋義塚記其姓名年貌以憑親屬認領道光四年知縣托克托布通詳有案

### 田產

本堂捐置王林庄田四十七畝租錢二十八千文又田六畝租錢四千文仇宏級捐薛家田田九畝租錢三千八百文又小邵家庄田九畝租洋十元陳復堂捐奚家庄田三畝租錢一千六百文賈鳴鳳賈鳴鸞賈鳴鶴賈鳴騰捐施家庄田三十一畝租錢九千七百文洪朱氏捐蔣家堡田四畝租錢二千二百文丁斗光捐薛家田



田六畝租錢四千八百文

周急所在縣東婁師舖河西冒士杰冒士寬張崧岑婁泐  
丁盛遠丁盛耀丁盛功侯永興侯金玉陳珍玉陳鶴林  
丁遠輝等公建留養貧病收埋路斃流屍道光十五年  
知縣范仕義通詳有案

同仁堂在掘港場嘉慶十五年里人王有芳楊彩田募建  
續經徐趨成管廷梧吳壽民繆玉成馮求成等多方勸  
捐收養乞丐拾藥施棺主簿姚城移請縣案勒石一時  
鰥寡無依年七十以上者給與月費仿照繼善堂章程  
收埋浮屍路斃並詳請州憲立案

知縣范仕義叙自來王道必本於人情準乎人情之宜  
如臯縣續志

卷一

建置

卽合乎天理之正然其間有盈虛消長之數要必損有  
餘以補不足始可扶其衰以救其弊是在維世之君子  
與夫濟物之仁人臯邑之東惟掘港爲巨鎮舊有同仁  
堂爲荒年賑饑而設其後則踵行善舉施藥餌以起沉  
疴置榱木以免藁葬闢義塚以歸無主造水龍以備不  
虞兼之養老則老有所終育幼則幼有所遂噫嘻凡此  
皆仁人君子之所爲其用心亦良厚矣惜經費不敷司  
事者難以籌辦不幾有中廢之虞乎時皖桐侶梅姚君  
分防於此與都人士持興復之議卽舊規而恢廓之羣  
樂相從捐輸者爭先恐後使將廢之局煥然而新其慷  
慨慕義爲何如哉因相商於余曰邑內近有繼善堂之



舉已奉文允准掘港僻在一隅其一切章程可仿而行之不亦善乎余曰是誠事之不可緩者邑之近者可行邑之遠者亦無不可行四境之內不乏樂善好施之家若南鄉北鄉西鄉亦仿而行之則救災弭患哀死問疾養老慈幼矜孤恤寡無不可推此而就理也記云人情者聖王之田也仁人君子體夫人情之所不容已而適當乎天理之本然而各得其所故觀於鄉而知王道之易易也至於此猶以爲衰之不可扶弊之不可揅豈情也哉

主簿姚城記古者康樂和親爲一書睦嫻任卹爲一書美哉治乎其始哀有餘補不足其後遂革澆薄而登善

如臯縣續志

卷一

建置

九

良仁厚成風獄訟衰息胥是道也小補云乎哉臯東北枕大海其土地斥鹵其民性誠樸敦宗睦族里中有善舉爭趨赴之恐後其俗然也故稱易治庚寅之秋余始承乏茲土旣來之期年樂其政之簡而忘余之陋也暇則從其士大夫問治之所急僉曰向有同仁堂之設始因歲飢釀金以給餽粥後遂因而爲散藥施棺修火政諸善舉顧其規劃徒存度支告絀非急爲籌策事且中廢夫良法美意漸將湮沒甚非前人創建之心也乃始與二三君子講求其節目恢廓其宏綱將積少以成多爰家喻而戶曉旬日之間里人踴躍樂施既有以合已成之轍而又以其贏餘賑恤鰥寡之老而無告者積以



歲月將見慕義者接踵而至經費不慮其未充善事不虞其坐廢則凡可以盡痼瘼之念而補氣數之偏者又不患其不次第舉行憂者以喜怠者以奮既而知其事之可久也咸來請記於余余曰王政治於一鄉一鄉之中苟能備緩急救患難哀死閔疾恤老憐貧推此而理而猶謂俗之不醇治之不古必不然矣諸君子所以講明而切究之者非謂是歟雖然前人有未盡之心後人有當盡之事實心以行其事底於有成此前人有待於今人也隨事而盡其心期於美備此今人又有望於後人也諸君子黽勉從事其益求補救之方與夫愷悌之術行見由睦婣任恤以漸至乎康樂和親俗美風良家如臯縣續志

卷一

建置

十

給人足夫而後善之所成也大而仁之所行也廣此則諸君子推已及物之明效大驗而亦守斯土者之幸也夫是爲記

田產

本堂地基廳房原買價二百九十二千置九總草熟田六十二畝呂瑞柳堂捐堂前地一垓許應衡捐長安坊市房四間鮑有恒捐永盛坊市房四間張慶成堂捐永盛坊市房九間鮑聲遠捐饒家渡河南田十畝王劉氏捐社廟東田十二畝七分半孫玉龍捐三總田十畝馬求成捐六總熟田二塊又三總草田二引管必元捐五總田一段耿宏亮捐葛家埠田四畝馮盈達捐九條巷



草田十二畝馮琴南捐苴西馮家庄草田一塊周學年捐九總草田一塊租錢十千文鮑善長捐鮎魚灘草田十二畝租錢六千四百文葛盈紹捐十一總蕩尖二段租錢五千六百文張桂芳等捐堤外地東西二百二十丈南北十四丈爲義塚

恤嫠局舊附義塾月收零捐贍給貧苦嫠婦三十餘名道光十七年胡萱生石和陳煥沙增齡徐珠照劉金綸議將義塾附義學勸捐置備恒產專局恤嫠一時尚未有公所云

田產

仲貽祚捐古河壩田十六畝租銀二十二兩

如臯縣續志

卷一

建置

節孝祠撥送租錢十六千文

沈輅春捐馮家堡田八畝租錢四千四百文

周徐氏捐周家凌田十畝一作施價錢一萬二千租錢二千四百文

張春陽捐豐利壩楊家庄田六畝租錢五千文

丁惟德同子遵山捐岔河吳家庄田十畝租錢六千文

吳方來捐岔河吳家庄田十二畝租錢六千文

叢性南捐洋錢八十元置蔡子汪田廿一畝租錢十千

零捐公置何家堡田五十一畝租錢四十千文價銀二百四十千文

高葵原倡眾捐錢一萬一千零六文議有回贖俟價到日另置又支家庄田四畝二分租錢六千內義學錢五千

許德新 四百



沈梅垞 每年捐錢二十千文

黃廣颺 每年捐錢五千四百文

祝晴峯 每年捐錢五千文

鄧潤玉 每年捐錢三千六百文

馮禮南 每年捐錢三千六百文

吳衡漳 每年捐錢二千四百文

又零捐公置大缺口田八畝租錢八千

丁繼光 捐錢一百千買田歸款

孫逸岑 每年捐錢千八百文

按義塾變價得錢四十六千四百文置支家庄田三畝五分租錢五千文以備義學歲修蓋不欲沒所自來也  
懷遠堂在霜甸鎮北洋漲菴道光十一年王可文尤學震王鴻吳漳吳蔚軒吳家魁王希仁吳國槐尤雲亭等募捐設立施棺局備置田產稟縣請示有案

田產

一置買戴家庄田五十三畝租錢三十四千四百

一置新港田三十七畝租錢十二千八百

一尤開成捐吳家堰田八畝

一王可文捐吳家庄田十六畝又新港田二十八畝爲

義塚



橋

玉帶橋道光十四年邑人石和捐修

按射圃前文曲溝爲覺官外映舊有涵洞直通泮池灌注淮流上架玉帶橋地脉一線秀氣所鍾洵邑中之文藪也

延慶橋在治東門外老壩頭舊名惠濟架木爲之年久朽壞道光十六年邑人汪亮臣易以石

知縣范仕義記略臬城四面環水西引淮流南通江湖東至於海其水由北而東者有通濟橋由南而東者其橋以惠濟名二水自老壩頭合焉通濟向甃以石頗堅固惠濟則架木爲之歷久不支其勢使然也且此地舊

如臯縣續志

卷一

建置

十三

以舟渡自前令左君挑濬河渠邑之紳士張君灝等始議初爲此橋迄於今三十餘年矣風雨剝蝕漸就傾危行人惴惴失墜余曾過此心竊憂之爰相度河干欲分俸倡捐俾令易木以石以爲一勞永逸之計尚慮工費浩繁一時不能集乃事觀厥成也適有正生亮臣慨然應命一人獨肩任之其勇于好義有足多者是役也計費二千緡閱數月而告竣余見兩涯石砌整齊牢實豈梁偃月虹影卧波往來之人歌利賴焉因改名延慶亦以溥惠澤于延洪而知積善者必有餘慶也彼世之見義而不勇爲者亦可以知所勉矣余故樂爲之記

百興橋在潮橋鎮嘉慶二十年朱清源獨建



新橋在曹橋西北花家庄

向善橋舊係木橋在石庄鎮南大街道光七年朱嶺梓鄭訓常王步蟾張日瑞等捐貲募建石橋邑進士朱琦爲之記

登豐橋在豐利場街西

高橋在白蒲鎮東鄉一名顧家高橋

陸家橋在縣東北十八里

### 壇廟

先農壇道光十五年知縣范仕義重修建正屋三間東西更衣所各一間大門一間

文昌宮前經陳啟道募修關門北向作小樓二間爲左右

如臯縣續志

卷一

建置

十四

翼俯瞰城闌烟景千家登臨憑眺風景無邊盧志謂江樓月色爲勝景之一寺僧本賢發願重整觀音張仙二殿建廳屋三楹置香火田若干畝嘉慶十五年盡出經費重修大樓道光十六年徒覺根移建財帛司於東壁道書載張仙財神爲梓童化身併祀一廟循其舊也

劉猛將軍廟道光十一年知縣范仕義重修

按怡菴雜錄云宋理宗景定四年三月八日勅曰國以民爲本民實本於千城民以食爲天食尤重於金玉是以后稷教之稼穡周人畫之井田民命之所由生也自我皇祖神宗列聖相承迨茲奕葉朕嗣鴻基夙夜惕若邇年以來飛蝗犯禁漸食嘉禾宵旰懷憂無以爲也黎



元怨咨末如之何民不能祛吏不能捕賴爾神力掃蕩  
無餘上感其恩下懷其惠爾故提舉江州太平與國宮  
淮南江東浙西制置使劉錡今特勅封爲揚威侯天曹  
猛將之神爾其旬撫黎庶血食一方故勅按此卽神所  
受封之始也 國朝雍正十一年奉

上諭自雍正十三年降旨建立劉猛將軍廟以後蝗蝻遂不爲  
災若未建造之州縣飭令一體舉行蓋以能爲民禦災  
故特列之祀典云

胡安定先生祠道光十七年祠裔胡萱生胡觀時胡增祿  
胡永鶴重修

列女祠道光元年祠裔許乾李必成捐修住持盜廢祠產  
如臯縣續志

卷一

建置

十五

許乾捐贖祠後廂房三間仍復陳氏原捐田五十畝五  
分座落縣東石家甸六角陵租錢二千四百文知  
縣托克托布給示勒石

節孝祠嘉慶二十二年知縣王鳳翥率紳七冒弼工石毓  
輝石韞旼冒占瀛高衢劉金綸構置育嬰堂舊址擴大  
重新繆光奎捐東張家庄田十六畝租錢二十四千叢  
乃廷捐田四十八畝租錢三十二千後減租二十八千  
八百文內每年撥送恤養局租錢十六千文

寺觀

海月寺舊奉大士金像僧道機募修嘉慶丁卯殿被回祿  
寺僧界浦警發洪願普勸佈施僧姪方讚同徒廣譽遠



涉襄陽募金歸里裝嚴色相巍然巨觀寺前溪水環流  
六橋烟柳盧志載海月晴雲洵一邑之勝概也

禮斗壇前志載武定橋西一名止靜道院向係高正道倡  
建盧積袁靜袁憲文修乾隆三十五年朱國勛重建前  
殿供奉關帝捐東岔河鎮田三十六畝道光四年朱清  
浴朱憲等重修前殿袁康袁俊等重修後殿孫晉林捐  
施院後金姓房地一所

萬仙樓舊在海月寺對河久圯道光二年復建窰子河北  
一在藥王廟內道士姚圓奇徐明遠先後增修

呂祖殿在南門外楊樹巷嘉慶九年恭奉

上諭

如臯縣續志

卷一

建置

十六

欽定燹元贊運匾額通行各省十二年邑人賈載萬蘇雲程  
袁俊賈芷亭建造廟宇崇奉神像廟內大殿廳堂書齋  
廊房共三十二間廟外園田連基地七畝續置西茶庵  
田十畝租錢十一千韓逢甲捐西蔡家庄田十八畝夏  
家庄田十六畝五分共租錢三十九千入檔勒石倡首  
捐貲袁俊尤爲出力

斗姥宮在南門外康熙間真人姜且童修真處雍正十年  
縣尉李正銳改建乾隆二十三年邑人石文球沈熙純  
胡之本黃大鶴修按姜名日章李家堡人少孤事母至  
孝家貧負薪以供甘旨一日曉起坐范公堤上觀初日  
出海見黃鶴來翔招之仆地宛若蒲團坐其上豁然心



悟旋有異人呼起覺以天得一以清二語因于名字下各加一畫更名且童母歿後隱于此嘗作尋源論天然窮源字韻標射反切等法衍先天神數一百卷以天干十字錯綜四字分一萬數歲壬寅黃鶴復來口占一偈飄然坐化弟子宋融念師一生赤足敬以朱履殮之葬於南郊里有從蜀道歸者路遇姜出履示之曰鄙人遨遊山水毋用此履囑其寄回比返詢路遇時卽坐化日也發塚驗之所瘞一竹杖耳至今奉遺像宮中多靈驗殿宇傾圯道光十七年知縣范仕義倡修

栖雲道院卽前志載禮斗壇在伏海寺西

龍王廟在北門外僧卓然重建觀音殿

如臯縣續志

卷一

建置

十七

三官殿在丁家圩六號乾隆二十年顧廷試褚長齡黃兆仁建修道光十五年貢生何肇周同子監生遐清瑞清獻清議叙八品漣清重修

發角殿在天錫沙壘土爲山上建正殿三楹後樓五間常樂菴在林梓鎮李家庄尼月朗建能如重修

大王廟在掘港場道光十六年汪桐倡議偕徽西鎮諸商捐貲重修一在高橋港北張自立捐香火田三十二畝白馬廟在岔河南沙漲河明崇禎年間建

天后宮在掘港場北道光十五年馬求成等重修

文昌閣一在林梓鎮一在豐利場一在掘港場

關帝廟在豐利場北鄧家庄邑紳鄧士英於康熙戊午年



施田三十六畝永奉香火

真武廟古通真道院在治東南四十里丁堰叔自唐貞觀時明洪武嘉靖間皆道士募修

國朝雍正十三年易今名以僧普緣住持道光十三年七世裔僧本智募捐重建

太陽菴在李家堡康熙十年建僧語真置杭家庄田二十八畝僧寄閒置拼茶場田三十畝堤外草塘二引

城隍行轅一在李家堡一在石庄鎮

一心菴在東洋蠻河丁康氏夫歿子亡祝髮爲尼法名心誠以住房改建置香火田四十四畝招徒存案勒石

法華菴在潮橋北候選布理問朱允祿獨建大殿朱清源如臯縣續志卷一建置

十八

等修

觀音堂在潮橋北候選布理問朱允祿獨建前殿朱清源等修

報國寺在豐利場上山僧應觀現募重修

於家觀音堂在豐利場北於家庄里人於八愷同子九功等重修大殿施田六十畝永奉香火

古坳大聖廟在豐利場北十八里坳河邊

御書院

道光十七年知縣范仕義重修碑亭

西鄉觀音寺李有璉捐基田二畝李雲坤捐香火田四畝附

包家園在縣東南六十里



曹家堡在岔河南二十里

姚家庄在豐利壩

楊家園在岔河南二十里

季家庄在縣東北二十五里

南城外斗姥宮田產

道光十七年公置西鄉田六畝每年完租錢七千四百

同人又公置南鄉田十四畝每年完租錢七千

馬塘季杜氏施田十二畝每年完租錢四千

白蒲袁馬氏施田二十畝

霜甸王友勝施田四十五畝

護國寺在林梓朱家庄明洪武八年建乾隆五十七年重

如臯縣續志

卷一

建置

十九

修道光元年住持僧竹影月輪協廟董李龍臣朱新甫

增建中殿頭門文昌樓西書房照廳東廂共十一間續

置馬塢庄田八十畝林梓東北田五十八畝永奉香火

乾隆年間營防港水道淤塞經圩董田鴻賓倡指開濬灌

田四十八圩已載前志其時劉從善李大中尤岐山吳

朝相陳起龍夏各滙焉惟祿楊兆熊陸景繁並城董言

幹成冒兆鰲捐貲協力督工勦事

如來菴在營防港莊屋圩東首嘉慶丙辰年監生劉從善

增修

關帝廟在李家堡道光十六年道士章教熊募修

準提菴在東門內久地道光十二年重建



同仁堂在豐利壩邑人張烜潘鎔王暢張城等勸捐施棺  
所道光十四年請示在案掘港補遺

天后宮夏之祥等捐草田四十三畝徐王氏同子書紳捐  
草田二十畝俱座落岔河北李家河

火星廟在天后宮左

三義閣在分縣署西

三元宮在場東范公堤側

文昌宮在場東北

龍王廟在場東

二賢祠在育嬰堂西祀宋胡公昭公范文正公

石濟洞在豐利場范公堤二十九總埠口乾隆三十一年

外阜縣續志

卷一

建置

二十

里人潘彩華同子岐山併東邑人蔡羹等先後公呈


請開經前督憲高提

請

批准建大閘三門後改涵洞三孔四十七年竣工道光十

六年豐利場廳福壽重修







如臯縣續志卷二

賦役

鑿井耕田飲和食德臯民之財惜民之力免稅救荒續志賦役

蠲免

道光十五年

皇太后六旬萬壽欽奉

恩旨蠲免道光十年以前民欠錢糧如臯蠲免道光三年蘆課銀四百六兩九錢二分三釐道光十年蘆課銀一年六百二十六兩五錢五分五釐

荒賑

如臯縣續志

卷二

賦役

嘉慶十九年夏旱知縣田如芬詳請藩憲陳札飭招商採買平糶勸捐賑濟朱清源捐銀一千兩以上詳請議叙主簿職銜童灝捐銀三百兩以上議叙九品職銜

道光六年淮揚等處水災奉督部堂琦札飭留養流民資送回籍知縣托克托布勸城鄉各紳士輸捐在菩提社大覺庵普濟堂等處設廠留養災民三千餘丁七年三月資送回籍選董事黃灃張灝胡萱生石和沙增齡劉金綸等經理放賑孫南昌捐銀三百兩給匾嘉獎

十一年淮揚水災各屬災民往來覓食知縣范仕義率紳士黃錡胡萱生石和范丹樹沙增齡劉金綸石昌圖石文炳勸捐資送過境捐銀三百兩以上詳請獎勵仲振



基議叙吏目褚長年楊葯坪曹鎧均議叙八品石碯紀錄二次郭沂馬求成董賑出力各議叙九品職銜

十二年春饑鄉城就近賑濟按照貧民大小口數給口糧兩月在廣福寺東嶽廟設局分四賑給散

十三年秋掘港豐利各鹽場被水賑濟灶戶紳士輸捐詳請獎勵戶部貴州司郎中湯俊捐銀一千一百兩議叙加一級朱華朱敬文各捐銀一千兩均議給鹽知事職銜朱守文朱鶴慶徐鈞徐大鼇各捐三百餘兩議叙八品董賑出力之吳榮春紀錄二次管聲給予九品職銜王金彪給予把總職銜陳桂茂汪霖時顧香谷陳瑞均鄧榮春均議叙八品

如臯縣續志

卷二

賦役

二

十七年知縣范仕義奉督憲陶札收買蠟子



如臯縣續志卷三

學校

州序黨庠廸茲彞教鼓箏踵堂書禮並詔振德日新續志學校

學制

御碑亭道光六年教諭曹元慶訓導項黻倡捐重修

道光八年

欽頒聖協時中額懸大成殿

崇聖祠道光十四年重修

按道光十年吳述祖捐南王家庄田三十六畝租錢十八千四百文永資歲修

如臯縣續志

卷三

學校

一

大成殿道光八年邑人湯臨獨修

大成門道光十四年邑人沈鳳輝等重修

櫺星門嘉慶十八年邑人仲華重修

道光二年奉

旨明臣劉宗周從祀西廡列明臣蔡清之次

道光三年奉

旨湯斌從祀東廡列明臣羅欽順之次

道光五年奉

旨明臣黃道周從祀東廡列明臣羅欽順之次

道光六年奉

旨明臣呂坤從祀西廡列明臣蔡清之次



按兩廡於道光十三年邑人沈裕恒捐東蔣阜河西田一頃二十畝租銀九十六兩永資歲修

名宦祠

鄉賢祠道光十四年邑人沈鳳輝等重修

道光十四年奉

旨江蘇學政周系英入名宦祠

道光十五年奉

旨江蘇學政胡高望入名宦祠

土地祠

遺愛祠道光六年教諭曹元慶訓導項黻倡捐重修

明倫堂嘉慶二十二年邑人汪爲霖重修

如臯縣續志

卷三

學校

二

續置田產

道光四年劉雲江捐北七里缺田七畝五分租錢

五千五百文

五年吳長齡捐東朱家庄田三畝五分租錢

二千一百文

忠義孝弟祠道光六年邑人張步衢修

居仁齋

由義齋道光六年教諭曹元慶訓導項黻倡捐重修

雲路巷道光九年邑人重修以石額易磚額

道光十二年丁氏族入重修泮池北石欄杆

十三年黃氏族入重修學宮頭門八字牆

十四年石氏族入重修西牌坊四木柱

十五年知縣范仕義重修學宮圍牆



十四年陳馨遠捐蔡家庄田九畝四分租錢九千文  
十六年杭于氏同子本發捐北池田三十畝租錢三  
十千歲修土地遺愛二祠係遵其故夫國魁遺命云  
十六年葛希聖捐冒庄田七畝租錢七千六百文

附

灑掃局邑人高衢宗佩鸞黃端程曾沂吳家駒吳連茹  
周佩華葛敬蔣朝旌嚴河劉金綸冒秉善孫廷贊范錦  
琮劉德鳳范景瑗公置東陳鎮後羣北庄田四十畝租  
錢三十八千文東韓家庄田四十四畝租錢四十二千  
文

通州知州周岱齡記畧聖門弟子初學職灑掃禮也故  
漢儒輯禮記少儀特重汜掃文至宋儒並謂灑掃之禮  
如臯縣續志卷三 學校 三  
充之卽大學誠正之功其論雖微其理實顯何則灑掃  
所以致潔也所以致敬也不潔則敬不生不敬則禮無  
自立故少儀與大學並列禮書學校之設久矣尊崇

先聖禮莫備於

本朝顧自春秋舍奠朔望行香外恒緘籥以示謹嚴而滲漏  
塵污檢防不及此

聖廟灑掃會之所由興也淮安阮綬堂太史始創其事立一  
錢庄願捐者日捐一文耳積二十年灑掃外有餘貲爲  
聖廟歲修費法至善也禮至周也嗣是常州江寧及通郡皆  
先後踵行之予篆通之明年歲在丁亥得知如臯屬邑  
詳文知其邑合學諸生於嘉慶二十一年亦仿行是舉



一如阮太史法公梓

聖廟灑掃規約條例詳明可行久遠惟恐玩忽弊生詳請爲  
記勒石夫諸生沐浴

聖教能體

國家遵禮

先師之意致潔致敬誠無愧於弟子之禮矣灑掃雖小節也  
而是鄉之人之好禮亦畧可睹矣爰允所請而爲之記

書院社學附

安定書院卽原建雒水書院道光元年知縣托克托布率  
紳士黃灃胡萱生石和石崢重修建正屋三楹奎閣洗  
硯池等處攷斯邑爲宋胡文昭公故里更名安定

如臯縣續志

卷三

學校

四

知縣胡杰記畧先賢爲百世師聞其風者天下莫不興  
起豈一郡一邑之所得私耶然地以人傳必求其實不  
佞束髮時慕安定先生名比長遨遊江淮間適廣陵郡  
城有安定書院詢知安定爲如臯人自元明以至

國朝雍正二年已前猶隸泰州而領以揚郡未之改也道光

二年壬午冬承乏茲土下車時見都人士咸循循雅飭  
斐然成章風教固殊焉以是知密邇薰陶於數百年之  
久有如此之淪浹而彌深也撫故里之碑問衣冠之墓  
不禁爲之低徊不置云先是邑有崇正書院爲雍正甲  
辰前宰桐川曹君所建在學署東南隅雒水書院則自  
乾隆丁卯前宰永齋趙君捐俸購得邑人范大年別業



而移建於此迨七十餘年而長白托君蔚齋宰是邑以振興學校培養人材爲已任維時院舍傾圮迨半生徒肄業日多托君方議捐俸修葺而邑中紳士爭先輸助醵錢不下二千緡與文士胡君萱生石君和董其事自講堂以至學舍數十餘間鳩工庀材悉起而新之托君喟然嘆文昭之教澤遍天下而茲邑實桑梓之鄉乃更畧其院曰安定復顏其額曰景行行止因系以跋工未竣而托君有都門之役不佞適攝宰篆越明年四月院始落成僉曰此諸君子之善也是不可沒爰輯其捐貲姓氏會計出入之數命工勒石以記之復請於不佞紀其實以示毋忘方今

化成久道正學昌明士生其間者莫不觀感奮興駸駸乎明體以適用不屑從事乎襲章句倖進取也矧臯邑爲安定先生故里有不警覺於古昔先民正誼明道以應熙朝作人之化哉是則托君崇先正迺後學之厚望也已若夫安定先生學啟關洛道廣蘇湖教澤被乎天下如水之流行地中無所往而不在也豈惟一郡一邑之士私淑云乎哉是爲記

田產附

邑人沈爲仁捐錢八百三十千四百文存庫知縣托克托布置買縣北張家庄田四十畝租錢二萬四千文又洋蠻河田十畝租錢九千六百文湯臨等捐掘港場蔡



家橋田五十畝租錢二萬四千文魏芳谷捐東蔡家庄田十畝租銀十兩馬盛萬捐丁堰西顧埭港田七畝租錢四千八百文劉雲江捐七里缺田七畝五分租錢五千五百文

按徐錦向捐岔河鎮市房五十三間租銀七十兩田四畝租銀四兩續因市房倒塌無人承租乾隆三十四年間知縣崔正音詳奉藩憲覺羅圖批飭變價買置腴田徵租以資膏火估價銀六百兩房地交朱永祿執業原置金大明丁禹川宗篤齋仲雲衢仲柳原等田已載前志

據舊志載邑人吳之瑛捐置考試坐器四百付年久朽

如臯縣續志

卷三

學校

六

壞散軼無存道光三年邑人朱以信陳雲標周登瀛捐置考試坐器六百付石和又勸南鄉諸舊族加置一百付藏貯書院備用陳連瑞捐水滂圩草田六十二畝租錢二十千文內郭耕也田價錢二十千文以備歲修按田低水溢佃不成租現議變賣另置補額鄒其瑞捐錢一百千添置桌凳一百號



院長題名錄

王家相 號藝齋常熟縣人進士翰林院編修

王 淮 號香林浙江歸安人舉人

倪承弼 浙江平湖人辛酉舉人

管貽箴 常州人舉人 韓 怡 號雲卿丹徒人舉人

樂奏元 號其軒江西人舉人

朱國淳 號湘帆浙江 人已卯進士

施 垚 一名鸞坳崇明人明經舉孝廉方正

沙思祖 號凌齋通州人癸未進士廬州府教授

吳 鎧 號梅孫儀徵人乙酉舉人

如臯縣續志 卷三 院長題名 七

社學舊在豐利場原額田七十五畝邑人石聞續捐二十  
總古墾草蕩田二十三引以濟公用



如臯縣續志卷四

秩官以上載前志

龔黃召杜令譽不刊兵農鹽鐵民賴以安核實循名  
續志秩官

知縣 縣丞 教諭 訓導 主簿 巡檢 典史

嘉慶十五年 曹約安徽歙縣人 恒浙江秀水人 汪元琚陽山縣人 姚澍甘泉縣人 閻三香順天宛平人 楊鳴飛江西樂平人 吳泰均

八舉人署事 縣人議叙 廩貢生 歲貢有傳 縣人議叙 縣人例監 石莊署事

左元鎮回任有傳 李擢清廣東合浦人 縣人職員 石莊署事

石莊署事

張德涵甘肅固原人 縣人例監 石莊署事

石莊署事

如臯縣續志 卷四

秩官

十六年 楊受廷山東歷城人 傅祖緒江西清江人 縣人例貢

周斌湖南長寧人 宋慶遠河南商邱人 縣人例監 石莊署事

進士 縣人舉人 署事 孟肇紀雲南昆明人 縣人舉人 署事

署事 趙庭椿浙江山陰人 縣人例監

署事 陳潞浙江山陰人 縣人例監

署事 閻三香回任 黃韜湖南醴縣人 縣人例監

署事 李峰直隸天津人 縣人例監

署事 周雅陝西富平人 縣人吏員

署事 張嘉祥浙江餘姚人 內場

署事 沈開陽清河縣人

署事 田如芬山西交城人 傅祖緒回任

署事 張嘉祥浙江餘姚人



二十一年  
縣人舉人  
署事  
趙庭椿 同任

王鳳翥 山東  
縣人  
附監生

署事有傳

二十一年  
陳玉成 廣東  
縣人  
同任

署事

劉大烈 安徽  
縣人  
同任

人例捐

沈濤 浙江  
縣人  
同任

縣人舉人

二十二年  
賀崇禧 山東  
縣人  
同任

如阜縣續志

卷四

人署事

二十二年  
托克托布 紅  
縣人  
同任

錢 白容  
縣人

縣人署事

曹元慶 安徽  
縣人  
同任

縣人拔貢

舉人署事  
鄭 松江  
縣人  
同任

縣人例監  
石莊署事  
孟承傳 山西  
縣人  
同任

余鑑三 順天  
縣人  
同任

周 順天  
縣人  
同任

署事

署事

鄭 順天  
縣人  
同任

黃河漣 河南  
縣人  
同任

一

縣人例監  
西場署事

縣人例監  
署事

羅德元 紅  
縣人  
同任

周 同任

周 同任

孟承傳 同任

孟文祐 順天  
縣人  
同任

署事石莊  
署事

華春 同任

署事

項 安徽  
縣人  
同任

人舉人現任

二十五年

二十四年



道光元年

鄭湘回任

魏册年順天  
人議叙  
石署

二年

胡杰順天  
縣人舉人  
署事

孟承傳回任  
石莊

張壽祥調署  
石莊

婁森順天  
縣人例監  
署事石莊

三年

托克托布回任  
孫玉和浙江  
縣人例監  
署事

孟承傳回任  
石莊

李三省江西  
縣人例監  
署事石莊

四年

審雲程山東  
縣人進士  
署事

陳勿慈順天  
縣人議叙  
署事石莊

五年

如臯縣續志

秩官

二

六年

李士森山東  
縣人舉人  
署事

温權廣東  
縣人例監  
署事

陳德培浙江  
縣人例監  
署事

七年

王順齡山西  
縣人舉人  
署事

盧莖浙江  
縣人例監  
署事

王善業浙江  
縣人舉人  
署事

孟承傳回任  
石莊

八年

張泰清浙江  
縣人舉人  
署事

劉耀丙江西



年十五	年十四	年十三	年十二	年十一	十年	九年
	范仕義 回任 署事 縣人舉人 現在	李 蕓 湖南 湘鄉 縣人舉人	徐 森 安徽 桐城 縣人例監 署事	范仕義 雲南 保山	馮思澄 浙江 山陰 縣人進士 署事	王善業 回任
					孟繼熾 山東 鄒縣 人貢生 署事 道光十二年 副榜 缺裁	胡孝瀚 河南 杞縣 人例監 署事
			孫際雲 江寧 縣人 歲貢 署事	沈盛春 安徽 英山	葉 愷 江浦 縣人	
			江承基 安徽 績上 縣人 拔貢 署事	縣人拔貢		
			姚 城 回任 現任	縣人例監 署事	高 翔 浙江 山陰 縣人例監 署事	曹正銓 安徽 青陽 縣人例監 署事
		沈思梅 浙江 蕭山 縣人例捐 西場 現任	勞永清 順天 大興 縣人議叙 署事 石莊	方承恩 安徽 桐城 縣人例監 署事 石莊	陳德培 回任	
	鍾世基 湖南 武崗 縣人例監 署事 石莊		楊慶恩 浙江 山陰 縣人例監 署事	程 勤 回任 現任	程 勤 回任	程 勤 湖北 雲夢 縣人例監 署事
溫承憲 山西 太谷						朱守讓 江西 南昌 縣人例捐 署事

如皋縣續志

卷四

秩官

四







鹽運司大使

豐利場

掘港場

嘉慶十四年

梁承綸  
浙江會稽人副榜

二十一年

達  
內務府正白旗人筆帖式

道光元年  
福壽  
漢軍正白旗人增生有傳

二年

童鳳枝  
浙江山陰人監生

八年

錢同謨  
浙江桐鄉人附貢生

十六年

寶誠  
漢軍鑲黃旗人實錄館議叙現任

十七年  
童裕  
浙江會稽人

如臯縣續志  
卷四

秩官

六



掘港營都司

千總

把總

嘉慶十年

趙瑞

浙江人行

馬元林

江寧人行

成安龍

通州人行

十二年

陳堂

崇明人行

武寶林

通州人行

趙文秀

崇明人行

十三年

陳廷標

松江人由

楊定元

通州人行

陳長貴

通州人行

十六年

滿瑾

江寧人行

武魁林

通州人武

程兆彭

通州人行

十八年

馬安正

江寧人行

程淮

通州人行

二十一年

徐世雄

寶山人行

吳聯魁

通州人解

二十四年

徐天柱

崇明人行

仲步鰲

通州人行

道光三年

俞大銓

寶山人行

馬攀鳳

江寧人武

十年

周維藩

崇明人行

十六年

周世榮

松江人武

如臯縣續志

卷四

秩官

七



如臯城守營把總

嘉慶十四年 錢朝爵 通州人行伍

葉長清 山東人行伍

道光三年 馮定國 通州人行伍

王世裕 通州人行伍

十二年 王步蟾 通州人行伍現任

外委

錢陞 通州人行伍

陳耀宗 通州人行伍

陳國忠 通州人行伍現任

如臯縣續志

卷四

秩官

八



如臯縣續志卷五

選舉 以上載前志

登崇俊良經文緯武披沙揀金將飛得羽彪炳龍光續志選舉

科第 貢舉 議叙 應例 武科 武達 封蔭

嘉慶十二年

姜錫麟 武舉

陳伯瑤 武舉

李方舉 武舉

十五年

吳連茹 舉人

冒繼元 恩貢

徐忻 河南鄭州

黃錡 歷任廣東

顧清源 狼山右營

曹鼎 勇名

冒南金 以重光

張烜 舉人

叢傑 歲貢知州

張壽恭 北河鳳化

黃灃 山陽訓導

守脩 武舉

山營遊擊

功世 襲恩騎尉

顧榮 舉人

賈典 補貢

張壽恭 北河鳳化

黃灃 山陽訓導

守脩 武舉

山營遊擊

功世 襲恩騎尉

如臯縣續志

卷五

選舉

府巡檢

黃銓 浙江嘉興

覃恩馳封宣德郎

康澍 廣西博沙

府經

石汝麟 以子鯉貴

縣巡檢

薛焜 山西和順

石麟 以姪鯉貴

姜鴻基 廣西博沙

議叙縣知縣

覃恩馳贈宣德郎

登海縣知縣

張金諧 江西袁州

石玉照 勅授承德郎

府經歷

鄭棠 淮安府訓導

導

石鯉 覃恩勅授

朱章達 廣東南雄

文林郎 晉封奉直大夫

州吏目

陳全南 以父嘉謨

蓋難于洋 恩賜承襲恩



如皋縣續志

卷五

選舉

二

十六年

劉椿 浙江仙居 石葆元 廣東中堂 縣典史 司巡檢

陳桐 金匱縣訓導 有傳

十七年

張金芬 山東東昌府同知署宛州知府 有傳

孫時栢 江西萬年縣 有傳

十八年

陳鈞 拔貢 望江 錢善紳 直隸灤州 石珩 陝西邠州 知州

十九年

冒鳴 歲貢 有傳 吳金緘 金山縣 訓導 有傳

范丹樹 試用 署深水縣教諭 有傳 沈為崇 甘肅石嘴

子圭簿

二十年

劉凝 定遠縣典

許乾 以子立嗣

騎尉

王鑾 以子

捐貲贈修職

郎

黃天鵬 以子

官貲贈修職

郎

曹允弼 州判

湧貴誥封武

議大夫

黃慶堯 以子

贈奉政大夫



如阜縣續志

卷五

選舉

二十一年

賈鈞昭平  
縣馬江埔洲  
檢有傳

何天爵以孫  
捐贈儒林郎

何雲濤以子  
捐贈儒林郎

冒荼廣東  
顧清連崇明  
府經歷軍功遊擊武舉  
賞戴藍翎

曹大茂以孫  
捐贈奉直大夫

陳虹波長蘆  
試用

曹啟宗以子  
捐贈奉直大夫

鹽知

姜陶以嗣  
子孝

嚴紹武廣東  
神安

姜官贈登  
仕佐郎福建

二十二年

姜錫田

陸希奎河南  
汝陽

福州府司獄

顧崢

二十三年

沈慰曾貴州  
應江

姜展以本  
生子

劉文典直隸  
饒陽

孝憲官贈  
登仕佐郎福建

二十四年  
顧鈞舉人  
寶山

姜孝鸞  
府司獄調廣  
鹽運副使

顧鏞以子  
官誥封武德

東番馬縣沙  
灣司巡檢

薛璠廣東  
鶴山

顧鵬以子  
官誥封武德

仲貽勳湖北  
鍾祥

大夫



二十五年

黃端恩貢有傳

傅如岡浙江上虞

許謨以孫殿魁

姚麟

縣丞

官贈奉政大夫

許鳳鳴以子殿魁

官贈奉政大夫

道光元年 朱琦舉人

管柳附貢生廣 馬廷桂武舉

徐承浩以孫明捐 贈奉直大夫

東小江場大 使加捐兵馬 司正指揮

徐宗永以子明捐 贈奉直大夫

如阜縣續志

卷五

選舉

四

湯臨以議叙

誥授奉政大夫 加一級紀 錄二次

二年

吳占鰲舉人 叢盛鳴有傳

黃錫雲南 吳聯杓武舉

陳斌以子鈞貴

吳紹美恩貢

州吏目

鮑封修職郎 安縣望江縣 教諭

劉望南副榜

朱霖太常寺典簿

徐淮

冒兆鯨恩貢

鄭鏞安徽繁昌

縣巡檢

五年

黃兆奎舉人 錢兆熊歲貢 朱駒武選 沈廷榮兵部武選 陳金標武舉

戴鳴正三品



如皋縣續志

卷五

選舉

五

沈楹 長壽縣訓導

余壽增 副榜

司兼武庫司員外郎改授直隸州 徐長清 武庫

韓捷三 武庫

生江西 信豐縣知縣

六年

朱琦 進士

喬普 江陰縣訓導

姜霖 廣議叙

戴斐 福建泉州

陳金標 進士

典史 廣東鶴山縣

七年

李光綬 安徽南陵縣訓導

石嶠 署河南正陽縣典史

范毓璣 理門

八年

姜廷會 有傳

吳箎 安徽廬鳳道補授兩淮總武舉

吳麟 吳湘營千

陳廷璋 狼山營千

喬林 以子

鄧烜 副榜

山東鹽運司有傳

湯恩齊 以孫

嚴襄廷 江西試用

湯恩齊 以孫

從九署廣豐縣巡檢

貴州司郎 中加二級

汪承鏞 山東試用

湯臨 以子

同知署清軍

覃恩誥 封中憲大夫戶部

冒樹培 陝西澄城縣典史

貴州司郎 中加二級

葛傲 有傳

薛潢 東城兵馬司吏目

沈鳳佐 以子

卜雲 廣西試用

沈廷榮 以子

府經歷

大夫

吳丙輝 安徽候補

大夫

直隸州知州

十年

大夫



年十一 吳開陽 舉人

戴錫祉 四川南充

叢步齋 浙江歸安 縣主簿 符琨 武舉

馬金門 以子 廷楨 贈 武德尉

顧暄 舉人

吳師寬 湖北宜昌 縣典史 盧金綬 武舉

顧德河 以子 誥 贈 登仕佐郎

劉觀 舉人

吳師寬 湖北宜昌

年十二 顧暄 進士 禮部 吳榮春 主事

湯俊 戶部 貴州 盧金鏞 武舉

朱清滋 以子 魁 贈 直大夫

年十三 吳開陽 進士 雲南 羅次縣知縣

金照 議叙 鴻臚 分發 寺序班 江西 侯選 監知 試用縣丞

符瑤 武舉

年十四 范景璣 舉人 羅炳璇 候選 訓導

湯德新 試用 署溧水縣訓導

章 翁 以係 貴

如阜縣續志 卷五

選舉

六

石崇高 舉人 葛兆魁 副榜

湯德新 試用 署溧水縣訓導

章 翁 以係 貴

蔣景雲 副榜

吳攀 福建 從九

林郎 山東萊陽縣知縣

吳敦仁 副榜

吳攀 福建 從九

章汝霖 以子 貴

年十五 章寅 山東 曹縣 知縣

朱憲 四川 吳敬 武舉 馬圖 長淮 衛 林郎 山東萊陽縣知縣

符運標 武舉 州二都千總

何孝思 以孫 字達 捐 贈 儒林

石成勳 山東 試用 知縣

何同 以子 字捐 封 儒林郎

陶承 廣東 新安 縣 福永 司巡 檢

年十六 陳煇 恩貢

章宣 河南 候補

何剛 以子 字捐







應例候銓

冒幹成 吏目

程曾奎 從九

許鳳池 未入

姚志學 考職主簿

劉文謨 吏目

吳其薊 從九

姚秉樞 考職吏目

夏樹勳 從九

叢長青 訓導

仲振基 從九捐賑議叙吏目

曹書勳 州同

吳殿揚 按察司照磨

許殿魁 同知

吳恩照 刑部司獄

王兆莖 縣丞

戴一麒 布經歷

王兆莖 理問

戴一芝 京吏目

丁錫麟 從九

戴一經 從九

朱珣 府經歷

沈河 通判

如皋縣續志

卷五

應例候銓



續修如臯縣志卷六

列傳

立德立功日星同煥去後甘棠翦伐敢慢斯愛斯傳續  
志名宦

名宦

左元鎮字樹堂河間人宰臯日嘗丈沙田捷於步算卽以  
弓復之不差尺寸儲家洋有私鑄者親率壯丁數人夜  
至其處盡獲之治以法霜旬有無賴子徐三攘奪甚恣  
公收之瘐死其餘他事片言已折剛果之性開闢賴以  
安焉

王鳳翥字竹塢山東人署臯邑臨事果決頑民畏之然法  
如臯縣續志卷六 列傳名宦 一

依三宥薄懲無知蓋仁慈其本性也民亦不忍欺嘗斷  
典舖誣鄉民取物一事處決平允觀者頌其神明瓜代  
之期持香環道士民以萬計

姚澍字雨田揚州府歲貢學宗周張程朱秉鐸臯庠以崇  
實黜華爲己任日進諸生於庭示以身教俱有規矩準  
繩莫敢踰越每校文藝捐清俸爲優獎資愛士以誠尤  
卹寒峻喜見邑之端人正士孝子悌弟會亢旱爲民祈  
雨特於學廡設香案稽首中庭不避炎曦如是者數日  
居官五載洵有古名儒風著學庸講義四卷王勿庵督  
學爲之序越今二十餘載士林中思其遺愛猶稱頌之  
不置



魏明年字野堂直隸通州人由諸生以四庫謄錄分發江南爲大吏所器重遂補臯邑典史蒞任日役以金獻公毅然曰爾金何自來予司督捕豈受爾金四境安枕是吾利也否則法不爾貸由是閭境肅然後卒於官貧不能歸葬城東門外

福壽號樸山漢軍正白旗人增廣生性豪邁健於爲文屢薦不售考授

實錄館收掌議叙補授豐利場鹽大使公正廉明剛方慈惠剔弊釐奸鹽政修舉范隄圯上其事於大吏請款興修風雨駐隄上督役費省工堅甲於諸場農人賴之古豐素少科目爰相地建塔于文昌宮東偏每月出俸資勤如臯縣續志卷六 列傳名宦 二

考課暇則角藝較射文武登科者日衆道光壬辰歲飢設廠賑粥甲午游飢捐金鉅萬先後全活四萬餘人晝夜殫精鬚髮盡白費不敷常泣涕禱於神後怵於屢荒歲稔勸富民出稻穀四千石預備建倉爲平糶之需在任十七年官以爲家一夕無疾終停棺旅舍貧無所歸部民尸祝焉

鄭標字械亭上海人生姿穎敏性和藹可親庚申科舉人選授如臯訓導與多士接惟以敦實行務實學爲本生平博覽羣書得精義卽錄于簡著述甚夥嗣丁艱歸卒于家今人士猶思風範焉



續修如臯縣志卷七

列傳

正氣在人天心所眷庸德奇行賢賢善善一長必褒續志列傳

人物

戴聯奎字紫垣資性穎異博極羣書以明體達用爲學弱冠游京師舉乾隆甲午京兆第一乙未成進士由庶常授職編修庚子典試雲南嘉慶元年擢贊善五遷而至官詹轉內閣學士兼禮部侍郎署兵部侍郎督學安徽庚午典試江西差竣

繪音褒獎

如臯縣續志

卷七

列傳人物

賜予有加擢都察院左都御史晉禮部尚書充

經筵講官歷兵禮工戶四部尚書署吏部尚書己卯庚辰會試大總裁以兵部事左遷太常寺卿未一月

命督浙江學政

召對良久退而歎曰

聖恩如此臣何以堪臣老矣惟有矢公矢慎勉副

主知今

上御極擢爲禮部侍郎仍留督學任旋復原官奉

旨回京供職未入

覲以疾沒於官年七十有二

天子聞之遣大臣致祭給全葬如禮悉免在官處分



上諭謂戴聯奎性行純良才能稱職方冀遐齡忽聞長逝特頒祭典以慰幽魂蓋

上之軫悼深矣其通籍也藹然似儒素私居未嘗服統綺嘗謂仕宦者莫不欲有守而或改操華靡累之也且武侯天才猶一生謹慎我輩何人此心一放則無所不至矣是以出入

禁闈二十餘年每承

天語不敢外洩時有

密諭必俟丙夜焚香拜疏至歿人莫能見其草居大廷同寅協

恭或議有不合惟以理辨無疾言憤色顧風節彌峻獨處一室如對嚴賓居清顯之秩絕苞苴之私淡泊明志

如臯縣續志

卷七

列傳人物

二

綽乎有古大臣風長子鳴臯以蔭授江西信豐縣令調玉山治績有聲

汪爲霖字傅三號春田豐利場人候選道之珩子四歲而孤事重慈以孝聞英姿明幹年十七游京師由貢生援例爲比部郎中歷湖廣奉天司總辦秋審爲宰輔所推重隨圍熱河

純廟閱射中雉

賞戴花翎授廣西思恩守調鎮安守地居極邊苗犛雜處號稱難治霖廉明率屬遐邇胥安丙辰陞蒼梧道時狎苗滋擾督帥以霖久歷邊境奏留佐理軍務功甫竣以前任思恩失察事議降旋奉委護送安南阮藩進京引



見奏對稱

旨賞緞二疋返粵病於湖南道中獲請回籍嗣因母老告近補  
山東兗州守歷署督糧道及充沂曹濟道頃以母病陳  
情

子歸問視之暇怡志林泉文園北構綠靜園當時名流觴詠無  
虛日范隄爲海防扼要歲久失修特請於孫制軍發款  
興築沿海安堵又嘗獨修明倫堂整齊復舊卒年六十  
著小山泉閣詩集選刊五山耆舊集中子載恩早卒媳  
江氏春園太守女守貞十年卒得

旌表如例繼姪承鏞爲嗣現官山東同知吳中石琢堂殿撰  
銘墓有云嗟嗟斯人邦國之珍大用未竟式昭後昆信  
如臯縣續志

卷七

列傳人物

三

非諛辭云

張溶字崑浦號菊洲少讀書史慷慨有才畧捧檄粵西官  
授竇家寨巡檢未期年訪獲粵東巨盜王德明首從三  
人超擢知縣授湖北黃梅調黃岡又調漢陽悉以治稱  
值 福郡王護阮藩入

覲道出漢上獨捐俸爲供帳費他無所擾復以獲盜擢施南同  
知攝篆南漳兼攝襄陽縣篆時白蓮教匪蹤跡尚潛重  
發難而嚴密訪每中夜起防檢肅然嘉慶元年枝宜教  
匪聶傑人起事當陽教匪揚起元攻陷城池襄棗齊王  
氏姚之富高成傑劉起榮等同時響應會郡兵調往征  
南守城兵寡迅團鄉勇禦賊五戰皆捷賊黨復聚眾數



萬陷呂堰焚樊城掠客舟渡襄河遂薄郡城文武官分門堵守長門衝且危溶獨當之登陴開砲殲賊無算賊遂退鄂將軍飛章報捷卽擢授襄陽府

賞戴花翎屬官保永奉

命統師尚書惠自涼山剿賊與官保會師總理糧餉一無貽悞值除夕賊聚槐樹關因請大帥乘夜攻營果獲全勝賊竄鄧州後坡適慶官保於大洪山生擒元惡劉起榮餘黨潰散由是楚氛一清後賊尚收合餘燼制府駐襄籌備建堡築寨諸大政多賴其力兵定歲歉勸富戶出穀助賑民忘其災且倡捐修葺學宮創建小學二添建襄棗南宜四書院文教頓興百廢具舉莅襄十有四年百如臯縣續志

卷七

列傳人物

四

姓敬如神明愛如父母去後思之弗置十四年冬引

見記名

擢授江西督糧道除奸剔弊全漕肅清督六運皆無後期奏權臬篆慎刑無冤獄調補吉南贛宜道榷關稅酌盈劑虛商旅稱便己卯提調秋闈因勞成疾返贛遂不起卒年六十有七方溶之襄戎政也遭憂奪情事竣回籍追行喪禮哀思感容三年如一日存卹親知建祠置祭田爲歲時敬宗睦族地焉子二金緘候銓縣丞金棻官兗州府同知別有傳

吳箎字簡庵號渭泉少負經濟才游京師爲公卿契重官江西金溪縣丞以前在夔州軍營議叙選安徽東流縣令地枕江濱卽古之彭澤而俗悍少文數十年無科甲



爰葺城垣新文峯塔建奎閣移學宮修書院延名師主講戊寅得馮雲路發解成進士東人士咸蔚然興起歲饑發賑銀按戶均給民賴以生卓異調太和令黃水驟發漂沒六十一保壞廬舍無算迅僱舸船備饌餅紮筏濟渡編茅爲屋倉猝間多方保全嘗輯明太和吳令世濟禦寇始末申請建祠崇祀以彰前徽時擢鳳陽同知上游廉其能奏留辦賑事竣權六安州牧五閱月清理積案數百人之稱神明頌父母者與東流太和無異辭道光紀元以循聲上達

宸聰超擢福建糧道歷權藩臬值歲歉請發帑銀二十萬委員赴臺灣買米運省以平市價調安徽鳳廬道所屬諸

如臯縣續志

卷七

列傳人物

五

橋梁傾圯捐廉倡修增築頽臺堤堰皖北資其保障會擢兩淮運使調山東運使未赴任以疾告歸卒年七十有七筮修髯偉幹聲欬若洪鐘歷官三十餘年惟以清廉圖報稱兩任觀察三權臬事多平反大獄懲治豪強作令時嘗以公事至他邑邑民遮道候迎不能舍去六安楊志信方伯爲筮輯皖江從政錄紀述最詳所修東流縣志各大憲覽而重之爲之序筮善畫菊尤精岐黃致仕後著臨症醫案筆記六卷挹其餘緒亦可以見其利濟之心爲無窮矣子三椿早卒以弟丙輝官馳贈奉政大夫丙輝官安徽候補直隸知州恩照官刑部候補司獄孫曾林立俱業儒



續修如臯縣志卷七

列傳

孝友

石運開字文峯一字吧懷廩膳生母氏丁生開六月而歿事繼母陸如所生奉丁母遺像涕泣展拜誦詩至陟吧章因字吧懷氏以誌感陸病徒步數十里求醫藥祈天願以身代卒時悲號如孺子事老父先意承志愛兄情篤卒年五十四易簣夕以不能終養老父爲憾屬兄以衰經殮命諸子善事祖以完已志道光十六年事聞有司奉

旨旌其間子一長雄庠生次和文學生孫繼高庠生崇高道光

如臯縣續志

卷七

列傳孝友

六

甲午舉人曾孫拱北庠生

盧崇孝字勛占天性純孝七歲侍父鄉塾寒夜必溫其溺器及長先意承志父寢疾燥濕親易歿則哀毀骨立七日不沾勺水家素貧因母病習醫屢活人危不受重饋貧者尤力却之母旣衰日盲十餘載一夕遭重疾瀕死崇孝哀籲邑廟乞以身代比反母病遽蘇日亦復明由是遠近益重盧孝子名學師姚澍贈詩以紀其實年八十有三無疾而終道光癸巳學使廖鴻荃給行篤南陔額褒之知縣范采訪輿論以孝行詳請具奏道光十五年

旌子寅國學生以勲城工膺議叙



石蘭字禮原文生父汝萃本素豐晚年中落蘭事之養體  
養志力無不竭家法嚴恂恂守之無敢怠弟荃從學游  
庠早逝族弟金聲亦早逝皆貧無嗣以兩子繼之養於  
家妹適仲氏寡卽迎妹及甥亦養于家道光初年徵孝  
廉方正邑人公舉以應蘭堅辭焉卒後數年族黨上其  
孝行奉

古旌表子四起鳳起鸞起鵠俱庠生起鵬業儒

石堂字醉白弟臺字芸白文生嵩高子家貧兄弟竭力事  
親愛敬交至堂增廣生臺登嘉慶辛酉賢書赴南宮試  
下第留都卒于寓舍同鄉謀歸其喪啟筭見有金一函  
上封爲親出殯之資以親歿未葬心無時忍忘也旣抵  
如臯縣續志卷七 列傳孝友 七

臯兄堂逾數月亦卒

馬中騮字松筠邑庠生性至孝父永善母氏叢定省瞻依  
先意承志親歿日夜哀號孺慕之忱殆終身不忘焉鄉  
人嘉其行事間有司道光十五年奉

古旌其閭

朱駒字柏梁號伯良廩膳生幼時父疾籲天祈代父竟愈  
家貧奉養竭力承權南北兩闔屢薦不售肄業成均未  
及三載思親急歸未幾值母喪哀毀骨立悲傷父志隱  
慟三年遂致瘳疾服闋復入成均議叙教職當時名公  
咸器重之因父老歸里孺慕尤篤一時出門下者多擢  
巍科乙酉 授上元訓導卒年八十二道光十七年



劉汝奎字嘯雲附貢生巨源子幼遭父病卽具疏乞廟祈  
以身代父歿日夜號泣遂失聰事母沈定省尤篤嘗赴  
省試聞母疾遽歸後更不復與試每朔望必焚香祝天  
願減已算以益母壽婦氏沈亦賢每於母前更代說稗  
官書以娛志年逾六旬猶孺慕也母終年九十五旣葬  
省墓號泣村人多爲之流涕卒後同學私謚之曰孝慈  
先生道光十六年奉

旌表

鄧芝馨字紉蘭太學生工詩父宏文由明通榜官南河同  
知隨之任恪供子職父沒母存與弟琦以色養聞母疾

如臯縣續志

卷七

列傳孝友

八

同弟剋肱天性篤於一門卒年八十有五子汝寬庠生  
鄧琦字亦韓庠生司馬宏文次子少承庭訓及父宦家居  
奉母進甘旨曲盡歡心母病同兄剋肱歿則擗踊哀號  
里黨稱之友恭無間數十年同居同爨視猶子如己子  
性伉直專卹困窮親戚故舊多賴焉子四國光汝容汝  
富汝篤俱先後游庠

吳韶字德崇增廣生事繼母氏許如親母許櫻疾韶嘗湯  
藥飲食必自進閱十二年未嘗或懈許歿盡哀盡禮亦  
以是年卒

沈文旭字旦初幼事祖卽以孝聞母病湯藥親嘗朝夕籲  
天願以身代母卒哀毀骨立父國學生名之瑜年九十



餘卧疾牀蓐進食浣穢必躬爲之歿後悲號彌月每逢生諱之辰輒涕泣不已卒年七十道光十六年請

旌子以鳳孫湧漢

沈竹林字醉筠國學生林梓人家貧性潔不苟干人事親晨夕色養能先意承志親歿哀毀骨立服衰絰三年未嘗一日易不與戚黨事而人亦不忍強之也讀書善記多識奇字

吳天爵早孤事母陳至孝母歿未葬隣家被火天爵抱棺痛哭奮不顧身火將延及被風吹轉比隣皆焚獨天爵家無恙咸以爲孝感云

范顯奎字星環例授州吏目進士輅次子天性孝友嘗隨如臯縣續志

卷七

列傳孝友

九

父官四川長寧縣半載父歿輅固廉吏也扶襯維艱賴賻助力踰險得歸又完異母弟妹婚嫁皆承父志子景瑗道光甲午舉人

彭克法字希堯孝愛成性嘗誦惡言不出於口忿言不反於身二語以自謹因母病遵伊川先生訓研精岐黃遂不復應試族本南昌欲合舊譜而未果臨歿猶以屬其子壽可謂篤于本源者矣

袁峻字步瀛候選從九因母病不敢擅離左右遂絕意仕進朝夕親奉甘旨母歿喪葬盡禮一生有隱德子三彥倫彥升入邑庠

朱大扣賣菜傭也事親有真性母卒無以殮或告以施棺



者朱痛泣曰吾母安忍殮他人棺願告貸于遠近識者他日以菜償之父衰病食必甘旨每竭力奉之自甘粗糲卧以儆絮而事父則必致溫飽焉

朱兆蘭字蕙亭號香谷候銓主簿秉資忠厚弱冠失怙事母曲體懽心撫兩弟成立母耄年卧病親侍湯藥衣不解帶者六月歿後哀號孺慕終身不忘焉子三齊榮齊彥增廣生齊賢文學生

吳拔字幟先事母以孝聞少極貧十二歲卽出里塾以質易供甘旨性好學博涉羣書自能解悟長工詩古文詞里中筆墨應酬多出其手從姜蒼麓明府幕遊蜀中詩文代爲捉刀者居多年及八旬外逢母諱日猶終日嗚咽不食長子醇歲貢生次子金緘松江府金山縣訓導以

覃恩誥贈承德郎

季武臣字可繩性至孝曲體堂上懽心親病虔嘗湯藥歿後盡禮盡哀不惜重貲修建宗祠以承先志卒年五十三道光十七年知縣范具詳請

旌子二良汪良泐孫香棠嶠拔鸞鵬鶴俱國學生鵬卽用縣丞鷺候選營千總曾孫三十餘人金緘融萬韶桂芳綸亨等多讀書入成均

胡蘭生字秋田國子生性至孝父年九十外晨省昏定未嘗一日離杖履母病侍湯藥衣不解帶半年潛心岐黃



諸名家書無不講求貫通並不業醫而戶外履滿活人  
無筭

姜槐字晉三一字雀亭性孝父因長子仕粵東就養母顧  
氏嬰羸疾槐偕妻江奉侍罔懈歿後哀禮交致聞父卒  
于粵悲慟幾絕隻身迎葬中途遇險有神助焉道光十  
四年彙題請

旌衲主孝祠子四靈煦朝煦春煦均有聲庠序昭煦候選從  
九品

徐文楷字憲樸國學生天性純篤年十二即喜誦孝經母  
冒氏病劇刲股和糜以進病頓愈母素畏雷值雷作雖  
中夜必興趨侍其側母歿哀毀盡禮旋以疾卒子二浩  
如臯縣續志

卷七

列傳孝友

十一

淋俱入成均

邱永言字思煌性至孝兄弟友愛母病篤號泣願天刲肱  
和藥以進立愈鄉人重之子溶庠生



續修如臯縣志卷七

列傳

文苑

羅克昱號曉江疎放不羈滑稽善辨性嗜酒工詩善畫梅  
自言畫無師傅嘗游大庾嶺見古梅偃蹇如龍卧遂得  
畫意爲文不落時趨登乾隆庚午賢書春官不第遂絕  
意進取以詩酒自娛晚年官鳳陽學博尋歸卒年九十  
三

宗元達字達夫號寄芸乾隆丁酉鄉魁屢上春官不第晚  
年杜門著述不倦會逢己酉

單恩年登七十以上科居丙午以前

如臯縣續志

卷七

列傳文苑

十二

賞賜七品職銜卒年八十有一

石運開字文峯讀書沉潛入理文有唐宋諸家氣體而標  
新領異白關徑蹊兩冠童子軍入泮復以冠軍食餼景  
介三督學賞其文挺健刻露力掃陳腐列入考卷大觀  
闡薦數次甲午已售復遺竟以瘵沒著有詩文自訂全  
稿及瀕海驢背二集庶常史笠亭上舍吳梅原爲之序  
孝行別有傳

姚學源字渭璜號蘅臯父國棟力學早逝母氏高守節教  
子弱冠游庠母又沒祖母吳逾年九十孫承子職愛敬  
愈至家有繪春園爲觴咏勝地當時名士至皆主其家  
未幾園廢徙居城中與邑賢達唱酬亦無虛日喜岐黃



不屑以技名歿前一日出券數十紙焚之並不示德於  
道者卒年八十著有繪春園集子雋五別有傳

姚雋五字序東號晴巒生有異稟十歲工詩文未冠何明  
府拔冠童子軍受知諸城劉學使旋以科試食餼十五  
省試屢薦不售以明經終從游之士門牆日益尤有干  
里負笈者教人先器識有善必獎成之嘉慶丙寅歲大  
歉佐左明府賑饑不遺餘力左侯有古道君子之目嗜  
學至老不倦所讀經書皆手鈔年七十三卒著有禮記  
口義十卷晚妍山房詩文集二十卷子鵬春歲貢生孫  
鸞增廣生

冒炯字錦章庠生諡忠昭重光子年十三從父出征伊犁  
如臯縣續志

卷七

列傳文苑

十三

父陣亡扶櫬歸里事母以孝聞友愛諸弟著有賜福堂  
詩文集子達義字希尹庠生長於文教授生徒多所成  
就讀書外無他好著有塾課訓蒙文集壽八十五

恩賜

八品頂戴次達仁字春元庠生性孝友母病祈於神不茹

葷者三載著有集唐詩鈔次達中達夫俱庠生

顧泮字音昭一字璧泉未冠游庠鄉試十二次屢薦未售  
攻苦彌篤晚年著叢桂書屋詩文鈔性純孝先意承志  
竭力以供甘旨宗族鄉黨有貧乏者勉爲調卹不取非  
義不履訟庭歿之日聞者泣下稱爲厚德子二長家鵬  
次家鸞恪守遺訓孫曾輩多列膠庠以孫暄成進士官  
禮部主政



覃恩賜贈奉直大夫

顧澗號卜東性聰穎弱冠游庠試輒優等乾隆癸酉科五經房薦一日夜成二十三藝閱卷者驚爲奇才適是科以五經中者裁額二名因此見遺弟江附貢生讀書攻苦事父象臣盡孝處宗族睦處鄉里信旣沒長子家麟延師課弟家騏成名孫汝玉十三遊庠洵積善之慶云姚思學號愚溪游庠後入成均工詩能文名噪都下爲名公卿器重屢試京兆薦而復遺歸里後怡情詩酒儻然自得卒年七十有七子七各以仕學顯幼子新號芙蓉聲雋鬻官每一藝出驚其宿學亦屢躋棘闈中年遽歿著有樹蕙堂文稿

如臯縣續志

卷七

列傳文苑

十四

姚蘧字心瑗號蝶莊貢生立本子襁褓失怙承母訓未冠游庠事母養體養志母歿哀如孺子三年不與讌會尤篤友愛弟昆相與有成游其門者多擢科第卒年八十六著有知非堂稿子麟 恩貢生騶嘉慶甲子鄉魁理文學生

周南字念周號樸菴庠生屢膺闈薦不售遂絕意進取與一時名流共觴詠秉性剛方尤篤友愛值時疫扶持諸弟姪病不離其側亦竟不傳染倡置祠田修譜睦族完不能娶者十餘婚殯無所歸者十餘喪族人義之子二大啟大順皆庠生大順別有傳

周大順字三幸年九歲除夕詠詩云看到梅花和影瘦飛



來爆竹隔隣多父奇之父歿力學游庠隆冬遭母喪苦  
次哀毀冒寒得手顫疾遂不應舉教授生徒有法著杏  
雨軒集晚年編忠孝節義爲初心集子佩華廩膳生  
丁源星字謹台邑庠生家貧義不苟取讀書以敦行爲先  
嘗謂先儒論賢賢章子夏之言不能無弊但子夏以文  
學名何至其言相反蓋惡夫世之有文無行者故爲此  
言以激之耳學師聞而重之延爲子師子二盛逢盛蓮  
俱游庠

章紹曾字在輿增廣生少喪母尋亦喪父事繼母孝撫兩  
異母弟成立母歿喪葬盡禮廬墓獨居課農家子數人  
入泮三年而後歸試必優等制藝刊列東臯人文乾隆  
如臯縣續志卷七 列傳文苑 十五

間屢膺闡薦俱以額遺詩敏且工人稱爲枚臯速藻年  
八十以壽終

石萬春字耕吟幼失怙恃奮志力學未冠游庠屢薦未售  
遂以命自安潛心義理手抄周程朱張語錄及五子近  
思錄日夕體玩凡行有於義未盡言有於理未協者必  
登日記以誌過洵有古學者風焉子二長曾孝次曾敬  
皆庠生

顧瑩字懷北號淮白性至孝父寢疾畏寒抱卧兩晝夜不  
使人代父歿居廬三年以歲貢膺嘉慶庚午科

恩賜舉人旋授國子監助教晚歲著作尤勤游其門者多知名  
士自奉儉約接物和平卒年八十有一子孫俱有聲庠



序

冒樞字向之號極堂博綜羣書尤研理學行文力追先正五膺闈薦以明經貢成均非其志也暮年膺戊辰

欽賜舉人會部銓溧水訓導樞已歿矣家素寒性好周卹有姪

女幼失怙恃許字富陽縣知縣吳默存之孫未嫁而吳沒熒熒守貞樞成其志給予饘粥者數十年臨歿屬其子旭贍養以終旭附貢生

鄧沛字雲飛號柳村弱冠游庠業師范曾輝進士素以大器期之屢困棘闈薦而不售教授生徒以經術爲根柢守先正之理法及門成就者數十人著有柳村詩鈔四卷子三長杞候銓訓導次尉山庠生次林孫慶曾增廣

如臯縣續志

卷七

列傳文苑

十六

生

鄧繪字禹封號雨峯庠生性孝友與人和藹無疾言厲色講身體力行之學誦孝經三十年晚歲嘗謂人云吾生平自信者無二色耳其持身慎重如此子士元績學早歿課諸孫循循善誘烜中道光戊子副榜

仲耀政字敏事號荔亭考授州同績學工詩慷慨好義家有古樹園集海內名流爲詞賦之場延山陰胡西皖內翰重刻吳陵鄧孝威選集

國

朝天下名士評觀共三集計四十卷行於世亦詞場中大

美事也後終於其家卽葬於古樹園北隅著有荔亭詩鈔八卷



陳丹元字長人邑庠生讀書務實去華操行峻潔屏迹干求屢試南闈薦而未售厚於睦婣任郵畧無德色里黨稱爲古道君子年五十一以疾卒子蓉國學生朱蘭菴字佩衡歲貢生性和而介人愛之敬之爲文以清真雅正爲宗試輒冠軍出其門者甚衆晚好吟咏以自娛著有謀笑集二卷

陳方白字亦元號樊山少失恃事繼母以孝聞異母弟五人友愛尤篤弱冠游庠屢邀房薦雋而復遺爲文本經術游其門者多蜚聲譽序年七十手不停披鄉有義舉贊成必力猶有長者之風云

陳筠字渭南號芷塘樊山子弱冠游庠學碩品端爲當時如臯縣續志

卷七

列傳文苑

十七

名流所器重屢膺闈薦額滿見遺母年九十孺慕不衰人以爲有老萊風焉卒年七十著有桐陰詩鈔

吳廷璿字耀遠號梅岑孝友端方早歲游庠旋食餼領乾隆己酉科鄉薦工書法善吟咏尤工制藝及門獲雋者多人選文百篇名曰師範鄉里咸習之子世勳嘉慶辛酉科舉人別有傳

吳廷瑞字晉臣號玉田廩貢生少承家學未弱冠游庠屢薦不售里中知名士及掇巍科者多出其門如鄭孝廉銑沈外翰岱少司馬岐皆少而從學者也書法山谷詩宗初唐晚年集同人爲詩酒社數百里內名流唱和推崇宗匠焉著有玉田詩鈔歡顏堂全集卒年七十有一子



世傑優廩生先廷瑞歿士林惜之

鄭連字廷銓號存齋生性孝友誠篤寡言弱冠游庠屢試不售因絕意進取於宅畔構小圃嘯咏其中一時江淮名士游蒲塘者無不投轄焉著有存齋詩集子二渠歲貢生候銓教諭棠厯署教職

鄭渠字庶凝號鶴田少失怙奉母至孝十歲能文未冠游庠屢躋棘闈以歲貢入成均銓教職因病弗就歸里後怡情詩酒卒年五十有五

徐邦殿字碩夫號芍園官江西貴溪縣典史工詩歸築留香草堂文讌無虛日與管麓曰江片石稱蟻山三家著有芍園詩鈔八卷

如臯縣續志

卷七

列傳文苑

十六

吳鸞字松壑熟精選學入都由附生貢成均因母老歸家教授以經訓勗生徒多所成就性尤好義不惜捐貲以濟困工書善畫家有古梅書屋課藝付梓

吳亭字適山廩貢生博學穎悟熟精左氏春秋援例官豐縣教諭

黃濶字桐江少工文藝有名家風範與弟若沅朝夕切磨鉛槧外他無所好由廩貢官山陽學博旋歸養長子懷馨領丁卯科鄉魁次德馨增廣生次福馨芝馨太學生

黃若沅字香濤幼穎異讀書日十行下弱冠入泮食餼領乾隆戊申鄉薦需次內閣中書出就婺源縣學博上游



以才能傲裏催科積欠親行勸諭匝月全輸倡修婺邑  
書院課士多方尤卹寒峻以親老告歸色養備至居家  
江村四方名流皆樂就正沅體素羸先其父攫疾卒著  
詩古文詞若干卷道光十六年邑人臚舉孝行公額詳  
請

旌表給 帑建坊子二勸國學生勛業儒

叢傑字漢三號罕山幼穎慧十歲能詩弱冠食餼屢試南  
闈不售性耿介郡縣慕之以文字交不及他事著霽香  
閣詩草十六卷兼善書畫人購片紙以爲珍奕理篆章  
特其餘事遇有賑濟興修諸義舉悉竭力從事膺庚午  
恩貢以子應鼇捐職

如臯縣續志

卷七

列傳文苑

十九

封奉直大夫

石文字秀章苦志力學登乾隆甲寅賢書屢試春闈不售  
就薊州刺史張顏聘旋卒於幕家業蕭條惟以青箱裕  
後孫銘恩年少游庠人以爲有遺澤云

石青字春載少游庠奮志力學寒暑無間老尚從事於棘  
闈其志堅矣性和厚人稱爲古道君子次子名揚庠生  
陳範字以竹增廣生援例入國學游京師馳文譽主講遵  
化書院生徒多所成就因母劉年老歸克盡孝養工書  
善畫著有讀畫軒吟稿

程志申字舒堂廩膳生弟志晉字芾齋增廣生幼失怙事  
母至孝並有文名申慷慨好義重交游設教遠方成就



者甚眾晉謹於自守課生徒外門無雜客足跡不履公庭其樞品端方均足稱焉申先卒晉撫幼姪淦教之入學邑中知名士尤多有出其門下者子翥廩膳生

石淞字錦江號北涯增廣生穎悟博聞工制藝胎息於名大家邑先輩咸器重之中年友教四方當時名公爭爲倒屣屢試南闈售而復遺竟以諸生終焉

鄭有敦字雷山幼卽英敏能作擘窠書教授生徒成就者甚眾浙江何蘭庭觀察福建魏笛生太守皆出其門家本寒素孝友好義戚屬有婚喪事每傾囊助之以明經終子大本庠生

姜錫蕃字碧池乙卯孝廉幼卽聰慧能文兼工書法少失如臯縣續志

卷七

列傳文苑

二十

恃善體父志孝事繼母中式後屢赴禮闈未雋遂絕意仕進惟課生徒以終身焉壽七十餘

吳文祥字定生廩膳生登乾隆乙卯賢書當時公卿重其才延主廣陵講席又主講西溪所從游者多名下士著

東亭詩詞集

吳文聰字聽山文祥弟卽受業焉未冠游庠旋食餼研究經史擷取精華嘗游學西泠同社胡以莊學士視學院城延入幕中甚得人才時有披沙揀金之目惜賚志而歿未竟其學焉

喬普字雲客優貢生工詩少游京師見賞於彭文勤尚書嘗主其家考據選徵之書多出其手官江陰訓導燕山



易水慙風塵數十年僅得首藉一盤而已未幾卒於官  
著作甚富惜其稿多散佚云

吳之芬字蘭谷歲貢生博學穎悟語帶東坡雅謔風骨崢  
嶸望而知其爲名士性嗜酒每與友人共觴詠興酣落  
筆飄飄乎思欲凌雲晚年張崑浦觀察延至豫章幕中  
諸名流咸心折焉著有詩賦駢體各集

許琳字貢臺號鳳池廩貢生幼有神童日文宗大家試輒  
高等性和而介生平無疾言遽色或犯之亦不與校家  
無餘貲布衣疏食宴如也生徒之出其門者多一時名  
雋或掇巍科去琳竟以明經終焉生一女適嘉慶己卯  
科舉人顧鈞

如臯縣續志

卷七

列傳文苑

三

冒玉鐘字師庭號鳧鄉廩膳生性淳樸品端嚴善體親志  
視問出入惟謹兄弟友愛怡怡如也弱冠馳聲賢序試  
輒冠其曹省試屢薦未售作文力掃陳言從游多名下  
士惜賈志而卒詩長古體書工楷法著有水繪園文集  
學使錢黼堂侍郎叙之行世子文治庠生

冒鳴字雲鶴歲貢生天資穎異行文擅譜大家之勝詩宗  
李杜書法山谷出其門者多佳士負才未展歿於里門  
年六十八子蘭如庠生

王香字仙圃弱冠游庠數不得志於場屋因絕意進取精  
岐黃術屢活人危前諸邑令皆給額以表其閭積學砥  
行篤於倫理肘後方抑其末也著有春草堂詩一卷工



書善畫蘭竹斷楮零縑人皆珍之卒年七十有二  
張應和字致軒號小顛早歲游庠食餼錢黼堂學使刊其  
首拔試藝丁卯闈薦幾售復遺因援例就教職歷官溧  
水山陽楊山訓導士林咸欽其品學嘗主議移建溧水  
學宮科名遂盛子存仁亦以冠軍食餼孫瑞鳳庠生  
揚休字杰人號芝庭弱冠游庠屢薦不售以申韓術游皖  
省當事倚爲左右手其平反無爲泰洋洲天長屯田南  
陵文村壩三大部案詳稿皆累數千言允當成讞闔省  
皆重其名倦游歸里卒有詩集未刊藏於家

吳琪字質谷弟瑛字文玉同懷入泮揚州黃澹人山長賀  
詩有云世德一家傳伯仲佳名雙玉比巖璣琪工書法  
如臯縣續志卷七 列傳文苑 三三  
小詞瑛工制藝出門下多擢科第者

吳麇號石林庠生屢薦未售著有耽吟集詩約藝苑法言  
尚書論文蟻山詩鈔有是園記諸書嘉慶庚申秦靜齋  
刺史聘修上九場志復修鹽法志亦與有功焉

陳漢源字硯農庠生篤於孝友有妹守貞無依歸養四十  
餘年性耿介不取非義教人敦品誼游其門者望而知  
爲先生弟子卒年八十有四弟嵩字肖生奎文閣典籍  
工詩善畫以墨梅得名吳穀人祭酒爲作詠篁軒序見  
有正味齋集子佩芬庠生孫雲未冠游庠

陳琦字牧墅號亦韓庠生工詩文研心理學事親至孝父  
歿三十年每祀必泔泔泣下居心忠厚排難解紛鄉里



推爲君子兄妻吳氏苦節琦爲之請

旌建坊董賑三次議叙登仕郎子幹庠生

陳桐字鳳條讀書博覽由廩貢肄業成均法大司成甄賞之試京兆屢薦未售南歸教授生徒門牆濟濟工吟咏善談論古今人物晚年官金匱訓導未幾歿

吳世勳字銘常號鑾坡父廷璫先爲其叔合綸嗣勳卽善事嗣祖後合綸生子娶朱氏而卒子媳相繼歿遺孤孫驥尤善視之奉繼母黃孝養備至處親族恂恂有禮登嘉慶辛酉賢書挑選知縣旋改銓高淳教諭未赴官而卒

黃端字佩芸弱冠游庠旋食餼與弟履安時有二陸之譽如臯縣續志

卷七

列傳文苑

三三

邑知名士咸出其門道光元年開孝廉方正科有司以端應堅辭不就卒年五十六同里江玉章輓句有云數卷文章遺後輩滿城桃李哭先生蓋紀實也著官禮條辨八卷經腋三十二卷集選詩八卷

史發荃字香全庠生太史鳴臯少子性雅正和平善承家學屢不得志於場屋著有曉塘雜吟四卷子英庠生

陳鈞字君衡號和甫博學洽聞讀書寓目成誦年十六游庠旋食餼試輒冠軍癸酉科拔萃

廷試入選出就望江縣教諭多士式之以母老告歸終養恪供甘旨母歿哀毀骨立水漿不入口者七日旋卒年四十七有遺稿若干卷



朱清渠字慶源號鑑軒績學祇行由廩貢候銓訓導歷署  
句容桃源邳州學博隨在有聲乾隆丙午嘉慶甲戌兩  
次設廠賑饑全活無算壽至八旬子深李郡尊拔取第  
一游庠孫守文於道光甲午捐賑議叙八品

葛敞字晴嵐歲貢生豐利場人少勵志節博聞強識文思  
風發泉湧試輒前茅棘闈四薦不售善事親竭力以供  
菽水居感倚廬終喪不改喪大父母承重亦然人稱其  
孝有親串以貧病歿恤其家幾二十年曷其子至於成  
立場大使福公命子受業絕無片語涉公事場有社學  
敞購十三經於社以資寒畯嘉慶間協汪爲霖增修范  
堤道光十四年歲禮董賑勤慎多所全活後薦饑勸捐

如臯縣續志

卷七

列傳文苑

三十四

慨切無力者亦感動勉輸全活尤多事竣有司首列其  
名將請優叙敞力辭謂不敢貪人力以爲己功卒不與  
旋以疾歿年五十有六生平修飭言行最嚴於義利之  
辨談經史元元本本終日不倦可以想見其概矣子兆  
魁登甲午科副榜

范錦琮字禮黃廩膳生沉酣經籍生平以寡過自期嘗謂  
人能省過庶不致爲惡與劉本初梓功過格詳加註釋  
以贈鄉黨之同志者惜天不假年未竟其才耳

蔣朝旌字俊升增廣生天性沉篤苦志攻舉子業闈薦不  
售事老母以色養聞和於兄弟教胞姪景雲入泮旋登  
甲午科副榜



陳士達字若泉天姿兀傲文筆奇崛詩於三唐兩宋無不涉獵弱冠游庠旋食餼屢困省闈忽構狂疾卒

胡希曾字賓朝號漱泉癸卯科舉人涪州牧以熊曾孫學粹品端三歲而孤事母氏劉受教維謹入泮後肄業成均屢試京兆薦而未售母老南歸蓄館穀爲母請

旌建坊甲子南闈以副車獲雋范邑侯延主義學講席數年出門下者均有成就卒年八十有六

鄧綽號湘帆勤學好問工詩善書畫精岐黃以廩貢生候銓學博晚年設教於家子弟以科名顯者輩起著有遺興集六卷湘帆日記十六卷

范丹樹字曉原幼齡聰穎進士承宣孫也弱冠蜚聲黌序如臯縣續志卷七 列傳文苑 三五

屢躋棘闈以明經就教職秉鐸溧水一時名士多從之游瓜代之期贈言盈篋有廩生蔣鼎贈詩云文壇天與髯蘇貌武庫人推小范胸嗣又檄署桃源贛榆教職俱辭不就暮年杜門課子疊石栽花邀朋吟賞雖囊中羞澁不計也凡邑中養老卹廢拯飢諸善舉多賴其力年六十六卒著有梅花書屋格言八則又詩集若干卷

冒集元字竺樵弱冠能文鄉先生見而異之詩近陸放翁對酒遣懷與名流倡和爲樂書法亦工晚年靜坐一室猶手披丹黃不倦卒不得志以廩膳生終焉年七十有

五

沈源字瑤裕號漱蒲弱冠游庠旋食餼秉鐸高郵值水患



襄邑令晝夜防捍調卹窮民多所全濟暇則課士論文  
一鬻心折旣歸陶情詩酒里中稱其績學爲善有鄉先  
生風焉

沈廷瑛字殿魁號聞山弱冠蜚聲鬻序游揚州汪文錫太  
守門屢困棘闈獲雋復遺性好義賑災恤患竭力無倦  
垂老猶嗜經學手鈔三禮著有聽讀山房詩文稿若干

卷

朱縉字珂野增廣生工詩文試輒優等棘闈屢薦不售抑  
鬱以終弟兆蘭爲像贊有云貧似子雲命同伯道陳辭  
修學功留芹藻蘭增廣生亦有文譽惜其皆不得志云  
姜廷會字淨江歲貢生少聰穎弱冠游庠兼善詩古文詞  
如臯縣續志

卷七

列傳文苑

三六

科歲試常列前茅鄉試屢薦見賞於當時名卿卒賣志  
以歿士林惜之

冒長清字不波庠生讀書明大體巢民司理同人集流傳  
海內日久書板殘缺士大夫每購求不得因慨然出數  
百金續刊成書寄漢丹邑侯攝篆來臯喜而序之謂賢  
於世之視祖宗手澤任其殘毀不修者遠矣其餘敦睦  
親黨皆有士君子風焉

叢盛鳴字廣虞一字箕谷幼聰穎弱冠入庠旋食餼屢困  
棘闈造就生徒甚衆壻張某入庠馬某成進士處鄉黨  
公事人尤服其無私以明經終著有澄心草堂緒言子  
長青由廩貢生捐職訓導孫培春庠生



嚴捷字月三號一亭力學祇行入泮後設教揚州名流咸樂與訂交觀察孫淵如稱其英詞墨妙好古博聞性尤耿介學士吳山尊代謀置產捷固辭工書善畫卒年七十有二子爾康職授從九

鄭銑字鐘雨一字耳山父韶己酉副車銑昆弟四人兄鏞鏐鏗並游庠銑尤早慧十七入泮旋食餼嘉慶戊辰科陳樸谷先生典試江南中第三士林稱允當焉赴禮闈屢薦不售歸課生徒凡經指示者技倆無不冠儕輩著有自携集

吳醇字孟醇號吸泉狀貌奇偉好學力窮經史食廩餼屢薦不售爲文以清真雅正爲訓門下有修脯無資者時如臯縣續志卷七 列傳文苑 二十七 給餼粥成就之後進聆其緒論無不心悅誠服處世溫厚和平歿後友人輓以詩云救弊高文唐吏部又云曾未違時亦不隨皆實行也年八十八以歲貢生終焉子瑞河燮周孫雲炳奎俱遊庠

吳金緘字銘其一字茗旗幼聰慧讀書日數行下弱冠文如泉湧瓌粦陸離食餼後彭雲楣學使檄送揚州梅花書院肄業試輒冠軍山長吳並山茅耕亭兩先生咸目爲大器入都卽館於耕亭閣學家課伊子潤之成進士入中翰南北闡屢薦不售援例銓松江府金山縣訓導歷官十六年教授諸生成就甚眾學使湯敦甫先生月課蘇松兩府先令各教官評改申解文到大加獎賞批



云該學各卷評改明允精詳具見婆心苦口書法亦得  
香光三昧真可師也諸生其無忽卽此可見其學業之  
宏博教術之精勤矣年七十有四卒於官子法祖庠生  
文亦縱橫不羣孫章達文學生

鄧杞字菊圃性孝友重然諾爲文力追先正規畫世務有  
卓識凡邑中義舉推爲首倡成就後學尤衆邑介范嘗  
以品端學邃目之年七十一以明經終

范熾字溪愚增廣生少負文才老尚從事於場屋竟不得  
志年八十餘終

石和字片玉號桂塘幼聰穎讀書目下數行博涉經史爲  
文能標新領異遊庠後慷慨好義邑書院傾圮勸捐增  
如皇縣續志

卷七

列傳文苑

二十六

修舍字一新建宗祠纂族譜濬市河襄賑務無不悉心  
經理父運開性純孝族黨無間言和臚請申詳奏

聞奉

旨旌表十七年與修縣志未藏事積勞成疾遂至不起卒年

七十子四崇高榮高維高瀛高崇高中午舉人

何瑩字鏡公庠生耿介自守詩有奇氣士林重之

晉鑾字成南附貢生性嗜詩酒與江黃竹諸人結吟社魏  
野堂少府選其詩入蠙山詩鈔

孫連桂號浦灣庠生性耿介工文藻詩選人蠙山詩鈔

吳雲號野渡候選從九工醫善書畫及詩著有雙梧閣佳  
子辨齋年生勳道光中子舉於鄉孫上春庠生



顧萬椿字九如父恒學學博名重一時椿承家範經術湛  
深四上春官不售講學授徒規行矩步人咸以古君子  
目之



續修如臯縣志卷七

列傳

宦績

薛廣明附貢生官工科左給事中前志未載薛氏族人所藏宣德二年贈封廣父薛師善徵仕郎工科左給事中勅命一軸與族譜所載相符

薛應魁歲貢生官廣東羅定州司馬旋擢授知州事羅定志稱其稟性剛方不事粉飾有益民生不遺餘力前志亦未載茲均補入以闡幽光

桑英字融村性恬靜言笑不苟由成均考充四庫館謄錄議叙州同歷署廣西太平慶遠平樂桂林等府同知賀

如臯縣續志

卷七

列傳宦績

二五

縣上林知縣調龍英州州同清廉自矢所至有聲大吏咸推重之乾隆五十三年交趾不靖隨孫制軍佐理軍務制軍嘉其材能保舉內轉光祿寺署正旋擢大理寺寺丞監督大通橋及本裕北新等倉迨引退回籍邑有公事亦與贊襄焉卒年七十三子延福

叢之鐘字韶奏號豐山以廩貢肄業成均汪瑟菴法時帆兩司成賞其詩文列入課士錄中七試京兆登乾隆丙午科賢書考 授景山教習 授湖南桂東令歷任零陵衡山善化長沙所至著循聲時值征勦逆匪檄辦軍需應機稱職方擬卓薦旋攫疾卒傳載零陵名宦志子源山東候補縣丞署禹城縣篆



吳鵬字南池由太學兩充館職肆力詩古文詞精書工畫  
烏程詩人劉桐以鵬所著梅蘭菊竹四帖跋錄諸石官湖  
北乾鎮司巡檢屬遇教匪於樊城率鄉勇堵遏有功擢  
岳口縣丞嘉慶間岳堤坍塌鵬躬親捍築隄成保薦以  
積勞疾卒于官子紹德官安徽懷遠典史署旌德縣丞  
徐斨字雪門由附生官河南靈寶縣知縣時荆襄教匪滋事  
斨多軍功陞授鄭州知州旋告歸鄉黨有急無不慷慨  
周卹時與同里汪春田觀察詩酒相往還年九十三  
終著有雪門僅存草八卷子靈山東候補通判

張灝字竺橋考職主簿借補湖南善化典史時辰苗滋事  
奉憲委辦軍需丁母艱歸捐鹽經歷不復仕凡邑中修  
如臯縣續志 卷七 列傳宦績 三  
學濬河賑濟諸公事無不竭力贊成卒年七十九子金  
誥現任袁州經歷金詔候銓從九

周大觀字力幽號說蓮書法精妙游京師爲鉅公名流所  
重官湖北郝穴巡檢改補典史歷襄陽江陵宜城諸任  
俱有政聲會剿除逆匪撫軍全德招入軍營借箸動合  
機宜襄事有功一夕奉委草檄擲筆遽逝子之範隨侍  
軍中與有議叙

賈秉鈞字雲衢號寅齋未冠失怙事祖及母以孝聞友愛  
諸弟持家二十年無私蓄性嚴正鄉里敬憚之任廣西  
昭平縣馬江塘巡檢去惟攜一老僕清慎持躬恪勤供  
職有陋規名牛盤官此者賴以自給鈞至力却之申屠



牛禁眾懾服焉地多山深箐密林皆盜藪前吏皆畏不敢往鈞夤夜捕之盜驚潰竟冒烟瘴搆疾邑有土稅若干令以鈞廉能一委之至是親爲勾稽無毫釐自隱遺命老僕將喪歸子潢庠生淵力學早逝

賈秉鑑字鏡湖少失怙事母孝兄弟怡怡由成均援例從九試用湖北時楚氛未靖羽檄交馳鑑宣力其間嘗解餉遇警從者欲遁鑑呵止之謂賊數十人我亦數十人一當一何懼焉且與以誤公死何如殺賊死遂擁餉行賊懼其有備尋去賊平署京山縣丞旋補江陵虎渡口巡檢地近江盜賊乘間輒發設法搜捕荏苒一空境有堤以備水患每司事者漁其利至是實力興修民咸感如臯縣續志

卷七

列傳宦績

三十一

之居官數載上憲嘉其勤慎奉公既歿兄秉鈞聞訃迎喪歸

黃慶堯字欽安志氣豪邁見義必爲弱冠游京師以部吏授廣東曲江縣平圃巡檢期年大吏以勤能調理英德含洸口稅務值蛟水驟漲居民悉趨對岸土阜時維繫十餘估舶論以義脇以權乃往濟所救者數千人嗣任番禺慕德巡檢值旱亢無籍之徒糾眾攘奪堯先勸殷實者捐粟食飢民旋募壯佼躬率獲攘奪者二百餘人懲之間閭賴以安堵大吏方議卓薦而堯竟決意告退年七十二卒子三長銓仕浙江縣丞次錡仕粵東直隸州次錫仕滇南吏目次鉞以勳軍務給九品銜



張顏字桐村賦性敦厚和易由北河縣丞擢固安知縣值  
永定河決奉

旨拯恤黎災悉心任事民賴以生擢薊州知州嘉慶元年

聖駕幸盤山謁

陵祇迎道左卽於

行宮召見奏對得宜屬遭母憂回籍服闋選授雲南南安知州  
甫期年以北直交代事去官旋卒於家

張椿字春木號村牧附監生丁酉順天鄉試挑四庫館臚  
錄議叙主簿分發浙江歷署縣佐補授嘉善縣管糧主  
簿調補秀水縣管河主簿濬築有功將膺卓薦旋以疾  
卒于官年六十有六工小楷人多珍之

如阜縣續志

卷七

列傳宦績

三

姚英字浣齋武舉唐長子由四庫館臚錄補授湖南武陵  
縣丞以才能佐辦軍需歷攝通道常宣等縣事有民某  
涎寡嫂之產誣控以賄屬者英拒之獄成寃雪民咸頌  
之曰姚佛兒

薛璘字毓文工制藝屢試前茅因奉母捧檄粵東制軍吳  
熊光重其才特薦督學胡長齡職司奏牘歷署海豐茂  
陵吳川諸佐補鶴山縣尉皆有聲譽俸滿應調奉委督  
餉滇中遽抱疾卒

張金絨字印環例授縣丞隨侍父浴于襄陽任所軍務正  
繁年十四能勦其事高中丞祀一見器之深爲期許書  
節相麟駐軍安陸父遣詣軍一夜馳三百餘里見節相



應對詳明大加賞識天不假年惜其以勞勩卒焉

張金棻字之香江西觀察張溶次子讀書能文章援例銓授江西九江通判以迴避改銓雲南昭通通判亦未赴任嗣以司馬分發山東署武定兗州知府濟南東昌武定青州同知泰安沂州通判歷有政聲每於省垣讞獄歲理數百案洞若神明尤多平反如是者數年琦靜菴中堂嘗謂鍾雲亭制軍東省稱循吏者三棻爲之冠其催漕督餉賑災捕蝗皆以勤慎爲大憲重會補授兗州同知遽以疾沒年四十有四未竟其才東人士咸感悼之子延齡弱冠補博士弟子員

胡琳字賓賢官安徽試用從九歷署廬州府經歷涇縣茹如臯縣續志

卷七

列傳宦績

三三

麻司六安州馬頭司巡檢補滁州大鎗鎮巡檢地卽古清流關民俗獷悍甫下車偵知嶺北多盜率幹役搜獲數人民賴以安值歲饑檄委辦賑上憲嘉其廉能將保薦以疾告歸旋卒

朱章達字滄艇廣東巡檢奉差委以能見稱嘉慶丙子東莞縣令仲振履以地方錢糧積欠屢年稟請藩憲札委章達襄催尅期全輸上憲嘉之卽委署東莞縣中堂司巡檢改任南雄州吏目卒於官

武勳附

曹鼎字定洲乾隆癸酉科武舉後更名湧効力福山營以勇畧有材游陞遊擊年六十三卒於官事蹟載福山志



子步雲由武庠拔補京口右營把總孫虎庠生

范綦號月圃少有志舉業未遂援例捐從九揀發湖南以勤慎稱委署靖州佐蒞官二十餘年奉公無悞以疾告歸卒年七十歲補宦績

薛學詩字唵軒少有智畧援例捐職補直隸大名府經歷大吏以其能攝元城令旋宰良鄉擢景州屢辦漕運災賑淀津戒台水陸工程升遵化直隸州輯匪安良一郡肅然逾年因公降補安州判歷署定興縣保定通判丁內艱歸事八旬衰父色養益篤服闋調趙州奉勘屬邑水災方膺卓薦卽丁外艱起補定州權河間宣化兩府升正定調永平學詩由佐貳至牧守咸以清慎存心故

如臯縣續志

卷七

列傳宦績

三十四

爲大府器重下民瞻依年七十七卒於官子二焜山西長治縣漢兵馬司吏目加捐布政司理問補宦績

石萬泰字漁村由文學援例補川省澁吏潔已奉職罄給家貲與兩弟瞻生轉湖北庫使值教匪滋事佐大憲籌辦餉運以勞勩稱最解組徃子珩平利縣署繭絲保障隱爲董成珩官至西安同知

石希蘧字衛卿幼失怙恃生母嚴氏督課勤謹弱冠以吏員調滄陽尉委辦賑務以勞勩稱能署鄱陽吏能屏陋規除積匪士民嘉以學道愛人彰善瘴惡牌匾旋卒於峽江縣丞任

吳元吉字希裴由南河丞補青縣尹差務繁難幹辦稱職



轉調進賢新建兩縣令嚴請託絕苞苴廉聲丕著於折  
獄必以勤恤出之官終瑞州同知

顧鳴鸞字遵路由館職補宿松令松多豪族鸞善治梗陽  
獄士民德之於漕運尤樂爲委輸歷三任以最聞





# 如阜縣志

220.133

36

部=2

卷八	列傳二	耆壽	流寓	方輿
卷九	列女傳	貞女	節婦	貞壽
卷十	藝文志			
卷十一	古蹟志	墓	園	書畫
卷十二	義塚	附錄		
卷十三	詳錄志			



如臯縣續志卷八

耆壽

憲典乞言德大業久庶老在鄉授杖酌斗古禮之遺續  
志耆壽

陳繼寔字苟友號筠溪官州吏目署湖南湘潭縣丞借補  
慈利縣尉歷有循聲以次子柏貴

覃恩封為文林郎江西新淦縣知縣持身恭遜善卹親知晚年

四世一堂惟以厚德傳家為訓壽登八十有一季子平  
章增廣生孫煊

恩貢生鈞癸酉拔貢官望江縣教諭曾孫俱次第游庠

朱榕字南蔭庠生少孤貧善事母性嗜學尤精岐黃術乾

如臯縣續志 卷八 耆壽

隆丙午大疫羣醫袖手榕刊方曉市活者無算鄉人德

之子駒以明經授上元學博次駿季兆蘭增廣生孫章  
達官粵東曾孫錫麒元孫慶餘五世一堂壽八十六嘉

慶二十二年奉

旨旌其間

殷大玉年九十三歲雙旬人子二孫五曾孫九人長子光  
豪孫錦裕曾孫軒元孫繼榮族黨具情邑令范書五世  
一堂額表其間

阮登巒年八十三歲生五子長有信孫雲峯曾孫瑤元孫  
慶壽五世一堂道光二年知縣托克托布具詳請

旌





陳嘉猷國學生性至孝邑人公舉詳報已蒙題奉

旨建坊子三人思感思慰思恩孫八人伯瑤伯琨伯球伯珩伯  
瑗伯琦伯瑾伯瑜曾孫十二長慶長清長泰長齡長榮  
長庚長年長發長奎長椿長松長桂元孫三人金輝金  
聲金標其子孫曾元輩中游庠者十餘人登賢書者一  
五世一堂現年九十四道光十二年復奉  
旨賜額旌之

吳宗聖東鄉人生子國學生廷熙孫銘元曾孫賢文元孫  
承勳繪圖具請邑令托給額以表其間

姚三林世居豐利壩北姚家庄五世同堂子四目孫五良  
曾孫六律皆單傳元孫已二人長七紹次七綿現年九  
如臯縣續志 卷八 耆壽 二  
十三歲兩膺

粟帛族人現具情請

獎

李士龍岔河人年百歲嘉慶十九年題奉

旌表

恩賜昇平人瑞四字給

祭建坊

陳淑字翼聖性孝友晚尤好施嘗言遺金於子孫不如積  
德生子五允卿毓卿闇公衷赤且服壽登九十九  
夏懷綱字紀方年九十九兄璽聰年八十二弟懷柏年八  
十四兄弟友愛至老彌篤每與宗族宴會論以敦睦宗



族人咸重之

陳茂齡字彭侶性恬淡舉動以禮法自持處世敦樸渾厚  
捐貲倡修族譜宗祠邑中賑荒濟困諸公事力所能爲  
者無不勉力贊襄安命守分願養天和壽登九十有六  
子煦國學生

嚴紹陵字桐江善岐黃術壽登九十四子肅戡綱孫惠孚  
亦善醫年皆八十二曾孫淳庠生

冒成性字順五壽九十四

張世珍現年九十三兩膺 粟帛

徐庸書號學如恬淡寡欲緘默慎言平居喜讀漢書能貫  
穿人物事實教子有方子傳巖工詩畫諸子彬彬各有

如臯縣續志

卷八

耆壽

三

成就壽登九十有三

陳儀國學生三膺 粟帛壽登九十有二

黃家馴字坤儀國學生性恬靜壽九十二

趙一德字成有性耿直精岐黃壽九十二

冒達德字希仁世襲 恩騎尉壽九十二

陳兆齡現年九十二

馮士豪字文周壽登九十一歲子旭光樂善好施與同里  
諸友創建同仁堂壽八十二孫玉瑚庠生

施宗榮樂善好施年九十歲兩膺 粟帛

孫希采樂善好施不自居名年八十九歲

石渠文生現年八十九猶手自著書已入藝文志



石毓輝字玉華國學生工詩嗜酒曾客張松坪方伯竹軒  
太守幕中唱和極多倦遊歸里爲鄉里所矜式縣令姚  
尤器重之比老蒔花種竹時聚賓朋觴詠神明不衰享  
壽八十八歲子二崇鼎昌圖俱蜚聲賢序

范徵昌字眷西國學生少習制舉業因疾就診海陵遂精  
其術嘗於疫年施醫藥屢活人危親串有沒於貧病者  
悉爲棺殮晚年與邑中諸耆宿仿香山佚事聯九老會  
杖履優游觴咏自適精神矍鑠兩膺 粟帛八品頂  
帶壽登八十八子二辛榕孫景標俱先後游庠

紀傳遠字介亭號谷音庠生舉人湧次子嘉慶辛酉下河  
飢民蟻聚柴灣捐貲五百緡濟之多所全活善岐黃施

如臯縣續志

卷八

耆壽

四

藥濟貧兩膺 粟帛壽登八十八子雲國學生亦  
以醫濟人承父志焉

葉合穎號敏樹性淳樸嘉慶初膺 粟帛八品頂帶壽

九十二平生好行善事子之錡國學生現年七十九歲  
吳世雲字錦慶國學生性和厚好施予曾給僧行修衣食  
代拾字紙二十餘年僧歿給棺費焉施棺百餘具捐賑  
修橋善舉甚多享壽八十八子二皆入成均孫鍾奇游  
辛

羅志綸年八十八歲膺 粟帛二次

嚴懌字嘉夷敦本好義嘗倡首移建石谿先生祠於蠻官  
東又於廣福寺前街道易以石行者便焉壽八十七子



二長輔廷次襄廷江西巡檢

馬傑字秉五國學生敦篤退讓有長厚之目值歲飢解囊捐賑一方賴之以安年八十七精神矍鑠季弟金門亦臻古稀兄弟友愛終身無間言御下訓子皆有法子廷標廷柱國瑞俱庠生廷桂登辛巳武科

曹世珩字楚惟捐職州同性直好義延師諸生曹之鈞館於家鈞暴卒厚殮葬之其妻子然一身無所依珩妻百方慰藉遂終養焉獨捐千金建宗祠同族與爭塋地悉讓之壽八十七子鸞理問孫書勳候選州同書倉庠生袁守豫字金聲國學生性敦厚無疾言遽色親朋以乏告者無不極力周之晚年喜談周易精撰著姚雨田學博如臯縣續志

卷八

耆壽

五

稱其吉人詞寡深得易之旨趣焉壽八十有七

宋彭春性好善嘗贍貧乏壽八十七

曹于重字載華捐職從九素好善壽登八十六子岫監生亦承父志於道光十二年受邑侯范札倡捐災賑用有不足更獨出重貲以濟鄉人賴之

邱大禮素行謹厚稱長者年八十六歲

任學淳世精岐黃尤長於保嬰年八十六無疾終邱永長職員年八十六子杓庠生

楊初監生年八十六歲

程崑監生現年八十六歲

瞿紹勳字楠圃附監生工詩尤精書畫現年八十六



袁景潛職員曾於嘉慶甲戌歲飢賑粥三月現年八十六  
楊廷柱字槐公號蓑吟純謹篤誠性耽吟咏常以不忤不  
求知足知止八字自勵享年八十五歲子休別有傳  
蔣鳳鳴字翥堂監生素性好義晚年具情以居宅改建宗  
祠邑尊王給匾獎之壽八十五

管理監生年八十五歲子聲庠生議叙九品職銜

熊永年存心長厚曾施義塚兩膺 粟帛年八十九歲

嚴浩字立齋年八十四嘗與同族移建其先世石谿先生  
祠命子曾祿習醫施藥以拯貧病曾於災歲收埋路斃  
孫苞監生現壽八十四

余文燾字雪巖現年八十有四與同里諸老宿結耆英社  
如阜縣續志 卷八 耆壽 六

顧宗顏字雲章性敦厚好義舉於嘉慶三年重建顧家堡

武廟七年建 魁星樓修理橋梁災歲施藥施糶卒年八十二

王晉字北渠少游楚北嘉慶間曾以佐理軍營奏劄叙功  
恩授職員晚歲居鄉樂行善舉壽登八十三

郭葉字石谿職員壽八十三

周或字春暉國學生曾就湖北襄陽府幕值教匪滋事軍  
務控總府守張賴以佐理軍需清慎交著議叙縣丞晚  
年居家每刻善書勸世壽八十二

張葆光監生膺 粟帛壽登八十有三

嚴惠字泰常國學生孝友樂善每歲歉輒捐貲助賑精岐  
黃鄭左二邑令贈道隆保赤功符良相額壽登八十二



季子遜世傳其術有父風

賈霖庠生現壽八十二

劉汝陞監生現壽八十二

阮遐齡字渭川於嘉慶二十五年偕同人修靈威觀設局  
延內外科施醫藥冬季施粥併棉衣至今不懈現年八  
十一歲

徐江豐利場人性敦厚樂於爲善嘗爲人謀事身甘受累  
絕無怨言值歲飢捐貲助賑壽登八十有一子二佩璠  
佩珩

嚴遠字蝶莊邑諸生困於場屋援例授浙江東陽縣尉捕  
盜安民未曠職守公餘把酒論文猶是書生况味以母

如臯縣續志

卷八

耆壽

七

養歸足跡不履公庭卒年八十有一

江玉章字馨梓國學生工詩善畫少游四方晚年歸里環  
堵蕭然吟嘯不輟詩似王孟性恬淡不喜干人名流咸  
就訪之壽八十有一著有心止詩鈔若干卷

李祥字光華號月亭國學生前志載其父士周術精岐黃  
祥世其業兼工聲詩呼鄭琳婁臯洪炤爲小友唱和極  
多著有月亭草分山耆舊錄年八十有一子松庠生

羅惟鮒嘗助賑濟置義塚又與同里公建社學立同仁堂  
精神矍鑠爲善不倦現年八十一

褚文藻年登八秩嘉慶二十五年膺

粟帛頂帶教子

長年有成入成均于道光十二年捐賑議叙八品邑侯



范書仁心爲質匾獎之

季德崇字步青監生天性渾厚好善樂施有郭某贈以詩云渾無疆界分人我儘有心田付子孫壽八十五子鯤邑庠生士願太學生

叢乃燿號燮堂國學生現年八十歲

王鴻儒字聖傳國學生性抗直好善樂施置田爲義塚設局葺蒲菴捨藥施耨年八十無疾終子日章候選理問冒紹德字容灣國學生現壽八十

沈泰字雲濤邑庠生性剛直好濟人危急族中曾有孝女於火中抱母出與母俱斃者泰爲具棺殮置田墓焉壽八十二子桂輪孫淙俱庠生

如臯縣續志

卷八

耆壽

八

吳崇蘭車馬湖人現年八十

馬中驊字竹筠與弟中騮同案游庠互以立品相勉勵教授生徒有古人風壽八十子封三庠生

叢乃圖字瑞河壽八十

林惟廣年八十二歲

薛松雲國學生天性孝友鄉黨稱之享年八秩奉

覃恩舉報老人子四巒國學生嶠文庠生岷岱俱業儒

徐學恕字金山賦性渾厚有長者風恭膺

恩賜八品冠帶壽登八十七

孫之英壽九十五歲

楊正元壽八十八歲



范念祖壽八十三歲恭逢

覃恩給予

粟帛九品頂帶

吳世風國學生年屆八旬嘉慶十九年出粟賑饑于六次  
子曜文生

沈之瑜字又珍少喪母事父克承色養兄早逝遺孤幼瑜  
撫如已子親族有不能婚葬者助之歲歉嘗爲粥以食  
其里人生平無疾言忿色臨終猶語子孫以爲善最樂  
云年九十五歲子文旭舉孝子孫以銓庠生

李時春年八十

李有言監生現年八十

彭大有五世同堂道光五年

如臯縣續志

卷八

耆壽

九

旌

符有智壽八十六有乾壽八十六智長子日輝壽八十二  
次日和壽八十六智孫宗文壽八十一皆膺

覃恩八品冠帶

繆寬字馨田樸直孝友壽八十六膺

覃恩八品冠帶孫蘭亭監生善岐岐

顧家鸞字鵲書號竹溪少讀書有文名援例入成均屢薦  
未售事母疾侍湯藥十餘年無稍懈有姊適黃歸省病  
篤醫藥盡心歛葬盡禮族黨有以匱乏告者無不竭力  
濟之遇歉歲輒先倡捐贊成實惠晚年詩酒自娛著有  
聽琴山莊詩草之二贈壬辰進士現官禮部主事賦太



學生孫曾林立享壽九十有三

章增壽號松園品端學遠造就多人壽八十五

王官從字宜士樂義好施嘉慶丙寅歲飢出重貲倡捐賑

濟鄉人德之卒年八十子清瑞貢生

吳錦字襄文性孝友精刀圭術壽八十一子霆孫驥俱入

成均

馮文淵字星源工醫而不業醫遇貧者施藥餌壽八十子

吉魁游武庠

沈瑞林字華株監生秉性醇厚邑中擬舉鄉飲大賓未就

壽八十二歲子二濬洛俱庠生

蔣沅壽七十四恭逢

加壽縣續志

卷八

耆壽

又九

給予九品頂帶子金標入庠



續修如臯縣誌卷八

列傳

義行

沙淳字文善臯之沙家莊人明正嘉時田坵糧存淳爲眾乞命呈請照田均課知縣梁喬升詳奏清丈豁免盧志載知縣黎堯勳均田疏內以力竭包賠戶多逃散經該鄉民沙淳遵照節奉詔書條情申告等語入奏後鄭志畧去首事者名祇載姜岱諸人淳九世孫增齡根據盧志呈請更正補入俾仗義者不忘所自始云

湯世質號素修性醇朴讀書攻苦屢試不售援例入成均出入孝謹尤嚴於義利之界見善必爲每值歲饑捐貲如臯縣續志卷八 列傳義行 十 助賑嘗

恩予從九品銜施樁以千計乾隆嘉慶間置義塚一所生平服習五子近思錄好輯勸善書刊醫書數種傳世著有通鑑輯要卧游錄若干卷子四潛瀚澍庠生瀛廩膳生孫德新廩貢生官句容學博懋官廩貢生志疑惠良邑庠生

沈義字德山治家勤儉好義舉凡有益於人者皆勉爲之嘗建

關帝廟儀門五楹捐廟旁田三畝以奉香火嘉慶甲戌歲飢出重貲助賑又施樁數百具設義塚地十畝在林梓河西子鸞附貢生施恤廢田八畝亦克承父志云



張廷模字魯瞻居豐利壩幼失怙恃依祖母李生性孝謹處世和厚遇戚黨有失業者極力成全妻楊氏或脫簪珥助之乾隆嘉慶間歲飢皆出重貲倡首捐賑嘗重修中壩之

文昌宮特建

魁星閣於其側辛酉會元馬有章爲之記子

烜嘉慶庚午科舉人

劉人萃字雨村丁家所人性孝友筮仕湖北以親老乞歸親疾曾割肱以進嘉慶甲戌歲歉倡捐重貲每歲暮遇貧苦者量給錢米數年不怠復糾同人立繼善堂收埋道斃并留養貧病無依者凡有義舉無不樂從卒年七十

如臯縣續志

卷八

列傳義行

十一

張聖高字孔瞻性誠篤矢志不欺嘗於歲暮入城得遺金于囊檢之并有售房契稿因候于道旋見失者急遽而至詰得其實悉與之

張鎬字履豐性好善嘗與同人建留養堂以養邑中之貧苦老病者邑令申詳大憲旌以樂善好施又道光十三年歲飢倡捐助賑於本鄉李家庄獨出重貲濟之

吳焯字灼華官南楚芷江涼山巡檢移疾歸性樂善戚友以急告者無不應嘉慶乙丑癸酉歲飢倡捐賑粟賴以活者無算卒年六十七子會庠生述祖國學生

徐岡字鳳岡號桐軒慷慨好義施棺藥數十年親朋告乏傾囊不惜乙丑甲戌歲飢倡賑益力與兄強建家祠置



田八十二畝宗族尤賴之卒年七十有七子四沅湘溱澧俱國學生

汪爲霖字育萬號春澍性敦厚工詩能文與省試屢薦不售捐職理問家非素封好義舉嘉慶丙寅甲戌道光壬辰歲饑捐貲倡賑

恩加紀錄三次甲午歲又饑捐貲倍前兼濟隣邑數十里流氓范堤失修偕兄爲霖呈請大府給帑興修俾沿海數百里無潮患豐登石橋爲場衝要傾圮斷行擬修未逮易簣時命子承澤承業刻期修葺以完已志長子承鏞繼兄爲霖嗣現官山左司馬

馳封奉政大夫

如臯縣續志

卷八

列傳義行

十二

章灝號怡中國學生素多義舉見善必爲捐貲建赤岸社學邑合賀崇禧爲之記州牧周燾書額講堂曰英俊之域嘉慶十九年賑饑議叙從九品銜壽終八十歲子椿候銓縣丞捐田育嬰施棺槨有父風云

未以信字清獻幼讀書屢試不售援例入成均家不中貲勇于爲善每歲饑倡捐助賑邑令田給樂善不倦額美之偕兩甥陳雲標周登瀛共捐置考試坐器六百副生平與物無爭鄉黨有小忿朱至一言而釋其信義有加此子殿華孫元烺俱庠生

熊純道號粹軒爲人淳篤幼師事族叔秉綸困於童子試因援例入成均陶情詩酒著有粹軒詩草遇義舉慷慨



捐輸道光九年自冬歷春與周易倡首捐米煮粥食饑者百餘日全活甚眾以鄰境柘茶場田二十八畝施爲義塚父永年曾施田三十畝爲義塚子南村又施田二十二畝爲義塚一門濟美亦盛事也

仲振業字掌綸處己儉樸而樂於濟人凡遇荒歲重貲助賑外復於家中晨夕煮粥待餓者食之施藥施棺歲以爲常每值除夕察鄰里之無告者密遺錢數百文其修造橋梁寺觀皆樂輸焉病卧胞弟振威請就醫京江業謂留此費以周窮人足當吾醫藥越數日竟不藥而愈應例捐從九品卒年五十六子三貽澤候銓從九貽安貽育俱入成均

如臯縣續志

卷八

列傳義行

十三

楊綏之字正思楊家園人太學生與堂弟義之太學生同心好善曾于乾隆五十一年歲飢捐貲助賑實心董理子職員瑞任貢生廿亦于嘉慶十一年捐賑州尊唐許請獎勵其祖惟賓于雍正三年造南北大橋一名南楊家橋一名北楊家橋

朱清源字百川國學生居元興鎮少讀書天性好善鎮南窪地廣斥迭遭水旱患因割田數頃築高防鑿深池轉瘠成腴鄉人賴之值歲歉出穀賑乏施藥施糶七十年所費不資遍鋪街路多造井幹又因鎮界大河行人病涉獨造輿梁四方往來者稱爲百興橋嘉慶甲戌游飢獨力助賑捐銀千餘兩藏事



上開議叙主簿子霖附貢生官授太常典簿孫敬文輩賑樂輸  
議叙鹽知事

朱謨字增庭號曉嵐好義力賑貧乏居鄉里排難解紛一  
言頓釋人皆推爲長者壽登八十有五

恩賜九品子三理琇瑚太學生

繆輝字光奎號雲亭候選州司馬慷慨好施克承先志祖  
書文父華若皆儉約自持樂于爲善輝尤敦倫理慎祀  
事倡修二賢祠族譜追立遠祖墓碣捐田節孝祠歲修  
香火又捐義塚三區邑令托均給示泐石歲施棺木垂  
四十餘年其義舉如此里人咸稱之年六十六卒子二  
長瑞績學早逝長媳劉氏貞節附祀節孝祠次琮捐職  
如臯縣續志

卷八

列傳義行

十四

理問

許謨字嘉言其先由宋文定公將之子慶嗣官海陵居臯  
世有隱德謨天性孝友儉約自奉遇義舉慷慨樂輸不  
遺餘力歲歉賑饑多所全活施茶施糶歲以爲常以孫  
殿魁

馳贈奉政大夫

許鳳鳴字西山幼喪母哀毀骨立三年未嘗見齒事父先  
意承志侍疾嘗藥衣不解帶晨昏定省色養愉如其生  
平規矩言行爲善必果子殿元國學生殿魁府同知殿  
華布政司經歷

顧一祚字鈞臨性醇厚好施予康熙丙申歲大歉爲粥賑



飢全活甚衆王邑尊旌以奕世飽德

顧文明號象臣國學生父覲廷傳家忠厚庭訓最嚴乾隆丙子春米珠薪桂獨賑一方者兩閱月縣尊將請優叙文明力辭其他隱德類如此子四長泮次藻次澗次江三列膠庠子姓繁衍采芹者甚衆曾孫暄辛卯壬辰聯捷現官儀曹

顧家鵬字馭九一字秋霄幼肄舉子業援例國子監應鄉試屢薦未售持躬勵行爲一鄉之望晚年猶好善不倦嘉慶乙亥春歲歉首倡義舉出米粟以濟貧窮壽登耄耋兩膺粟帛子汝榮汝霖克承先志諸孫俱蜚聲黌序冒幹成字尚奇候銓州吏目性坦白好善行不求人知曾如臯縣續志

卷八

列傳義行

七

倡首捐貲疏濬營坊港沙田四十八圩頓免江湖淤塞凡宗黨有因危告者無不竭力濟之子四兆鯉兆鯤兆鰲太學生兆鯨 恩貢生候選教諭

何邦彥字世明衛籍嘉慶六年運糧至直隸保定千家村蛟水驟發淹溺哀號者無算彥救挽千餘人食以粥糜七日水退村人額急溜活人以贈彥辭不受乃懸額於保定邑廟過揚州有貧婦賣身葬夫卽解囊金以濟之其好義如此享年九十有四長子霖庠生孫曾入泮者數人

吳作梅字調鼎號庾嶺車馬湖人讀書善記援例從九性孝友竭力承堂上懽視兩弟孔懷誼篤里黨以困乏告



無不勉遂所請甲戌歲飢捐貲粟賑濟邑令田給惠施  
遐齡額獎之繼重建

武廟於湖子攀龍官福建巡檢獨建

文昌閣于湖有父風焉

沈澍字春普附貢生力學砥行雅擅詩才與同里諸名宿  
唱和成集性和厚好周貧乏諸義舉皆與有力焉壽七  
十有三

黃理字良叔國學生工詩善書生平篤於倫常矜尚風義  
父芝田曾捐書七千餘卷置學宮以公同學已載前志  
理又捐三千餘卷彭文勤尚書爲文以紀之著有耕南  
詩鈔八卷

如臯縣續志

卷八

列傳義行

六

石宗禮字崑球國學生襁褓失怙事母孝養備至性謙厚  
見義勇爲親友告乏無不給所欲察有不能償者卽火  
其券無吝色又於飢歲爲糜以食餓者子昌齡道光十  
年獨力建林梓鎮 三官殿神堂三間領嘉慶庚申武  
鄉薦

叢乃常字倫表國學生居平田以耕讀世其家誠篤好善  
多義行嘗修祠宇橋梁置義冢施棺捐賑靡不竭力子  
性南國學生亦承先志曾置義冢施棺數百具三次捐  
賑數百千施恤養局百緡生息以垂久遠孫世清襄其  
事

叢之輝字有光性孝友治家有政族黨皆矜式之里有游



手者婉諭之輒改行有爭訟者排解和息每遇歲飢必先出重貲勸捐孫召棠有聲黌序

叢健字力堂未冠失怙因輟學援例就職布政司理問性好義逢歉歲竭力襄賑多所保全子二兆鼇國學生早歿步鼇附貢生官浙江歸安縣菱湖鎮主簿

陳清泰字錫若號騰齋庠生性爽朗好義教武場舊在西郊中多荒冢每試時人馬踐踏泰傷之糾同學鄧汝寬等公籲邑令托議遷南郊公捐田六畝不足復獨捐田六畝建廳三楹不足又獨捐三百餘千成之曾修頴源橋舊志已載

姚裕文字宏達候選縣丞重名節尚氣誼教子義方各有如臯縣續志

卷八

列傳義行

十七

成就性好施予乾隆丙子歲荒疫不惜重貲延醫購藥糴米作糜賴以活者甚眾又設義冢數區歲施棺槨無倦子四思學庠生唐武舉人立本貢生志學考授主簿沈雲林字卿衢號霽岫林梓人讀書砥行不慕榮利性好施每虔製藥餌濟人遇貧乏者多所周濟里黨義之書工楷法篆隸壽登八十子河字瑞圖庠生文思敏富人稱速藻兼工詩賦駢儷諸作

石潤字方穀石莊人善讀書好義舉在一鄉中施樁藥修橋梁嘉慶丙寅甲戌年飢皆捐貲助賑不遺餘力田明府以嘉惠維桑額褒之長子礪捐職州司馬道光辛卯壬辰歲飢倡首捐賑范邑侯褒以樂善不倦詳蒙



賈以義號西園幼失怙恃生平以不逮事親爲憾質直好義片言釋鄉黨爭有貧乏稱貸之家度不能償輒焚其券不求人知捐田爲

文昌官香火晚年屏絕人事詩酒自娛孫曾林立享壽九十賈覲光字禹昌候選理問西園次子曲體親心克以好義爲承歡族黨中有告急者綿粟樁藥無不黽勉仗之乾隆丙午歲大飢慨捐重貲與邑人張朝縉徐觀政竭力賑濟邑令曹稱爲尚義可風以親老不求仕延名師訓諸子各有樹立秉鐸國學生秉鈞粵西巡檢秉鑑湖北巡檢署縣丞秉銓秉鏞俱國學生

如臯縣續志

卷八

列傳義行

六

范顯湘字望衡弱冠失怙性謹飭持重老成遇事關義舉者慷慨捐貲絕無德色生四子教有義方邑諸生石堂曾館其家堂沒無子爲助錢百緡立嗣鄉人義之卒年六十有一長子光瑩次子光榮俱庠生

徐大鸞字村里讀書好義有遭喪鬻產者願減價焉憫其情厚價償之嘗以貲阻貧家鬻妻良家鬻女歲施糲冬施粥糜絮襖兩置義塚他善類是子瑞桃有聲庠序

石銘功字鼎文候選州司馬渾厚和平樂於爲善凡宗祠族譜之需無不修助有急者貸之以粟未嘗索券冬日施衣賑粥每歲于除夜獨行聞有怨咨聲隱以錢數百納諸牖甲戌歲飢盡發廩粟以周鄉里邑令田贈德垂



梓里額丙戌流民過境倡捐資送至如廟觀橋梁坍塌者靡不竭力襄事年七十無疾終

周廣與字載之號坤庵候選州同未冠喪父母氏朱持家節儉時多外侮弟登瀛尚幼與獨力支持未嘗貽堂上憂卒能教弟成名蜚聲譽序重然諾輕施與忠厚宅心與人無宿怨脩置縣試坐器二百具供諸公乙亥歲饑煮糜餉飢又輸粟官廠獨賑千餘丁爲鄉人倡邑令田獎以園橋首善額詳請議叙子廷璠廷琛廷珍廷琪先後游庠

馬政舉字邑之居邑南江濱乾隆辛丑秋大風江溢傷人無算比潮平浮尸積淺水間政具蓆片持畚鍤舉無主

如臯縣續志

卷八

列傳義行

十九

者盡瘞之凡沙岸崩坍處見朽棺枯骨改葬高原旋以疾卒于幼妻陳氏晝督田功夜勤紡績內外無間言念內家寒薄挈共相依爲弟授室以延宗祧子龍驤遵例報捐從九

徐宗永字康兆好讀書饒經濟才官河東中場鹽大使未幾告終養歸居豐利場每遇凶歲辦理賑務捐重貲民竈多賴其德以子朗贈浙江寧紹分司孫棟翰林院待詔

江逢泰字穀圃少孤事母至孝家故寒素爲兄弟完婚娶敦宗睦族靡事不厚里黨皆稱爲君子子桐庠生

楊元敬字鳳詔國學生幼失怙恃事祖熙民至孝羣人以



孝稱精青囊術樂善好施里有壽民李士龍年登百歲  
請

旌建坊敬實助其成焉乾隆丙午歲歉議賑倡捐出穀百餘  
石嘉慶丙寅甲戌兩捐賑餉全活無算其他義舉類如  
此壽七十有二子六啟濂弱冠游庠

劉人驥字季良幼孤事母至孝性恬退不與物爭里有不  
平事一言輒解戚友告貸必勉給之族有貧乏歲給常  
貲凡助婚嫁喪葬贈棉衣施藥餌捨棺槨絕無德色乙  
丑歲饑倡先賑濟平居布衣蔬食力戒奢華娶袁氏同  
心襄事子四巖監生崢縣尉岫藩佐望南道光壬午副  
貢諸孫多舉茂才觀登辛卯科賢書人謂積善之報云  
加臯縣續志卷八 列傳義行 二十

王大濤字凌波貢生居家儉約有餘財悉供善願嘗建宗  
祠設義塚修廟觀橋梁甚夥壽終八十五

息賜八品壽官媳馬氏孫媳鄧氏兩世孀居格於例未得請  
旌發願施棺槨不計貲其曾孫兆蕙兆蘭兆荃至今遵行不  
怠

朱永年字健菴家貧好善少嘗榜門訓蒙不取束脩後與  
同人創設義塾延請經師復設卹嫠局以濟嫠婦之貧  
苦者並舊有養老之補遺局亦附焉然皆無經費以朱  
至誠感人咸樂助之有某經師亦不取束脩一年朱嘗  
議置恒產未遂其志卒年八十

李淳號渾菴附生李家莊人孝廉四載從姪家學淵源品



行端正荒歲賑饑不惜鬻產以贍其事子榕孫箴捐從九職曾孫晏有聲庠序

尤敬國李堡人天性渾厚嘗夜宿沈姓家其床褥有白金十兩沈所藏也既去覓金不得往詢之尤不欲置辨竟措償焉後數月得所亡金於床下乃大慚持金詣謝尤本好義卽將金買磚鋪地以達於義塾鄉里重之年七十餘卒旣葬過者稱爲尤善人墳

朱爲瑞字麟祥號紱堂國學生世居范湖洲東朱家樓性敦樸好義嘗造梁施樁藥修寺觀編族譜不惜重貲以成善舉長子兆蘭候銓主簿傳載孝友次兆萱兆芬俱國學生

如臯縣續志

卷八

列傳義行

三

蘇鴻飛字際雲爲文善樸實說理鄉試屢薦未售嘗在金陵有同寓友人病瘧鴻親爲延醫視藥且禱於周孝侯祠病賴以痊其視人猶已類如此

符有聲字勝遠符家庄人渾厚好義歲荒賑粥施楊家庄田二十畝爲義塚建立觀音堂子三口純日暄俱國學生日臨候選主簿歲甲戌丙戌倡捐賑饑丁酉發粟收買遺蝗孫長慶武庠生門下武科八人長泰已卯武鄉薦曾孫琨瑤連彪金彪先後登辛卯甲午乙未丁酉武科政琳朝標橫芝芬俱武庠

徐學忠字金臺國學生慷慨好施曾修宗祠纂族譜葺神宇乾隆丙午嘉慶甲戌兩次輸捐賑饑道光元年



恩膺粟帛卒年七十九子文楷國學生早逝媳符氏矢志不渝

見貞節傳孫浩淋俱入成均丙戌歲歉賑恤下河饑民百餘日丁酉出粟捕蝗

石經傳字鴻玠號芸書附貢生性穎異好讀書經史子集無不博覽爲文雅健雄深駁駁入古乾隆癸卯戊申兩邀房薦未獲雋遂絕意進取惟聞善行義舉則鼓舞而起次子國學生名仲駒號裕良者復能曲體親心樂施不倦每逢歲歉必捐粟賑濟鄉人稱焉

陳之厚字載萬監生慷慨好施每歲歉出貲捐賑全活甚衆鄉里大小善舉無不踴躍倡先爲一方之領袖子銓布政司理問鏐監生

如皋縣續志

卷八

列傳義行

三

周鳳字鳴岡一字竹仙候銓州司馬生平慷慨好善嘉慶丙寅歲饑助辦龍遊河以南十六村賑甲戌歲饑又助辦賑勤勞罔懈獨力施糜者兩月田邑合獎以仁慈著美額他如建修橋梁祠宇賑恤孤寡皆竭力焉子廷書貢生孫觀堯業儒

吳道遠字鵬程監生父病割股歲荒捐賑田邑合獎以義敦推解額子觀章邦英俱庠生

胡葵生字晴嵐國學生性慷慨好義邑中育嬰堂建自康熙初年歷久事弛念先人創始之艱毅然自任增乳婦備襦襦及醫藥間有近居俯育無力者給乳養貲予之舊堂本安定書院故址地近學宮邑人士議遷至烈女



祠因屋宇湫隘獨力移建所費旣多屢經旱潦歲所入  
度支不敷復售千金產以足其用襄事九年賴保全者甚  
衆焉子五金綬增廣生

范徵銑字聯山候銓主簿篤行好善力矜貧乏冬施棉衣荒  
歲施糜粥昆蟲草木亦愛惜而不忍傷焉子丹樹溧水  
訓導孫二景伊庠生次景程業儒

徐堯章字蓉湖性明警遇事辨察由職貢加知縣以疾  
未赴銓奉親養志敦睦友族不遺已力前令湯公任以  
育嬰堂務籌設轉門增乳工小兒糕餌棉衣悉釐前弊  
彌年深以功不補患爲慮力請却之親喪後杜門不出  
常往墓田瞻拜嗚咽暇讀周易二氏書養生家言自娛  
如皇縣續志 卷八 列傳義行 三五

緘默習靜喜聽琴雅量多容外侮不較體素弱善調攝  
卒年七十五預知蛻期

江城字岷東附貢生康熙甲午舉人筆化孫天性友愛輕  
財重義濟人急難不惜重貲毫無德色年六十九無疾  
而終子三懋德附貢生懋官監生懋齡庠生



方技

趙一清字復堂丰姿俊爽有出塵概世精岐黃通於性理  
邑令田贈儒脉醫宗額施胗脉藥餌貧病者尤德之卒  
年七十六

馮以昇字蒙求善治痘屢有奇功嘗途遇一吳姓子猝令  
輿夫搏其周身子驚啼其母伺道中話之求謂此子尋  
將出痘必爲逆症搏之則心動汗浹庶幾可生越三日  
痘見轉逆爲順由是名聞遠近邑令陳額保赤功深以  
贈壽八十有一曾孫錦鰲瑤俱弱冠入泮

李壬如精堪輿鄉人重之



隱逸

薛榕原名球字耀亭讀書入成均工詩古書畫下筆蒼勁古秀性孤傲尚氣節涇縣趙星閣先生聘爲上賓款留二十餘年勸之仕進不應旣歸足不出戶歿後星閣作傳走千里弔其家

薛鈞字聖陶號竹巢貢生勤學工詩幼失怙事母至孝母寢疾十有二年視膳視藥未嘗暫離遂絕意進取以醫活人歲歉捐貲賑乏爲間里先平生多隱德不求人知卒年五十七著竹巢詩鈔付梓進士程化鵬爲之序

范典澤字岱雲性英敏於書無所不讀絕意進取肆力於詩古文詞構夕佳樓嘯吟其中篤於友愛與物無忤鄉如臯縣續志

卷八

隱逸

三五

里稱爲善士卒年七十著有古柏山莊詩鈔

吳嘉謨號蕙軒少入成均應京兆試不售書法虔禮奉母諱家居事父不復求仕進

沈邦臨字樹本工詩選刊五瓊珍藏集晚年猶作蠅頭細字壽七十有三子彤庠生



如臯縣續志卷八

流寓

沙聲遠字包山號畫隱性伉爽豪邁有幽并俠士風遊庠後陶情詩酒于山水人物無不超神入妙而尤以畫馬得名其氣骨雄秀足補韓幹江都王未盡之奇圖繪寶鑑極稱其畫柳烟雲斷續絕後空前從通州徙居臯城依族人吟菴頤園中棲遲數十載晚歲吟菴割沙家圩一庄相贈遠謝以詩有江村空濶處結宇暫爲家之句著有畫學醒言包山詩集其詩選入東臯詩存嘗鼎一臠亦可見宗仰不在漢魏下矣

李化鵬靜海諸生祖福慶始遷臯父一駿兄困皆學中老如臯縣續志卷八

流寓

三

宿鵬承家學教子孫家聲益大生平多隱德嘗拾遺還主叩姓名不以告出餘技爲人卜釋訟聯姻不拘數而据理臯人多陰受其益孫曾昌熾多此類之報云以子巽元貴贈修職郎以孫新林貴晉文林郎正陽知縣

靜海耆舊傳誌

朱溶字月江祖籍泰興生而穎異困小試入成均橐筆燕山南遊楚粵二十餘年因病家居工詩詞善書畫至老不倦彙刻許氏雙節詩鈔表揚苦志未竟而逝子嶺桂庠牛續鏤行世邑令范贈誼篤枌榆額

繆中字牧人號竹癡東臺附貢生工詩善書畫尤好義舉吳野人陋軒集外尚有遺詩補刊焉卒年六十有四



李巽元鵬子七歲工文十一入賢官督學李有汗血神駒  
之目省試屢首薦皆額溢見遺遂登鄉貢進士居恒以  
課子弟訓生徒爲正業東臯後進多經講畫而成中年  
遊楚攝鹿門乳泉山長時安襄卽荆人士皆望風來學  
晚年司訓穀陽嘗與和雲汀陶中丞元日登山詩拔爲  
壓卷因論攝教諭檄助修省志其爲文崇理法力追先  
正而行誼尤絕時流以伯子新林貴贈文林郎壽登八  
十四仲子畚遷上舍其妾陶氏苦節撫孤督學龔給匾  
褒獎叔子源貢明經其子祖鑿力學早世聘妻崔氏孝  
廉玉綸女聞夫病草輟餐四十餘日接凶問矢死奔喪  
旣歸柔順舅姑貞孝俱出性成季子喬舉茂才林子祖  
如臯縣續志

卷八

流寓

三七

輝補增廣皆巽元手教云

詳靜海耆舊

馬思禮通州籍恭儉勤謹無事矣求遊海上慕魚鹽之利  
卜居掘港廣交遊重然諾治家以嚴教子以正業邑中  
公事靡不竭力襄事子求成監生捐賑議叙九品職銜  
王瑞邦通州人善治痘疹挾技遊掘浦醫不望報遇貧乏  
則施藥療治年八十精神矍鑠子金彪遊武庠與辦賑  
議叙把總職銜

孫裕揚州人僑居掘港場性好善嘗糾同人重修街道白  
雲浦橋抵包垣又西方寺街抵鹽課司前凡數里行者  
稱便事載兩淮鹽法志第十二卷

方蘭臺字馨谷號餘庸儀徵人業鹺於臯之李家堡構雙



槐館以居焉性純以孝少隨嗣父過湖西舟覆負父水中流數里得援若有神助嗣母喬老而病足寢與躬必扶掖卅餘年無敢懈生母唐年九十一卒於家在堡聞耗哀毀過情致疾不起逾月亦卒易簀夕命二子開昌以衰經斂扶櫬歸里族黨詳請儀令范給扶植人倫額道光十年奉

旌

郭彪字兆熊東臺人僑居李堡素好善曾倡修鎮中都天廟城隍廟凡道路橋梁尤樂從之每歲施寒衣棺槨歲暮暗賑夫婦同登耄耋焉子琪早入庠能繼父志於辛卯歲荒出重貲助賑邑令范給額曰淳厚維風

如臯縣續志

卷八

流寓

三


成周禮號蔭棠海門籍增生品端學富造就生徒甚衆及門成進士者二人丹徒門人張秉銳梓其文稿行世卒年八十六

吳鵬孫字振寰儀徵縣籍乾隆丁酉科順天舉人丁未大挑以親老不就士論高之居鄉謙退與物無忤好施濟尤工詩子壽民梓叢綠山房遺稿四卷行世

吳永瑞字拱璧歙籍人內嚴外和憐恤孤寡賴以全者甚衆里中有公事無不慷慨樂輸卒年一十

江化鵬號春亭通州籍廩生攻苦食淡手不釋卷制藝有大家風範兼善詩古文詞晚居掘港與管齋曰輩結詩社已列入瓊五藏珍及嶼山詩鈔子安瀾廩生







續修如臯縣志

列女傳一 貞女

柏舟泛衛漸臺沈楚婦德女宗懷清千古不朽貞珉續志列女

貞女

陳氏庠生史發榮聘妻年二十四聞夫歿矢志守貞四十九年嘉慶二十四年

旌

貞女王氏卜兆女道光三年

旌

貞女范氏候選縣尉顯淮女庠生陳大鏞聘妻夫歿奔喪如臯縣續志卷九 列女傳一

哀毀幾絕逾二載卒嗣子晉

貞女王氏葛萬印妻奔喪守節

以上道光四年

旌

徐氏周汝明聘妻年十七聞夫病篤歸周三日夫故守貞六十二年

陳氏附貢生元襄女許字庠生孫維垣垣工舉子業有聲庠序試輒高等文賦多刊江蘇試牘及崇川所見集中以攻苦致疾卒氏年二十一聞訃誓以身殉母體其志歸孫上事祖姑及翁媪誠盡禮撫嗣子銘勲成立

黃氏舉人若沅女許字歲貢生叢傑次子占鰲年二十夫歿聞訃哀毀不食誓以身殉父母憐之從其志奔喪守



貞事哀翁以孝聞立姪美鳳爲嗣茹苦積勞年三十九歲歿

貞女江氏歙縣候選知府蕃女儒童汪載恩聘妻年二十五汪歿聞訃奔喪上奉祖姑翁姑承顏順意守貞十一年卒  
以上道光六年

旌

貞女徐七姑大義女幼性貞靜竭力代母勞父先祖母卒勉事重慈矢志不字迨母卒喪塋誠敬廬墓期年學使辛給葆貞全孝額道光七年

旌現年六十七歲

貞女錢氏積山女道光十年

如臯縣續志

卷九

列女傳一

二

旌

貞女吳氏劉全慶聘妻年二十二夫歿聞訃奔喪孝事舅姑奉養喪塋竭誠盡禮立姪人麟人鳳爲嗣道光十三年

旌

陳氏儒童孫達圻聘妻圻勤學早逝氏年二十六聞訃投身階下母從其志送之往八門哀號聲嘶氣絕姆陳氏泣解曰吾與汝爲姆妯先後作未亡人懼此鞠凶死何足惜但翁哀嗣幼上事下撫異日相從地下庶可告無罪也氏感其言自是獨居一室奉夫像事之定省外足不踰閭道光十五年



旌雙節以表其間

貞女吳氏道遠室女蚤歲孝事父母許字儒童宋景祐二十  
十一歲夫歿聞訃奔喪以頭觸棺慟絕者再翁姑勸諭  
從命守貞閱十一年卒道光十七年請

旌

葉氏女年二十喪母女念父老弟幼願奉父終身以待弟  
成立矢志茹荼持家辛勤操作不倦現年九十里人稱  
爲義姑

俞氏國學生龍門女守貞不字親喪哀毀致疾尋卒年五  
十九歲附祀烈女祠

貞女庠生范昀女八歲母歿家貧兄弟四人俱幼比長守  
如臯縣續志

卷九

列女傳一

三

貞不字事父助兄弟襄理家務辛苦備嘗兩兄俱入邑  
庠四弟入成均三弟業儒現年四十七歲

貞女沙碧仙府照磨碩夫女兄姊五人女居幼兄遊藝在  
外姊他適父母在堂朝夕承懽不離左右迨父母先後  
歿兩兄繼卒女年二十餘毀容自矢守貞不字現年六  
十歲族黨陳情邑侯范給完貞全孝額獎之

陳氏宗鶴林聘妻年二十四宗歿守貞三十七年卒

薛氏鳳標女許字李八魁未婚夫故氏泣請於親奔喪哀  
慟血淚交迸勺飲不入舅姑勸慰暫隨母返越數日乘  
間投河死時年十五學使辛嘉其童貞尤爲罕覲給葆  
貞殉節額獎之



貞孝女江氏國學生廣女守貞事親母年八十八歲卒

道光十一年學憲白獎之曰北宮女範現年五十七歲  
陳氏儒童徐仰與聘妻徐歿氏年十八聞訃悲慟幾絕告  
父母依徐守志奉翁姑以代子職立夫弟子震爲嗣現  
年四十五歲守貞二十八年

孫氏文童葛克孚聘妻夫歿聞訃奔喪誓死不貳守貞二  
十年

許氏馬塘農人玉貴女年及笄父歿兩弟幼母癯疾家  
僅瘠地數畝女矢志奉母撫弟守貞不字逾二十載母  
歿氏亦尋歿年四十有九

吳氏文童薛雲藻聘妻年二十七夫歿聞訃奔喪誓死不  
如臯縣續志

卷九

列女傳一

四

貳孝事翁姑戚黨罕見其面卒年五十二守貞二十五  
年

貞女任氏宋殿光聘妻宋故女年十七聞訃奔喪毀容矢  
志學使朱給以松貞護茂額現年五十七守貞四十年  
貞女石氏許字張棟成未婚張卒女年十七聞訃奔喪侍  
奉翁姑婦代子職撫育嗣子教養成立現年三十二歲  
守貞十五年

貞女冒氏 欽賜舉人樞姪女許字富陽縣吳黥存孫未  
婚夫歿立志守貞依叔樞家數十年卒

貞女趙氏許字王鳴岐未嫁鳴岐歿氏奔喪矢志姑以家  
貧乏繼嗣固辭氏誓不改適姑鑒其誠許之事姑孝敬



言笑不苟足不輕履外相守貞二十年卒

貞女冒氏監生策次女許字張某未婚張卒女年二十聞訃奔喪父母憐而止之慟哭絕粒數日父母喻其志堅在室守貞現年五十歲守貞三十年學使龔給節葆女貞額獎之

宗氏歲貢生味根女許字嚴錚年二十三嚴歿矢志守貞十一年

吳氏恩貢生紹美女許字儒童姚承玉年二十三姚歿守貞十五年

吳氏親老家貧矢志不字勤針黹佐兄弟以養父母經理喪葬悉賴以助焉現年四十五

如臯縣續志

卷九

列女傳一

五

劉氏陳機聘妻機獲痼疾兩家議毀氏決志歸陳婦兼子職事衰姑如母姑病曾割肱以進夫歿立猶子星燦爲嗣卒年七十七例不得

旌戚黨咸以貞賢重之

貞女徐氏徐光奎女不願許字誓奉父母卒年八十六歲貞女徐氏徐耀宗女督學辛給葆貞全孝額獎之

烏氏孝廉大良女孫許字霜甸劉生未婚而歿矢志守貞母及姑皆寡而貧氏承顏色奉甘旨無失禮姑卒與母相依篝燈針黹以供朝夕守貞三十年

楊氏管慎琬妻二十八歲奔喪守貞三十一年

劉氏江臻妻二十歲奔喪守貞督學辛給葆貞篤義額



施氏女東臺人幼鬻於黃及長將遣適人施自陳幼許字中表呂姓因歲荒鬻之願終從呂黃乃往東臺訪之無迹焉遂自誓不嫁願事主終身後伴兩世孀居輔育子孫成立施氏與有力焉

貞義女顧氏幼失父母育于張富五家富五妻周視如女周患羸疾女嚙臂肉以進周歿悲號失明助理內務辛勤謹慎張氏賴之卒年八十六

陳氏志元女李朋年聘妻未婚守貞八十三歲卒學憲辛給葆貞全義額獎之

吳氏好亭孫女許字徽人張希賢爲妻年十九夫歿守貞二十年

如臯縣續志

卷九

列女傳一

六

冒氏元良女年及笄父母俱亡兄又早逝立嗣子幼甚氏矢志不字理喪葬辛苦撫其姪至成立焉現年五十七  
李氏宏達女早喪母兩弟均幼矢志願事父終身佐撫其弟及父娶繼母尤盡孝敬人咸重之現年五十九  
冒氏某女事孀母不字卒年六十三同室姪女冒氏嵩年女亦以養親不字現年四十七

許氏志松女母早世父多疾願事父不字現年五十四  
余氏國卿女始以父母無子誓不字後晚得子親已邁遂終事焉現年五十二

季氏仲嶺女父早世母寡弟幼矢志奉母以撫其弟遂不字現年五十



管氏任大松妻夫病祝天願以身代割肱和藥以進夫歿旋自縊

貞女周氏其父傭人也許字任氏子未嫁夫歿氏年十五誓死靡他母寡無兄弟願終身奉之以針黹覓活每日懸所作之物于門俟隣里老成者代易薪粟終朝扃戶如無居人母死哀號氣絕時以哥女子稱有紀以詩者近訪諸鄉老得其大畧蓋乾隆年間人特補遺焉

叢氏國學生乃璧女璧精醫理屢有奇功四方皆延之遠適女善體親心日侍衰祖父母側年逾三十遂矢志不字此以孝成其貞者也弟驪國學生

蔡氏冒廷謨聘妻年二十二歲聞訃音即日奔喪孝事孀如臯縣續志

卷九

列女傳一

七

姑及姑病卧飲藥餌必親嘗八年不怠姑歿喪葬盡禮撫嗣子一鳴慈愛兼至現守貞二十年

喬氏太學生林女江陰學博普胞妹事寡母孝不忍一刻暫離遂終身不字卒年四十八歲

陸氏黃大譽聘妻二十四歲守貞現年四十五

貞女蔣氏起鴛女現年五十九歲

周氏庠生大啟女貞孝不字年二十餘卒

潘氏林標聘妻聞訃奔喪以姪灝爲嗣督學白獎以柏舟矢志額現年六十五歲道光十五年

旌

貞女吳氏馬德輝聘妻聞夫訃音痛不欲生泣請奔喪父



止之不可視夫殮畢急欲殉身相從家人力救得免卒之乘空投繯時年二十六歲邑令范給匾獎勵

貞女馬氏思禮女幼隨父遷掘港場性孝父歿哀毀欲絕誓奉母不願字人以紡績佐兄弟治生產現年六十有五

貞女石氏東鄉陸家庄人年十九在田薜草忿遭徐某穢言自縊前邑令左具詳請

旌嘉慶十一年八月奉

旨給帑建坊從祀節孝祠

孫氏陳宏達聘妻道光元年

旌

如臯縣續志

卷九

列女傳一

八

趙氏儒童鄧叙聘妻

楊氏儒童李振麟聘妻

張氏儒童崔錦章聘妻 以上道光九年

旌

孝女儲氏鶴年女道光十六年

旌



續修如臯縣志

列女傳二 節婦 貞壽

節婦

石氏庠生子元女州同吳執衡子宏妻性謹恪事翁姑以  
孝聞夫力學致羸疾彌年勿愈曾割股以進宏卒氏年  
二十一投繯以殉翁姑急救之因命以夫兄庚午舉人  
疆子捷為嗣上事下育捷後入庠計守節數十年  
乾隆四十二年 補前志之遺

旌

虞氏徐國昌妻年二十五夫歿守節四十一年嘉慶十二  
年

如臯縣續志

卷九

列女傳二

九

旌

段氏趙國萬妻二十九歲守節

程氏國學生陳杖妻夫歿氏年二十一歲矢志撫孤嚴慈  
交盡子鈞嘉慶癸酉拔貢授望江縣教諭道光二年

旌

單恩準予貤封卒年八十歲

以上嘉慶十五年

旌

沈氏顧覺妻二十二歲守節

石氏丁有裕妻二十二歲守節

關氏張庭育妻二十一歲守節

花氏湯程萬妻二十歲守節

許氏顧全信妻事載前志卒年七十七 以上嘉慶十九年



旌

繆氏丁恒菴妻十九歲守節壽八十六歲

袁氏吳榕妻

以上嘉慶二十一年

旌

劉氏監生宋永芳副室永芳樂善好施承修城西弔橋鄭  
邑宰褒以善行可嘉額年逾六十無子娶劉生子秀書  
甫四歲永芳歿氏年二十九矢志撫孤有宗人利其產  
思斃其孤氏嚴以飭內智以防外幾瀕於危卒能守死  
力爭撫孤成立捐職理問守節四十餘年嘉慶二十二  
年

旌

如臯縣續志

卷九

列女傳二

十

旌

姜氏監生胡琨妻二十八歲守節嘉慶二十三年

顧氏國學生鏞女武舉標姊適儒童楊瑜瑜攻苦力學搆  
疾卒氏年二十九矢志苦守事翁姑以孝敬聞延名師  
教子成立長發崑次念劬皆貢成均諸孫業儒現年八  
十歲守節五十一年

洪氏朱兆熊妻二十六歲守節

唐氏呂仲勳妻二十七歲守節

張氏丁盛柏妻夫歿氏年二十六祖姑及姑在堂遺孤六  
歲上奉下撫以女紅給朝夕脩歷艱辛卒年四十七計  
苦節二十一年子文元國學生  
以上嘉慶二十四年



旌

冒氏顧淮妻二十一歲守節嘉慶二十五年

旌

楊氏監生孫鑛副室稟資貞靜嫻熟禮儀年二十八夫歿哀痛數絕因遺囑以宗祧為重矢志毀容長子步蟾四歲承長支次濟二歲勤針帶以給饗殮撫孤成立茹苦三十一年

劉氏職道汪之珩副室氏年二十八夫歿上事邁姑朝夕惟謹撫子為霖四齡嚴慈交至為霖官山左克州守因告終養歸卒年八十歲

黃氏監生陳桂妻年二十三夫歿守節五十三年

如臯縣續志

卷九

列女傳二

十一

田氏夏咸妻二十七歲守節壽七十九歲

張氏程秉仁妻夫歿氏年二十八茹苦守志勤針帶以給饗殮撫子亮成立卒年八十有一計守節五十三年

杭氏仲東玉妻事翁姑克盡孝道年二十七夫歿茹哀治殮事畢一哭遂絕既甦宗人議立遠族子為嗣以慰氏氏曰吾夫有弟他日生子可立今欲議此恐吾志不堅耶遂以頭觸棺麻衣皆血焉後立子振銘撫之成立入國學孫四長鐸布經次鑲州同次朝鏡理問次澗業儒以上道光二年

旌

黃氏王日榮妻年二十三夫歿無子悲慟幾絕事姑如母



愛敬兼至撫嗣子國祥如已出年七十無疾終道光三年

旌

楊氏監生顧凌雲妻二十九歲守節

宗氏湯公卜妻二十二歲夫歿守節符例

宗氏文生金玉相妻夫歿年二十八守節符例

冒氏仲貽坤妻夫歿年二十三歲守節

陳氏儒童汪之瑛妻年二十五夫歿上事哀姑下撫嗣子

爲憲成立入國學年六十歲卒 以上道光四年

旌

沙氏監生范顯佑妻二十四歲守節上事兩世翁姑姑病

如臯縣續志

卷九

列女傳二

十二

判股以進

葉氏施五美妻二十七歲守節子潤監生孫三南強庠生

羅氏褚文斌妻二十三歲夫歿七十九歲卒守節五十六

年 以上道光五年

旌

范氏季律和妻繆氏律和子光輝妻姑婦苦節已載前志

道光六年

旌建雙節坊在丁家所

朱氏嚴芸妻事翁姑以孝聞夫力學致疾卒氏年二十三

遺腹生男成童而夭嗣姪紹武筮仕粵東氏現年七十

五歲



陳氏儒童范桂林妻年十九夫歿無子氏哀痛幾絕公姑諭以立後撫嗣子京元如已出御事俯蓄守節五十六年卒時七十有四

朱氏羅香岩妻夫歿年二十三矢志守節

鄒氏廩膳生吳世恩妻夫故氏年二十三矢志撫孤子騏成立有聲庠序氏名希珍字懷潔工詩善畫有自題秋意課子圖詩卷守節三十三年卒

徐氏叢之松妻守節符例傳見前志

以上道光六年

旌

周氏明經朱蘭蓀子希鑑妻適朱逾年夫歿翁姑哀邁盡孝竭誠撫夫弟衣履皆出其手立姪馨書爲嗣

如臯縣續志

卷九

列女傳二

十三

劉氏薛載萬妻夫歿年二十一計守節五十九年

以上

道光七年

旌

鄭氏生員顧錫三妻年二十二歸鄭未及一載夫歿氏慟不欲生時有遺腹舅姑泣慰之越六旬生男三日而殤氏因一縷已絕志在必死潛取金噐食焉舅姑廉知之強飲以黑羊血得不死自是謹事舅姑孝養倍至撫嗣子振宗如已出訓誨有方振宗弱冠游庠守節二十六  
年卒 以上道光八年

旌

羅氏國學生顧凌妻於歸二年夫歿氏年二十三誓不獨



生願相從地下祖姑及翁姑勸慰乃已事祖姑翁姑孝  
敬無違撫孤成立年四十五歲卒守節二十二年

胡氏廣東鶴山縣尉賈鑾副室年二十五守節艱苦備嘗  
事嫡尤謹撫所生子思贊成立入庠現年六十三歲

吳氏安徽巡檢鄭鈞妻夫卒氏年二十九守節三十四年  
羅氏湯偉廷妻 以上道光九年

旌

朱氏丁樸光妻夫歿上事下撫守節

丁氏吳應奎妻年二十七夫歿守節三十年

沈氏江西庫使錢善勗繼妻年二十五夫歿與幼子扶櫬  
歸里時翁五知任無爲州牧未幾翁姑歿子媳繼亡復

如臯縣續志

卷九

列女傳二

十四

撫嗣孫升成立入學升夫婦又繼亡遺有曾孫三人復  
撫之曾孫選亦入學壽終九十一計茹苦六十六年

吳氏奎文閣典籍陳嵩妻貧苦守節教子幹讀書入庠  
以上道光十年

旌

胡氏張冠英側室二十一歲守節

程氏儒童黃濟美妻年十九歸濟美孝事翁姑塋祭尤竭  
誠敬濟美以嗜學攻苦撻疾歿氏年三十子湖八齡矢  
志撫孤事織紵以給饗殮每夜篝燈勤自業兼勵兒讀  
雪操冰心守節十五年卒學使辛給節苦風清額

楊氏國學生顧鴻繼室夫歿氏年二十九撫遺孤二子嚴



旌  
慈交至持家勤儉言笑不苟族黨欽之卒年八十四歲  
計守節五十五年 以上道光十二年

旌  
章氏陳士遇妻夫歿氏年二十七守節十一年卒道光十  
三年

旌  
葛氏丁盛善妻年十七夫歿守節二十八年

王氏儒童許長榕妻年二十六夫故哀號泣血慟不欲生  
翁嫜勉以撫孤爲重抑情節哀矢志冰蘖現年五十有  
九守節三十四年子德淦貢成均德瀛邑庠生

婁氏儒童姜雲鶴妻夫歿氏年二十五矢志撫孤現年六  
如臯縣續志 卷九 列女傳二 十五

十四歲計守節三十九年

宗氏儒童姜雲鳳妻夫歿氏年二十四守節三十二年卒  
督學辛給苦節聯芳額一門雙節

陳氏監生徐煥光妻翁姑早逝無期功強近之親年二十  
七夫歿誓以身殉母命以撫孤爲重家運偃蹇外事紛  
紜子方八齡羸弱多病挑燈課讀寓愛於勞卒能延此  
一線至於成立王學使獎以節操冰霜子名紹崑文學  
生 以上道光十五年

旌  
萬氏張鳳齡妻年二十六夫歿遺孤世英甫十月姑氏蔣  
瞽而多病衣食多在床蓐間進澣汚垢十三年如一日



道光十六年

旌

陳氏太史姜任脩第三子庠生文載妻年二十三歲夫故翁姑在堂誓志守節紡績以供甘旨生事死葬心力交瘁卒年六十三守節四十一年道光十六年

旌

吳氏儒童狄世柏妻年二十三歲夫歿事姑盡孝撫嗣子成立守節十五年卒

叢氏儒童馮嘉蔭妻年二十七夫歿上事衰姑養祭盡禮撫嗣子承基成立入成均廖學憲額以苦節延宗

郝氏吏目劉文謨妻本年十九夫歿因官照遺失逾十年如臯縣續志

卷九

列女傳二

十六

始檢出報故現年五十餘實已守節三十餘年

錢氏儲六彛妻適儲逾年夫歿時年二十五上事衰姑下撫嗣子茹荼矢志守節五十二年 以上道光十七年

旌

楊氏陸希曾妻于歸三年夫歿氏年二十三上奉翁姑竭誠盡孝下撫嗣子成立現年五十四歲守節三十二年許氏顧曾璵妻福州知府木公孫女曾璵歿氏年二十六矢志守節備極艱辛邑侯褒以柏節松齡卒年八十二計守節五十八年

吳氏顧大德妻夫歿氏年二十九矢志守節事翁姑以孝聞撫孤子杰勳熈等成立備嘗艱苦卒年五十八計守



節二十九年

徐氏李七典妻二十四歲夫歿已守節五十五年媳顧氏子銅妻三十歲守節奉姑孝謹已守二十八年

陳氏監生張鸞妻三十歲夫歿守節五十六年督學白以節凜冰霜額獎之

周氏蔣士元妾二十四歲夫歿守節五十七年督學申以徽媿柏舟額獎之

何氏監生蔣鳳彩妻年三十夫歿時祖姑及翁姑在堂家貧子幼惟以紡績針黹易薪米迨祖姑及翁姑先後歿

喪葬尤極誠敬邑尊范旌以額曰清節流芬子四朝旌

增生孫景雲道光甲午科副榜

如臯縣續志

卷九

列女傳二

七

陳氏儒士明長發妻夫歿氏守苦節二十四年現年四十六歲

張氏雷謙吉妻年二十九夫歿守節三十七年督學辛獎以完節垂型

孫氏劉宏英妻年二十五夫歿已守三十五年媳沙氏子春田妻年二十二夫歿已守十八年姑婦雙節

崔氏童克修妻二十九歲夫歿姑性嚴氏致敬盡禮得姑歡撫子潢灝成立卒年八十五歲守節五十六年督學

辛獎以苦節幽光

周氏許元植妻二十九歲夫歿端肅持身勤儉持家事姑以孝敬教子以義方卒年七十三歲守節四十四年督



學辛給完節垂型額

曹氏彭希堯側室三十歲夫歿茹苦完貞百折不移守節四十五年七十五歲卒督學辛給匾完節垂型

彭氏鄭有鳳妻二十六歲夫歿守貞茹苦積針黹餘資買蘇家庄田二十六畝送本城育嬰堂請楷勒石邑侯范給匾節義可嘉現年四十六歲已守節二十一年

沈氏范瑞采妻瑞采號震川興澤長子績學早逝氏年二十五矢志靡他守節五十年七十五歲卒

吳氏石廷金妻夫歿氏年二十奉養公姑撫孤成立守節三十九年

曹氏顧文成妻夫歿氏年二十九矢志撫孤卒年五十六如臯縣續志

卷九

列女傳二

十六

歲守節二十七年

錢氏袁繼祖副室夫故氏年二十二于天衢三歲矢志撫孤賴針黹以給饘粥學使朱給操勵貞筠額現年五十九歲守節已三十七年

趙氏儒童鄧緒妻夫歿氏年二十七矢志靡他事公姑盡孝盡誠撫嗣子傳如已出教誨不倦傳入邑庠學使辛給苦節芳型額獎之現年六十二歲守節三十五年

袁氏劉樹翰妻夫歿氏年二十五上事衰姑育繼嗣西鼎成立入成均卒年五十九守節二十四年督學辛給完節垂型額獎之

賈氏庠生陳廷銓妻夫歿氏年二十九遺孤國瑞甫四月



茹苦守節已二十五年現年五十四歲

周氏庠生湯志凝妻夫歿氏年二十五矢志撫孤三子筠簡範教以義方茹蘗九熊守節十五年而歿

李氏顧氏武舉張振霄副室李生子同椿三月夫故時年二十五顧氏二十四同心矢志上事下育李守二十四年卒顧現年六十二計已守三十八年

吳氏陳德厚妻夫歿氏年二十三守節八年而歿

錢氏曹萬玉妻夫歿氏年二十二矢志撫孤子南山成立娶張氏未幾南山亦歿張年三十兩世熒爨形影相弔

錢守節四十年學使辛給額獎之曰苦節垂型張守節四十六年學憲申給額獎之曰苦節芳型一門雙節鄉

如臯縣續志

卷九

列女傳二

十九

里憫之

冒氏陳丹桂妻夫歿氏年二十六孝事翁姑撫嗣子新田成立卒年六十一計守節四十五年學使辛給額獎以完節垂型

洪氏儒童葛明元妻明元攻苦構疾卒氏年二十二上事孀姑下撫遺子矢志堅貞守節二十四年身歿學憲申給冰心玉操額獎之

許氏叢瞻山妻年二十一夫歿已守七十二年學使辛獎以苦節遐齡

徐氏陳玉衡妻夫歿氏年二十三守貞立嗣子慶徵續祀辛學憲獎以馨列彤書守節四十一年



潘氏儒童季福安妻年二十九歲夫歿事姑孝謹孤子皓堂六齡教養成立卒年九十三歲守節六十四年

繆氏季俊三妻節婦潘氏孫婦年二十五夫歿矢志守節事翁姑盡孝盡禮撫孤子二長浴次淇俱能成立已守二十餘年

陳氏儒童楊觀光妻夫歿氏年二十六上事翁姑下撫孤子茹苦儉至學使白給徽媿柏舟額獎之

羅氏國學生楊廷瑞妻夫歿氏年二十六上事翁姑下撫繼嗣艱辛儉嘗現年五十七歲已守節三十六年

劉氏丁源燠妻夫歿氏年二十六上奉下撫茹荼矢志卒年五十四守節二十八年

如臯縣續志

卷九

列女傳二

二十

王氏儒士紀盈若妻夫卒氏年二十八撫遺女茹苦相依擇冒健爲壻健旋游庠具請學使廖給操勵貞筠額獎之卒年八十守節五十二年

徐氏周振發妻夫故氏年三十上事衰翁奉養蒸祭盡孝盡誠撫週歲遺孤成立現年五十六歲已守節二十七年學使申給苦節芳型額獎之

叢氏宗必志妻夫歿氏年二十五矢志毀容事翁姑以孝聞撫嗣子明政成立現年六十一歲已守節三十六年宗氏周宗瑞妻夫歿氏年二十四矢志撫孤茹苦致疾守節七年卒

周氏張富五妻夫歿氏年二十六上事下撫致成篤疾苦



守五年卒孫烜登庚午科富五之堂姪廷柏妻王氏夫  
歿氏年二十七苦守九年卒生子志裕孫曾林立

於氏周宏大妻夫歿氏年二十四矢志撫孤守節六十五  
年卒

冒氏徐萬春妻夫歿氏年二十三矢志靡他事翁姑敬勤  
不怠六十五歲卒守節四十二年

楊氏候選理問石玉照繼室夫歿氏年二十五矢志毀容  
現年六十歲已守節三十五年

袁氏國學生蘇雲翼妻夫歿氏年二十三事姑如母遺子  
綸宣方在襁抱撫子成立延師教讀授室後子與婦相

繼皆歿又撫孤孫景眉景麒辛勤備至現年五十七歲  
如臯縣續志卷九 列女傳二 三

已守節三十四年

周氏陳興志妻夫故氏年二十八矢志不渝現年七十一  
歲已守節四十三年

錢氏國學生黃田賦妻夫歿氏年三十一矢志撫孤現年  
四十九歲已守節十八年

阮氏胡巨林妻夫故家貧無以爲養矢志不渝行乞奉姑  
撫子孤憐力不能贍寄食他家氏問視無間偶得甘旨  
必供姑勸其飽食乃止現姑許氏七十七歲氏年五十  
五歲

許氏李萃妻二十二歲夫歿遺子二豈晟皆幼矢志撫育  
以紡織給朝夕現年六十八歲已守節四十六年



徐氏郭鯉妻二十六歲守節現年六十六歲

冒氏程文聚妻二十四歲守節現年五十五歲

陸氏吳國安妻二十八歲守節

朱氏余春華妻二十八歲守節

姜氏劉軼倫妻三十歲夫歿無嗣事姑盡孝守四十七年

吳氏章光達妻二十七歲守節現年六十歲

葉氏職員許鳳池妻二十八歲守節矢志三十一年

管氏程振南妻三十歲守節

程氏呂學灝妻三十歲守節

吳氏文生章景曾妻二十七歲守節現年五十六歲

王氏管貽生妻二十歲守節現年四十六歲

如臯縣續志

卷九

列女傳二

三

羅氏顧震廷妻二十九歲守節現年六十九歲

陳氏顧受萬妻十九歲守節苦節二十餘年

陸氏馮壽泰妻守節符例

蘇氏呂秉乾妻守節符例現年五十八歲

江氏劉昭德妻二十五歲守節現年五十四歲

劉氏候補從九徐瑞妻二十五歲守節

王氏監生馮震妻二十九歲守節現年五十九歲

張氏蘇裕坤妻二十八歲守節現年六十五歲

陳氏孟春濤妻二十三歲守節

蘇氏張虞封妻二十八歲守節苦節四十年

蘇氏周卓凡妻二十六歲守節苦節二十年



徐氏管庶妻二十五歲守節現年四十五歲

顧氏傅宗齡妻二十九歲守節現年七十一歲

於氏何國鏡妻二十八歲守節現年五十六歲

陶氏汪之瑗側室年二十八夫歿已守五十六年

陸氏姚六高妻年二十七夫歿已守二十八年

翟氏陳兆蘭妻年二十五夫歿已守二十五年

張氏冒兆鯉妻年二十七夫歿守節十二年卒

張氏劉鍾俊妻守節符例媳石氏師昆妻守節符例一門

雙節百代垂型前邑令丁額以志潔松堅於乾隆六年

旌建坊廣福寺前

范氏監生陳信妻夫歿氏年二十四歲矢志守節孝事翁

如臯縣續志

卷九

列女傳二

三三

姑撫子貞成立婚娶貞又歿媳叢氏守節尤苦范卒年

四十九歲叢現撫兩孤雙玉雙龍業儒

何氏魏松高妻年二十二夫歿邑令托給清標彤管額學

使朱獎以操勵貞筠已守五十七年

徐氏通州舉人徐錫爵孫女適高彭仁高坳氏年二十一

貧甚恃針黹事翁姑撫其子成立卒年四十二

范氏九廷蕃妻年二十三夫坳家貧以紡績事翁姑課孤

子兼撫其姪繼侗游庠守節三十年學使龔獎以茶苦

筠清

郁氏劉維城妻年二十三夫歿上事邁姑下撫孤子動皆

以禮法自持近子鐸生孫矣已守二十九年



劉氏庠生石麟妻夫歿於浙江幕中氏年二十九歲矢志守貞撫孤成立守節三十七年

聞氏鄒盛炯妻夫歿氏年二十八矢志靡他現年四十八歲已守節二十年子之城廩膳生

石氏文生沙金妻夫歿氏年二十矢志靡他孝事邁姑色養備至撫孤子麟祥成立現守節十八年

吳氏監生楊義之妻夫歿氏年二十三矢志守貞撫三歲孤子成立學憲廖褒以松筠節操現年六十四歲

沈氏叢盛霖妻夫歿氏年二十九矢志苦守督學辛褒以節操冰霜卒年四十五

劉氏繆瑞妻夫歿矢志靡他歿祀節孝祠

如臯縣續志

卷九

列女傳二

二四

張氏楊執扶妻夫歿氏年二十九誓死不改性某娶妻喻氏夫歿矢志如姑守二十四年卒張氏現年七十七歲計守節四十八年廖學使褒以松柏雙貞

阮氏朱振也妻夫歿氏年二十七矢志不渝撫嗣子亨南成立歿年六十四歲計守節三十七年

沈氏高郵訓導沈源女監生朱震妻年十九適朱逾年夫故現守節二十年

劉氏宋殿奎妻年二十七夫歿事翁姑孝謹撫嗣子瑩成立入庠已守節三十三年學使朱以彤史揚芬額獎之吳氏宋孝徵妻年二十二夫歿已守節四十二年學使以茶蘼葆貞額獎之



梁氏職員仲元龍副室二十九歲夫歿撫二子教養脩至  
守節三十四年卒

葉氏儒童洪理妻夫歿氏年二十二矢志苦守十一年卒  
附主節孝祠

石氏洪宗珩妻適洪逾年夫歿氏年二十二現今守節十  
八年

汪氏陳國柱妻三十歲守節卒年七十六歲龔學使獎以  
苦節可貞

吳氏舉人連茹堂妹高映辰妻年二十五夫歿已守二十  
六年

顧氏顧雄女進士暄姪女儒童姚韞玉妻年二十四夫歿  
如臯縣續志卷九 列女傳二 三五

已守十六年

冒氏豐利場國學生馬觀妻甫結褵觀隨父舉人大良赴  
選入都歿于京家中落氏事翁姑孝養脩至積針黹餘  
資刻翁自怡軒文集建祠宇苦節已五十年嗣子豐

冒氏庠生馬臨妻夫早逝家貧苦節知書史訓子有方守  
節三十年

葛氏儒童馬願妻甫結褵夫嬰疾卒氏茹荼守節事姑以  
孝聞訓子有方守節二十三年

宗氏上舍生陳豫妻年二十四夫歿矢志食貧上奉衰姑  
下撫孤子瑀成立守節四十一年學使朱給緡媿柏舟  
額獎之



胡氏明汝震妻年二十二夫歿守節四十六年督學辛獎以節苦風清

韓氏張成琳妻年二十二夫歿已守節四十五年督學辛獎以節苦風清

王氏胡永基妻年二十七夫歿已守節四十七年孫名開益

石氏范昫妻年二十四夫歿已守三十一年學使朱獎以徽姬柏舟

顧氏傭工董秉純妻年三十夫歿已守三十四年子亦傭工以養

叢氏占魁妹劉全壽妻年二十夫歿已守二十九年立嗣如臯縣續志

卷九

列女傳二

二十六

子人驥女適孔昭融

徐氏武進士璋女吳煜妻氏于歸逾年翁姑與夫相繼歿氏年二十六夫弟尚幼竭力喪葬撫孤女以針黹謀衣食茹苦二十年卒

章氏吳載敏妻年二十一夫歿操針黹事翁姑積勞成疾閱七載卒學使辛獎以苦節幽芳嗣子德輝孫金壽俱廩膳生

張氏文生宗彩妻年二十九夫歿已守四十四年嗣子桂林

劉氏王清芳妻年二十九歲夫歿學政辛給節苦風清額獎之嗣子民濂



錢氏吳師寬妻夫官東湖縣典史遽攫疾歿氏携弱孤培  
基扶襯歸艱窘萬狀守節不渝里人賢之現年五十一  
李氏增生石堂妻夫歿氏年三十一矢志茹荼現年六十  
一歲

李氏黃國封妻夫歿年逾三十遺孤旋殤立嗣子芾棠教  
養成立艱辛脩至善醫工書畫現守節三十四年

趙氏庠生范邦治妻道光辛巳秋范赴省試姑周氏病篤  
氏潛割股和糜進姑病逾而氏積勞成疾逾年歿

陳氏文生李式文妻夫故年三十四撫孤成立守節二十  
九年卒

孔氏鄧士元妻夫歿氏年二十九歲誓守節事翁孝訓子  
如臯縣續志

卷九

列女傳二

二十七

有義方現年四十九歲子烜戊子副榜

戴氏叢大松妻夫歿氏年二十子世經年甫二齡上事下  
撫針黹辛勤現年五十二歲已守三十二年

冒氏叢之驊妻夫歿氏年二十五歲已守節三十一年

石氏洪鼎文妻夫歿氏年二十七苦守五十年卒

鄧氏錢仲柔妻二十八歲夫歿守節五十六年

冒氏庠生宗世澤妻十九歲夫歿守節五十七年

康氏馬希文妻二十三歲夫歿守節六十一年

周氏朱亨咸妻二十五歲守節

劉氏陳東林妻二十四歲夫歿守節四十二年

劉氏陳兆慶妻二十九歲夫歿守節二十六年



曹氏程維伊妻年二十一夫故已守節三十二年現年五十三歲

陳氏郝 妻年十九夫歿撫孤守義子又早喪含酸茹苦三十三年卒年五十二

曹橋馬某妻亡其氏夫歿家貧子身朝夕哭夫墓側未幾亦卒聞者憫之

馬氏葛德五妻性端淑動合禮儀言中規矩善事翁姑竭誠盡孝夫病兩年親侍湯藥無倦籲天祈神願以身代子明元曾封股以進歿後茹藥飲冰備嘗艱苦母兼父職教有義方次子魁元逮事之菽水承歡愉愉如也氏親見曾孫林立享壽八十有九以年例不符未旌鄉如臯縣續志

卷九

列女傳二

二十六

黨賢之

張氏儒童石美才妻夫歿氏年逾三十遺子宗禮甫五月矢志撫孤艱苦交至戚黨賢之卒年六十六踰限未旌

范氏袁峻妻夫歿撫子成立教有義方持躬淑慎以年逾三十例不得旌

李氏庠生石雄妻于歸盡職以孝稱翁姑喪日哀毀如子父鵬萬文學生早故母史氏暮年多病日必省視已巳春母病危篤禱於神刲股以進病稍瘥累月復劇竟不起涕曰姑亡猶有母在今何依焉襟有血痕旬餘以哭母亡邑人感其孝作詩紀之



仲氏儒童石允彝妻夫故氏年二十五哀毀幾絕勉以上  
有翁姑下乏子嗣矢志苦守事翁姑喪葬盡禮撫嗣子  
榮生成立現年五十八歲已守節三十四年督學朱給  
以徽媿柏舟額

馬氏庠生馬捷三女適儒童曹聯奎二載夫歿氏年二十  
一孀姑在堂節哀矢志劬勞成疾計守節十有一年身  
故道光九年督學辛給苦節芳型額獎之

江氏國學生吳必榮妻夫歿氏年二十一哀姑在堂遺孤  
德華三歲氏矢志上事下撫德華甫成立又歿復立嗣  
孫逢吉艱辛成疾卒年四十七歲計苦節二十六年督  
學萬獎以節勵松筠

如臯縣續志

卷九

列女傳二

二五

楊氏左龍文妻夫故氏年二十七矢志靡他上事下育卒  
年四十五歲計守節十八年

王氏士龍女庠生呂榮妻歸呂太祖姑及姑在堂孝養盡  
禮太祖姑歿夫亦繼歿氏年二十九竭力喪葬奉姑益  
謹姑歿痛呂無嗣立王氏子續呂祧焉卒年五十七

任氏國學生鏡女武庠韓雄妻夫歿氏年二十八有遺腹  
焉族人欲奪其志氏矢死不渝幸生男族人無異議氏  
懼依父母居食貧茹苦教子成立卒年七十七歲計守  
節四十九年

劉氏端木聲揚妻夫歿氏年二十八撫孤子三人成立卒  
年六十二計守節三十四年



鄭氏通州庠生雲書雲鵬女兄弟適儒士鄧傑夫歿氏年二十二毀容矢志茹苦食貧現年四十八歲計已守節二十六年

徐氏國學生玉田女武舉人金鰲姊候選從九楊俊妻夫歿氏年二十九卒年六十七守節三十八年道光五年學使辛給著列彤書額獎之

王氏衛守備楊秀側室夫歿氏年二十二矢志守節端嚴循禮事大婦尤謹慎數十年如一日現年四十九歲已守節二十八年

宋氏從九端士女甲午舉人繩治妹適儒童鄧慶餘夫歿氏年二十六孤子金詔三歲氏上事下撫備極勤劬翁如阜縣續志

卷九

列女傳二

三

祀教授生徒甚眾金詔句讀之後皆氏督責課程焉學使龔給慈竹貞筠額獎之現年四十三歲計已守節十七年

冒氏徐明安妻歸徐上事祖翁暨翁姑敬慎承懽夫歿氏年二十三遺孤四齡矢志茹荼上事下撫現年四十九歲已守節二十七年

施氏陳葵妻夫歿氏年二十六立志茹苦撫嗣子佩玉成立娶丁氏佩玉攻苦致疾歿氏年二十九亦矢志上事下撫施現年六十四計守節三十八年丁亦守節十年學使廖節表霜筠額獎之

陳氏胡永盛妻夫歿氏年二十撫孤守志子建昌成立娶



陸氏生子智仁七歲建昌亦歿兩世熒熒相依爲命陳九十一歲卒計守節七十一年陸七十八歲卒計守節四十二年學使辛給雙節世徽額獎之

湯氏貢生煥彩女儒童吳晴湖妻夫歿氏年二十五矢志守節上奉翁姑下撫嗣子成立子又歿復撫嗣孫守節三十年卒

符氏監生徐文楷妻夫歿氏年三十上事衰翁竭力承權下撫遺孤二子浩淋成立現年五十九歲已守節三十年學使白以節凜冰霜額獎之

丁氏姚琨妻年二十九夫歿遺孤子珠甫二齡教誨成立現年六十歲已守節三十一年學使辛給苦節芳型額獎之

如臯縣續志 卷九 列女傳二 三

顧氏程沁源妻年二十夫歿矢志守節已四十年學使辛給苦節聯芳額獎之

錢氏儒童沈鴻沅妻夫歿氏年二十四矢志撫孤茹蘗飲冰守節六十一年八十五歲卒子桂輪孫淙俱庠生學使辛給完節垂型額獎之

葛氏吳德興繼室夫故氏年二十七舅姑在堂子方數月矢志撫育子授室又卒復撫遺孫國元成立已守節四十八年現年七十五歲

陳氏馬咸周妻夫歿氏年二十三矢志靡他事舅姑孝謹撫孤子成童而殤隻影熒熒茹荼苦守二十餘年



單氏卜程萬妻年二十一夫物已守二十六年

樊氏故麗江府知府大經曾孫女適趙辛占趙物氏年二十一  
十一事姑撫孤艱苦脩嘗已守十七年

奈氏葛玉麟妻年二十八夫物已守十七年

許氏傅學賢妻年二十七夫物奉舅姑撫孤子艱辛脩嘗  
已守十年又徐氏傅學和妻年二十四夫歿境尤苦已  
守十一年

林氏高榮萬妻年三十夫物茹苦守節撫子成立卒年七  
十六

沙氏庠生吳占魁妻夫歿氏年二十二歲苦節十八年卒  
章氏監生范德基副室夫歿氏年二十四歲守節二十八

如臯縣續志

卷九

列女傳二

三三

年六十二歲終

范氏文學生朱琛妻年二十八歲夫故敬事翁姑慈撫孤  
子守苦節十七年歿

馮氏冒仲舉繼室現守節二十一年

丁氏年十九適文學陳棠次子佩琮爲妻二十五歲守節  
現年六十八歲

陳氏丁長省妻夫歿氏年二十五歲撫遺腹子源定成立  
守苦節三十年卒

張氏儒童陳朝炳妻夫歿氏年二十五歲守苦節二十九  
年卒

施氏儒士張士珍妻夫歿氏年二十四歲撫孤守節三十



六年子松高孫怡

葉氏國學生朱瑩妾年二十八瑩歿守節十六年而卒  
儲氏周大壯妻二十五歲夫歿事姑繆氏惟謹守節四十  
餘年卒

陳氏國學生繆六愷副室愷歿氏守苦節以年逾三十未  
旌邑侯范給竹節松枝額獎之六愷義行詳兩淮鹽法  
志從祀二賢宗祠子瑱例入成均

吳氏武生馮元政妻守節三十七年督學申獎以松貞筠  
節額子思義武生

石氏顧良英妻年十八歲夫歿守節六十六年

張氏沙堯璧妻年二十五夫物撫子錦玉入成均又早世

如臯縣續志

卷九

列女傳二

三

道光三年

旌現年七十九歲

沈氏儒童錢清紱妻年二十七夫物已守節三十三年道  
光十四年

旌

劉氏陳嘉祿妻二十三夫物已守節三十三年

朱氏李鐘妻年二十八夫物已守節二十年

吳氏文生袁濤妻年廿八夫物孝事孀姑已守節十七年

錢氏監生朱清瑞繼妻年二十四夫物事姑孝敬兼好善

事里黨重之已守十一年

陳氏冒逢庚妻年二十六夫物遺腹生男已守十年



陳氏吳業成妻年二十五守節已守四十年

徐氏文庠生沈澹妻二十七歲守節事翁姑孝謹訓嗣子

城業儒學憲辛給馨烈彤管額獎之已守二十九年

徐氏趙惟與妻年二十七夫幼已守節五十四年女趙氏

許字王鶯未婚夫故奔喪守貞卒年四十

宋氏文生蘇鴻飛子桂蔭妻年二十八夫故撫嗣子長慶

讀書守節已十四年

楊氏江都人景侯女適候選州吏目宋元章夫卒氏年三

十一事姑盡禮撫嗣子敏正成立捐職從九孫繩治登

甲午賢書繩發暨曾孫桂林業儒守節三十三年學使

辛給匾旌焉

如臯縣續志

卷九

列女傳二

三十四

張氏曹南山妻夫歿氏年三十守節四十六年學憲申給

苦節芳型額獎之

余氏儒童薛松如妻年二十歲夫歿事孀姑顧氏盡孝撫

嗣子長源讀書現守節十七年

孫氏沈學準妻二十九歲守節現年八十一已守五十二

年

黃氏沈日源妻三十歲守節壽九十有一計守六十一年

張氏瞿天盛妻壽八十二曾見五世一堂今孀媳張氏瞿

照明妻現年八十子一憲成孫二進川廣川曾孫六步

雲步衡步悅步釐步蟾步廷元孫一壽福又五世一堂

照明患病時長孫進川割股兩次



冒氏朱璽妻二十九歲夫歿守節一十八年

黃氏馬上致妻年二十八夫歿已守五十一年

劉氏張惠先妻年二十二夫歿已守五十一年

蔣氏陳士盛妻年二十六夫歿已守三十六年

沙氏石萬貫妻年十九夫歿已守四十二年

章氏朱邦棟妻年二十二夫歿已守三十七年

張氏奈必暹妻年二十歲夫歿撫孤仁懷苦節三十一年

卞氏梅嶺妻夫歿氏年三十矢志撫孤成立守節二十八  
年卒

張氏顧鈇妻夫歿氏年二十九守節十年卒

奈氏顧本妻二十七歲守節辛學使獎以完節垂型匾

如臯縣續志 卷九 列女傳二 三五

陳氏季士秀妻二十二歲守節五十二歲終

沈氏陳有盛妻二十七歲守節現年五十八歲

洪氏石名高妻二十二歲守節現年四十三歲

石氏王實妻二十九歲守節現年六十二歲

陳氏石萬輿妻二十三歲守節卒年七十歲

王氏劉道存妻二十七歲守節現年六十歲

陳氏許仁美妻二十三歲守節現年七十三歲

金氏李永芳繼妻守節符例邑令范額以節比松筠

周氏儒童丁盛時妻年二十八夫歿已守二十八年

蔡氏王大鏞妾年三十夫歿已守二十四年

吳氏儒童黃耀文妻年二十一夫歿已守二十三年



陳氏儒童劉壽昌妻年十九夫歿已守二十三年

蔣氏楊長金妻年二十九夫歿已守二十二年

許氏丁久敬妻年二十九夫歿已守二十三年

季氏叢盛珠妻年二十九夫歿已守二十一年

費氏丁盛道妻年二十五夫歿已守三十三年

王氏吳雲鴻妻年二十七夫歿已守十九年

馮氏丁仁山妻年二十四夫歿已守十七年

王氏文生宗蘭繼妻年二十九夫歿已守十七年

許氏吳璘妻年二十六夫歿已守十四年

孫氏儒童卜遐佑妻年二十九夫歿已守十四年

石氏單爲羹妻年二十四夫歿已守十年

如臯縣續志

卷九

列女傳二

三六

吳氏李虞鳳妻年廿七夫歿已守十二年

崔氏監生喬倫淳妾年二十七夫歿已守十四年

謝氏儒童紀書齡妻年二十七夫歿已守八年

袁氏監生管學明妻守節符例

陳氏吳勝宗妻二十六歲守節

張氏劉士惠妻守節符例

陳氏孟培松妻二十三歲守節

何氏馮毓千妻二十六歲守節以夫兄次子烜爲嗣

楊氏孫掌衡妻二十九歲守節子雲會襁褓苦節撫孤

吳氏維煥妻二十五歲守節督學廖褒以節堅金石

張氏黃松妻二十五歲守節



劉氏陳之紀妻年三十歲夫故矢志守節現年六十歲長子賡雲國學生次子實齋

陸氏薛光熹妻年三十六歲夫故遺幼子三氏守節撫孤治家嚴整壽九十一歲例不符

旌鄉黨以賢母稱之孫繼國學生嶠邑庠生

張氏職員紀朝選妻年三十二夫歿孝事舅姑撫二幼子煜輝成立俱入國學孫增捐職從九卒年八十一人稱節壽

唐氏仲履勳妻年二十九夫歿孝事翁姑撫三子成立次貽鞠仕湖北鍾祥縣豐樂巡檢嘉慶二十四年

旌

如臯縣續志 卷九 列女傳二 三七

劉氏監生嚴榮甲副室年二十七歲夫故守節撫孤現年四十三歲

嚴氏朱松如妻年二十一歲夫歿家貧誓守苦節撫幼孤成立現年四十歲

陳氏名應貞儒士履鰲女十二歲曾割肱療祖母疾二十三歲適儒童劉樹基劉力學致疾氏服勤數載疾不起易簣前夕慘謂氏曰吾家貧又無子吾沒汝母自苦也氏泣且誓曰君勿慮畢君事當從君地下耳既沒氏悲慟幾絕母姑交勸之少止惟姑時語其母以家貧難守氏知之懼不克終其志潛服毒母掬之不得死嗣是寢興益慎結帶紉衣置刃于卧側以自衛一日當夫祭期



旌  
族黨咸在氏以爲夫立後請姑以賃廡而居且昭穆中  
無可嗣者難之氏悵然移時撫棺一慟血淚俱枯旣乃  
從容謝姑曰有叔在足以奉朝夕延宗祀矣未亡人生  
何益哉徑歸寢室自經卒年二十六時道光十七年十  
月十日事也里人詳其事爲之請

旌  
何氏殷縉妻年二十八歲夫故守節五十年卒

羅氏趙時妻年二十八夫歿孤女幼穉脩慝艱辛嗣子模  
已守節二十八年黃氏時二弟杲妻年二十三夫歿未  
生子女獨處淒涼嗣子梧已守節二十九年花氏時幼  
弟淳妻年二十三夫歿遺孤尙在襁褓三婦同心一門  
如臯縣續志 卷九 列女傳二 三六  
清節機聲荻影可憫可欽  
周氏朱亨成妻二十五歲夫歿守節二十餘年

旌  
馬氏監生吳國賓妻姑病刲股以進姑愈二十九歲夫歿  
撫子紹祖成立守節三十三年道光四年

旌  
任氏監生戴金聲妻二十七歲夫歿守節三十八年道光  
八年

旌  
陶氏鄭敬東妻二十九歲夫歿守節三十餘年

旌



李氏任宗煦妻年二十七夫物已守七年

黃氏通州監生孫聯元妻寄籍北廂年二十六夫物上事  
翁姑下撫二子澤湘俱成立入成均道光十二年

旌現年六十二歲

謝氏單元湘妻守節符例道光四年

旌

丁氏黃大猷妻年二十八夫物已守三十一年

石氏沙堯政妻年二十九夫物撫子錦春入成均守節十  
一年故學政龔給慈竹貞筠額

虞氏錢益鶴妻年二十二夫物守節七十六年道光六年

旌

如臯縣續志

卷九

列女傳二

三九

喻氏薛序東妻現年六十九歲守節五十年道光十五年

旌傳載前志

冒氏吳俊鏹妻守節符例現已請

旌

陳氏劉永慶妻陳氏劉永度妻許氏劉正輔妻道光十年

旌一門三節

吳氏李如南副室年二十四守節撫本生孤子孜甫四歲  
養之教之極其艱苦已守十一年

洪氏監生喻林妻年二十七夫物上事下撫孝慈克盡已  
守二十二年

徐氏顧希貢妻年二十四夫物已守四十三年



劉氏趙錦連妻年二十一守節孝事翁姑撫遺腹子成立終年符例現請

旌

賈氏周維揚妻年二十八夫歿守節已四十一年子宦者現請

旌

黃氏張思俊妻二十八歲守節終年符例子廷柱國學生孫曾林立

劉氏曹志餘妻年二十四守節已守二十四年

徐氏桑雨林妻二十七歲守節現年六十三

王氏余殿邦妻年二十五夫歿十二日生遺腹子雲錦上

如臯縣續志 卷九 列女傳二 四十一

事祖姑及翁姑撫遺孤成立已守節三十三年

陳氏丁盛鶴妻二十三歲夫歿守節四十六年辛學憲獎以完節遂志額

吳氏戴一青妻二十一歲夫歿已守十九年

陸氏孟培椿妻二十八歲夫歿撫幼姪為嗣苦節三十七年

吳氏通州監生馬求知妻三十歲夫歿撫孤成立已守三十年

吳氏竇英發妻二十七歲守節

李氏旨唯妻二十八歲守節現年六十六歲

孫氏繆盛如妻二十八歲夫歿守節四十一年子景山生



女繆氏因祖母邁年病卧日侍左右夜伴寢宿守貞不  
字現年四十二歲

陸氏邵廷貴妻二十八歲守節

姜氏廩膳生吳世官妻二十三歲夫歿遺子驥甫六月守  
節符例

施氏石鳳儀妻二十四歲守節現年四十六歲

何氏監生施廷椿妻二十九歲守節現年四十一歲

沈氏胡維煥妻二十二歲守節道光八年

旌

許氏侯士鏊妻年二十六夫歿觸棺哀號血淚交迸上有  
七旬孀姑勉以撫孤爲重因涕泣受命矢志守節勤儉

如臯縣續志

卷九

列女傳二

四十一

作家教子成立卒年六十歲守節三十四年道光九年

旌

建坊于縣西侯家庄子喬岳監生孫六人長錦元監生

陳氏文童沈廣宗妻二十八歲守節現年五十一

繆氏李思淵妻夫歿孝事舅姑節壽至九十五長子必成

國學生次必魁文庠生次沂國學生必魁嗣母亦繆氏

儀鳳妻夫歿節壽至九十四沂子其政文庠生必成孫

長鳴武庠生

朱氏羅英度妻年二十四歲夫歿守苦節十五年卒

冒氏黃堯衢妻二十歲夫歿守節二十八年辛學憲獎以

苦節風清額

卞氏秦大輅妻二十八歲夫歿已守節十四年



范氏紀永高妻年十八夫歿嗣子文進早世孫長盈又早  
世孫媳顧氏年三十三亦矢志焉范守節五十六年撫  
曾孫惟林成立入太學邑令范給劬躬燾後額旌之  
冒氏陳希周妻夫歿年逾三十誓守苦節

陳氏監生婁軒民妻

包氏儒童張學玉妻

薛氏楊世富妻

楊氏蔡秉仁妻 以上道光二年

旌

徐氏儒童陳開武妻

路氏儒童叢方昇妻

如臯縣續志 卷九 列女傳二

四三

程氏儒童洪蔭玉妻 以上道光六年

旌

姜氏儒童石瑜美妻

陳氏叢方霖妻

陳氏儒童洪德培妻

劉氏儒童鄭輅和妻 以上道光七年

旌

沙氏貢生朱日宣妻道光八年

旌

沈氏儒童胡雲章妻道光九年

旌



旌 曹氏儒童許舍光妻道光十年

旌 祁氏監生吳琨側室

旌 莊氏許國祥妻

旌 崔氏監生陳增願妻 以上道光十一年

旌 朱氏儒童趙秀成妻

旌 胡氏原任廣西昭平縣典史吳熙春妻

旌 徐氏儒童李泰妻

旌 李氏儒童劉蘭隈妻

旌 任氏儒童叢松妻 以上道光十四年

旌 如臯縣續志

卷九

列女傳二

四三

旌 吳氏儒童尤睿妻

旌 薛氏監生李坤妻

旌 錢氏儒童姜載坤妻

旌 孫氏儒童陳宏仁繼妻

旌 駱氏儒童張景輝妻 以上道光十五年

旌 蔣氏儒童卜雨田妻道光十六年

旌 顧氏儒童姜泰基妻嘉慶二十年



張氏浙江嘉善縣主簿張椿之次女泰興國學生周松山妻年二十二歲夫故矢志茹苦孝事翁姑撫孤成立守節五十一年而歿

陳氏叢玉潤妻道光三年

旌

朱氏儒士顧績學妻年二十八歲夫歿守節二十八年其娣石氏儒士顧綸學妻年二十六歲夫歿姑吳氏衰病卧床氏與妯娌朱湯藥親調婦兼子職人推爲一門鍾郝朱氏生子青早卒媳鄧氏守貞如朱石氏遺腹生子霖文學生孫聯輝亦入賢宮蓋苦節之報也石氏卒年六十九歲守節四十二年現在請

如皇縣續志

卷九

列女傳二

四四

旌

沈氏白蒲吳桐妻本姓孫幼失父母寄養於梓里沈方南家弱齡端重主母張氏深愛之張忽左臂腫痛醫藥罔效氏祈於神口嚙臂肉未殊剪斷烹進腫頭消張感其孝義以爲己女出字吳吳故邑世家孝事舅姑內外無間言歲甲戌姑楊氏染疫疾氏滌裙踰調藥餌所夕侍床第姑泣謂氏曰子婦非可言報但願汝媳一如汝孝耳其躬操井臼相夫教子有古賢婦風焉事載前志今身故年六十有四子章煥邑廩生

潘氏繆翠之妻年二十八歲夫故苦節四十一年

陳氏桑鈇繼妻年二十七歲守節十五年



陳氏監生符日暄繼室職監錫侯女孝事孀姑撫原配子宗義如已出孫芝芬游庠連彪金彪俱領武鄉薦里人稱其以賢德獲福焉

周氏監生符日琦副室年二十九琦歿撫子長榮入泮守節三十三年長媳黃氏琦嫡出子職員宗楷妻楷歿撫子兆春入泮守節四十年次媳朱氏長榮妻年二十九歲榮歿依姑守節長孫媳黃氏兆春繼室春歿飲冰茹藥以全其貞一門三世貞節有五焉日琦曾施黃家莊田義塚十畝

王氏符繼昌妻夫歿年逾三十守節四十一年  
如臯縣續志 卷九 列女傳二 卷四

郭氏符齊遠副室年三十齊歿守節三十五年  
唐氏繆顯祖妻年十九夫歿並苦盡孝到股以愈姑疾守

年四十二年卒

金氏文生李松妻年二十九夫歿矢志守節二十八年  
薛氏冒彭光妻子庠生冒斌妻胡氏守節符例督學辛以

雙節世徽給匾

朱氏監生吳鏞側室氏年二十八歲守節現年六十五歲



貞壽

陸氏監生夏廷璽妻壽一百一歲道光三年

旌

楊氏歲貢馬子柳妻壽一百一歲道光五年

旌

劉氏監生韓璋妻性和順奉事翁姑室無間言族黨有貧乏者悉勸夫相助教子孫有義方子道乾隆甲寅武鄉薦孫捷三道光乙酉亦獲雋諸孫各有成就壽百有二歲道光十年

旌

趙氏馬伯龍妻年逾三十守節辛苦持家撫孤國楠成立如臯縣續志

卷九

貞壽

四五

子婦皆七十餘孫曾林立壽終百歲

郭氏監生吳椿妻現年九十五歲

壽婦田凌氏壽登一百歲

旌表建坊

王蔡氏壽登百齡有三

呂氏監生吳鳳岩妻卒年九十九生四子江孫瞻雲瞻頌皆庠生曾孫學詩監生



續修如臯縣誌卷十

藝文志

光昭日月義發風雲闡幽微顯殫見洽聞居今稽古續志藝文

藝文

明吳國禮文集序

周順昌

夫筆墨之業成於學問發於性情有真性情然後有真文章此其故作者固不自知知亦復不可得而言也吳君子履世家如臯歷傳忠厚稟承先訓風度恂恂望而知爲儒林金玉壬子之秋與余同獲雋南閣讀其墨如雲屋天構恍於蓬宮閬苑中遇之令人可望而不可卽

如臯縣續志

卷十

藝文

旣而公車聯轡僑寓京邸者屢月索其窗稿於篋中與常州巢伯楨壽州方孩未共讀之篇各成格挾精剔華皆能道人所不道到人所不到非天際眞人性情邁種安能超超元著空所依傍如是耶及風雨晦明間論此中甘苦又皆余所親嘗而身歷者得失離合不爽累黍因歎學問之功固不可輕付如駛之流光於一擲也爰懲其急付坊刻以爲後學疏濬其性靈然而筆墨之業正亦難言唯望秉子履之性情者自具拔新領異之識焉耳

國朝

歷朝史印序

宮保兩江制府陶

澍雲汀



印章之起蓋自周官掌節貨賄用璽節然掌之於官以通商旅之出入則猶今州縣之印非私印也私印之流傳於世者自漢始率治金爲之與鐘鼎款識同其筆法未易窺見今雖人人言漢法而心知其意者絕少如臯黃君楚橋乃特以此事名嘗聚石四百餘方取古今作史諸人人篆一章名曰歷朝史印凡十卷嘉慶初大典朱文正公序而行之嗣是徧遊吳越江淮一時士大夫莫不思得君片石以爲重今年夏秋間爲余作數方古雅絕倫筆筆中鋒三代法物如將見之夫一藝成名皆必有真精力存乎其間其傳之久暫亦常視以爲率秋之於奕宜僚之於九扁之於輪彼各有動乎天而不自

如臯縣續志

卷十

藝文

二

知者至形之於言筆之於書皆糟粕也楚橋得名三十餘年今老矣技而益進乎道其視向之所著吾惡知其不以爲糟粕耶雖然上自周初下逮明季有良史數十百人一開卷而如晤焉夫以印爲印業此者所知也羅頁史數十百人於胸中以爲印則非業此者所知也楚橋之胸有此數十百人與之往返噫此其所以能爲楚橋也歟

許工部墓詩記畧

揚州黃洙澹人

丙辰春設講於臯敬謁工部許公墓因憶江右吳退菴孝廉名烜客邗上時見其弔公墓詩惜老病善忘已軼其半翌日晤語陳生頰雜誦其辭曰靖難起忠臣死惟



闕使者正學弟子八百七十三人同日戮乾坤慘淡山  
川哭嗟師已死復何生慷慨殉節非沽名歐橋路工部  
墓白楊落日烏啼樹因亟書之擬補一石於墓之右

許忠愍公制藝遺稿一卷序

知縣范仕義

彌綸天地者道也經緯天地者文也是故道寓於文者  
乃可因文以見道古之君子知道之所從出無乎不該  
探天人性命之理篤君臣父子之倫攷禮樂政刑之治  
體之於身則建非常之業宣之於口則垂不朽之言觀  
於忠愍公之遺文有不憬然思瞿然興哉公以明崇禎  
甲戌成進士出於文湛持先生之門贈以銀製文格二  
事美其立品端方不踰尺寸嗚乎雖偶爾鑒賞之言而  
如皇縣續志

卷十

藝文

又二

公他日之成就生平之樹立皆衡文時定之與史閣部  
少時受知於左忠毅公以忠義相期許者無以異文章  
氣節千秋固有真知己哉公之偉績爛如大節凜然專  
祠奉祀仰邀

本朝之卹典載於史乘者綦詳茲不具論卽以其文言之研  
窮理窟則天人性命之宗窺其奧焉輔翼彝倫則君臣  
父子之範究其極焉參稽制度則禮樂政刑之治挈其  
綱焉是非篤於道者何以能此然則公之文卽載道之  
文性情所流露者在此節義所感發者在此吾故曰彌  
綸天地者有大道經緯天地者有至文豈不相得益彰  
歟公去今已百九十餘年矣所著文集散佚已多冒晴



石明經於故紙堆中檢得遺文二十八篇付裔孫肩雲茂才亟鋟板以壽世其亦精靈有所呵護耶余承乏臬邑景企前烈心向往之爰略叙緣起以爲邑之後學者訓庶乎其有所矜式也

范實齋明墨選序

北平翁方綱

帖括取士之法始於宋而宋文無之然大觀中言事者謂場屋文字之敝題無兩義必欲釐爲二以就對偶其超詣理趣者反指爲淡泊請飭考官取其有理致者此非言帖括乎明神宗時禮部亦請刊正嘉墨義然啟禎間文格益變積重難返矣或以有明制舉之文比諸唐人詩分初盛中晚云然唐人試帖無甚高格不足以例

如臯縣續志

卷十

藝文

三

諸家各體之作而有明程墨至今以爲先河問津所自又非僅唐試帖比也如臯范實齋與予同歲舉於鄉學有本原精審文格旣成進士家居益研究斯事嘗論次明墨得百八十一篇讀者可尋原而知要矣陳君二珊君館甥也將鋟板以傳之予與二珊談菴有素適來江右日與學官弟子研習鼓篋祭菜之義深幸陳君之有以發我也爰書此以復之

范實齋四書辨註二卷序

知縣范仕義

四書辨註二卷臯邑范實齋先生之所著也閱今數十餘年後裔零落原板散佚者甚多柳塘陳君乃先生外孫重爲收羅補輯遂成完書因問序於予予思四子之



書得子朱子之註解已爲闡發無遺矣後之學者苟非  
悉心殫力以求之精思澄慮以悟之則拘泥者扞格而  
鮮通穿鑿者支離而罔據毋惑乎沿訛襲謬自誤以誤  
人者踵相接也實齋先生深有鑒於時文之弊類由於  
講章之誤而講章之誤更由於解註之不精於是窺其  
義蘊之所存旨歸之所在與夫人物地輿之異同制度  
典章之詳畧者廣稽博考旁搜遠紹務使疑者冰釋昧  
者鏡清故爲辨註一書洵足以羽翼乎聖訓不致效隱  
僻者好爲攻擊快一時之私說反來用矛刺盾之譏嗚  
呼觀先生疏通證明之言豈非爲紫陽之功臣哉柳塘  
陳君經明行修其講學之淵源均出於外王父實齋先  
如臯縣續志

卷十

藝文

四

生之指授故遊其門者隨其質之所近均各有所成就  
以去先生甲戌進士余亦後六十年而成今承乏此間  
得以覽其遺編探其實蘊因以嘆先生明辨以析之意  
卽爲發聾啟聵之助而柳塘陳君收羅補輯之心亦藉  
此可以稍慰矣

正月十八日沙吟庵水亭看燈序

張

槎

秋溟  
字槎

玉洞春回梅還吐雪天街月滿水正溶波羨一歲之良  
辰首茲五夜盡百年之勝事樂此千鍾况乎地湧長流  
兩水夾來明鏡人收短棹雙橋蹴起飛虹皎皎春城溶  
溶鴛浦則有南國人豪西園公子開二徑以邀賓啟蓬  
扉而結彩當海晏河清之日際傳柑擲笛之時偕我鄉



人同抒懷抱取斯君子共樂平安頗餘押歲之金買盡  
春宵一刻尚有辭年之酒醉來烟月千場花木逢春檻  
外笙歌時拂地樓臺近水坐中燈火直熏天人過板橋  
來入室穿簾偏曲折酒酣山澗坐疎籬老樹總輝煌水  
底有天倒向碧雲栽菡萏船頭無浪早乘白日駕鱗鱗  
檀板金樽如同北海斷橋殘雪恍入西湖某岸上牽舡  
家無四壁巖邊釣水賦鮮三都頗知搗管以成聲亦喜  
逢場而作興欣承雅召徑躋名流行到火城來偏我頭  
顛生白雪坐將金谷裏借他卮酒作紺瞳然而君是解  
人子真浪子時乎不再惟知足者無憂錢是儲來亦善  
與者能樂率成鄙句用冀雅音倘可興懷何拘今節尚

其滿瓊蘇與座上春光秋菊輒掃逕以相迎肯教擁阿  
堵於床頭明月清風竟閉門而不納

吳箎輯明太和令吳楫侯禦寇始末二卷序

安徽巡撫張師誠

太和禦寇始末乃前明吳公楫侯任太和令之所記今  
觀察吳君涓泉前任太和令之所輯也人必有古人之  
心而後生今之世能慕古人之所爲又必有古人之才  
而後生今之世能知古人所爲之難而愛之敬之以不  
替易曰水流濕火就燥雲從龍風從虎以性之所近爲  
類之所感由無事時之嚮往知多事時之設施也吳公  
楫侯吾鄉之先哲也明崇禎之七年令太和八年正月



遇寇警公以書生修戰備却狂寇擒土寇保危城以靖  
難民非其平日信義有以及人烏能至是顧湮沒無傳  
非大憾哉後百八十餘年今觀察吳君涇泉前令太和  
撫採佚事發潛昭忠捐俸剏祠爲之申告上官請嗣後  
宰是邑者歲捐廉以時饗神並哀集所記刊爲成書夫  
爲令者能勤撫字亦已罕矣至若捍禦之具團練之法  
修濬之術編查之方儲積之策蠲緩之請有置若罔聞  
者矣卽見古人之行事亦且淡漠置之無所爲心儀其  
人也不知兵可百年不用不可一日不備君子備豫不  
虞學以濟時則如明吳公之所記者烏可一日而不講  
哉今涇泉以通材爲吏所蒞必課農桑謀積貯編保甲

修城垣講文學一如前令之所爲而其所勸諭嚴禁諸  
實政又皆因地因時爲前令之所未爲其門人屬吏輯  
所蒞東流太和六安諸行事爲皖江從政錄較吳公爲  
尤詳足爲當世法然則其請也非徒憂吳公之闇沒故  
爲是表章之以慰忠魂而已將教天下萬世之爲守令  
者莫不誠信愛民懷材應變也余以鄉後進聞其事未  
見其書今得涇泉表章之而余又適司皖藩爲之轉達  
以遂其請抑亦余之幸也余非有知人之明然於涇泉  
一見卽器其人檄攝六安州事非能預知

今天子不次超拔而結納之也今遷任去六安士民遮道送  
不忍捨益見惠政及民余藉獲知人之名又何幸也涇



泉真傳人矣是刻成而前人傳余亦借以傳故樂爲一言以附簡末

吳箴臨証醫案筆記六卷序 兵部左侍郎沈 岐

夫有非常之際遇者必有非常之藝能具嶽崎磊落俶儻瑰瑋之才發爲事業著爲文章必能方軌前哲垂訓來茲如我叔外祖涓泉先生洵當代偉人也方其由大令晉階司馬循聲藉甚迺不數月而

特擢監司洊升巒使人知先生遭遇之隆而不知其奇才異能實有度越儕輩者出爲名臣處爲名醫兼而有之矣憶嘉慶丁卯戊辰間先生需次都門與岐往來最密稔知先生岐黃之學冠絕一時輦下名公卿造廬求請者

如皇縣續志

卷十

藝文

七

冠蓋相望卽後宦皖省觀察閩疆有自彼中來者咸嘖嘖稱先生之政績與醫理均臻絕頂非其偉抱宏敷奇才出衆能若是之膾炙人口耶讀是篇者分肌劈理井井有條因嘆先生學之富藝之精用心之勤畢生精力蒼萃是書由是推此心以活民而民活推此心以治國而國治豈僅挾青囊一卷肘後奇方自號爲專門名家也哉岐知先生最久故深信其名實之相符而書其梗概如此

周大順初心集序

范仕義

君子之勸學也必賴言以宣之而其立言也尤必肖其心以出之古今來人同此心心同此理惟先葆其初心



者乃能無忝所生而後有以立人倫之樞持風教之衰如朱子小學所記二十四孝不載作者姓氏自宋及今無不膾炙人口夫孝庸行也何以傳之歷久而常新哉其所以歷久而常新者又豈獨孝爲然哉由此言之移孝可以作忠全孝可以完節盡孝可以守義並行不悖而亦有各成其是者珊性周君讀書樂道士也於二十四孝外若忠若節若義均爲之旁搜博覽採其事實綴之以詩得以補前人之所未備其勸學之心亦良苦矣晚年屬其哲嗣佩華刊以行世而佩華復卽節之意推而廣之以善繼先人之志兢兢焉弗敢失墜嗚呼周氏一門其行誼之淳茂爲何如哉今天下不乏著書立說之士類皆騁才華摛詞藻誇耀一時之耳目而於身心性命之微綱常名教之大成以爲迂濶之談鄙夷之而不屑道母惑乎數彛倫而喪廉耻風教之所以日衰也余因以嘆是書之作上以闡發聖賢之精蘊下以維風俗之澆漓父作子述以心印心赤子也而大人之事備矣刊而行之於以信今而傳後夫復何疑

范邑侯捕蝗祈雨記

陳 烜

邑侯范廉泉先生愷悌君子也丙申秋飛蝗四集侯憂之俄聞鄰邑以飛蝗告矣又聞江南以飛蝗告矣又聞他省以飛蝗告矣蝗於泉境不傷一草木然亦無處無遺種經冬至春蝗子蠢蠢欲動漸作飛勢侯禱於神詣



四鄉率民搜捕得數千斛投之於江餘皆爲雷雨所驅  
消除一盡二麥旣登農人乘時雨插秧油油然生意滿  
畦侯喜之季夏以微旱祈雨甫一日甘澍驟降自是復  
連次得雨禾漸熟矣旣慶蝗之生而復滅而又慶雨之  
長我嘉穀以成屢豐之象也侯之惠政不可殫述侯之  
誠心愛民民德之神亦感之雖人力之所不能爲者亦  
如響斯應而况於興利除弊皆侯之力所能爲者乎侯  
聞士民之頌聲不以爲己力而憂民之憂如父母之保  
赤子樂民之樂則如今歲之蝗消雨降其爲民欣慰可  
知也爰記其事以備采風者之觀覽焉爾

重排千文頌廉泉范邑侯政績

范景瑗

如臯縣續志

卷十

藝文

九

洪惟文正仕於仁宗濟時良相禪爵爲公遙承世業有  
唐御龍周秦韓魏采地用封祿隸千戶君聖臣忠推誠  
佐德敕績晉庸通泰楚海民賴其功二丁廟祭祀祀攸  
同洛陽綿慶日篤天平義莊主奉墨帳貽經諸羗象畫  
武充甲兵巖傅磻呂位抗僚卿枝殊嫡庶大啟冠纓昆  
兄叔伯房次皆榮矯瞻明府永郡聆名公爲宋文正公  
裔孫列籍滇省  
永昌府  
保山縣綺歲飄逸家俊國英靈積崑崙性別渭涇都京  
學富夙秉異姿晝解晚讀多聞頗資左圖右史觀摩獲  
益珍結珠囊墳素牋釋竹牒巾箱辨疏根實慮邈念澄  
理眞法密巨筆霄凌催詩燭刻煒制發皇飫古而得造  
藝特達似平寡羣聲馳合璧將實弁軍貢之殿陸鯤躍



鳳振譽連璇笏策對金門河嶽列宿雲漢成章南面出  
宰祇習典常懸規植矩退垢磨光賢能不伐優等外翔  
初尹孝邑公通籍初授茂跡鉅煌刑政具舉寵辱交忘  
秋場兩領浙蘇兩省張罔求才假手玉尺彼美此佳神  
哉陞黜猶謹堂階遐悅邇豫既感且懷趙琴王履祜犢  
續魚上游器重奏最當居早背嚴命眠感食悲頽餘藁  
帶成毀彤疲寸暉願答景謝慈帷寒溫暑清容貌難幾  
朝飧夕飯潔膳云誰霜凋禽弔輦迴西池宮宇丹漆岡  
岫鬱伊慙吉引

見鍾阜量移始官寶令

公起服分發江蘇攝篆寶山

委身致治東亭攝

任

攝東臺篆

稱職來儀

補授儀徵

律畏威建猷讚箴垂惠愛

如臯縣續志

卷十

藝文

十

豈弟塞欲助廉何虞姑息勿謂淡恬賊捕叛懼化默道  
潛禍滿嘉讓耻盈止謙孰恐紛更俯矜罪累寓簡改煩  
杜敝興利車殆驟肥衣絳統紫璣組蒙戎譏茲靡侈所  
謂是非毛輶妙比規宜嗣音棠深去思公蒞儀三載去後邑人士思之  
恭送聯額至臯駕輕抽熟奄臨我臯子事父母樂淑禮陶問斯  
親察審貴竭勞似水盟節匪石作操敬宣

廣訓

帝語條詳

每月朔望詣廟宣講

恭已率屬綏動壹方絃被漠野道在

無荒妾婦紡火農男納糧星拱福曜露施歡鳴甘雨夏

沛曦日冬蒸機巧每厭俳笑敢驚并勸與賞曲體人情

邑人恭頌

德政額語 黎元州處終焉安寧市滅盜誅途踐靜睦果



克宅躬鼓吹貞俗本則內端誠慎若谷五倫自尊萬物  
竝育舍短絜長月旦取士公捐廉按好惡中分善又盡

起色絲斬新辭意妍麗設的持衡芥投緣恃閭過氣逼

厥田陰伏幹運盛虧鷄黍轉足飽稷饑糠橫杷劭牧省

穡薄稅稼畝收百公勸耕祈晴禱少孤惻切兒散女亡

給養維要顛困悚惶糜骸卹下聚魄路傍流離老弱目

接如傷普濟育嬰繼善留養城垣空曠驅夫以營近因

遠眺卑者高登環圖矢直四阿樓楹土木工竟基堅弗

傾泉城久圯公捐廉倡縣志再修會羅往行表隱及微

蓋歸鈞定故紙可稽闕疑存信遵舊增華後知甚幸志

三十年未修公續修之口碑耳聽洞鑿淵藏雅超黃霸閒慕嵇康

如皇縣續志

卷十

藝文

十一

湯銘勒坐禹碣尋牆談劍耽俠射覆競觴空寫畫指詠

入蘭馨公無他嗜惟藏金石圖沙柰染赤籃鞠翳青松

九翦翠桐葉落庭據梧沈李鱗釣羽烹宙晦朗照八極

杳寥飛鳥川浴商羊扶飄熱使裳易涼逐扇招服驢索

想駭獸遣調寐卽匡牀唱亦銀瑟笙精號阮顰陋效號

顧轂從軻隨廊布席徊步盤桓谿翫林陟酒約槽嘗盃

乃浮白讌集友賓鹹和腸適公餘之暇佳時勝賞生也

敦勉草莽賤愚論說孔孟束髮受書嘯歌壁立冥辰映

駒辰年力肆丙夜心虛欣執羔雁陪侍師筵騰驥莫必

仰荷薪傳獨務載籍寂守菜園藁仙景瑗頓首九拜陳

言



右記頌兩篇上之 廉泉大令謙讓未遑不允付梓  
鑑 謬承編纂再四紬繹事實文佳均不可掩且前誌  
載李公元白現任政蹟記已有行之者矣因援例錄  
於後以備觀覽 眞州吳鑑識

雙瑞堂記

知縣 曹龍樹

乾隆庚戌仲秋余來宰臯邑民安歲稔數年于茲矣暑  
有舊烏數巢癸丑三月一白烏至通體皎然穿堂巡廡  
與衆烏相馴月餘而去越乙卯夏二麥豐登四鄉農民  
紛紛稟呈有一莖二穗三四五六八穗及連理者因分  
裝數十匣稟呈各 大吏並蒙嘉諭昔歐陽文忠公謂  
麻城錢令甘露降麥五穗禾五穗人稱爲錢公三瑞余  
如臯縣續志 卷十 藝文 十二  
慚無德政何敢方之古人第考宋史以玉烏成四瑞之  
樂隋書以岐麥列祥瑞之圖小學紺珠以蒼烏朱雁爲  
中瑞嘉禾芝草爲下瑞則茲之烏白麥岐皆協前史之  
休徵而爲

聖朝之祥應者也爰額于堂曰雙瑞



如臯縣續志卷十

藝文二

祝沙鳳洲先生六十雙壽

溧陽馬世俊 章民

從君上壽登君堂君顏如童髻未霜知君自有不老訣傳  
之安期與長桑不然今何具壯骨不然昔何挾剛腸在昔  
少年負意氣結交千里多同志攜手偕爲建業遊三衢九  
陌時聯騎夜光白日擬投人先鞭努力驅騏驥文章一出  
驚公卿王公姜公避席迎紙貴不數三都賦筵開那羨五  
侯鯖聲名四海欣要結雞壇雉社爭紛還秦淮渡頭李郭  
舟烏衣巷口徐陳榻惟時豐鎬忽重開悲歌長嘯鳳凰臺  
欲清君側排閭闔陳東慷慨疏何哀封章頻上除跋扈折

如臯縣續志

卷十

藝文

十三

檻君王心始悟軍伍無譁壁壘清豕蛇一掃淮揚路此事  
到今垂汗史狂瀾定後猶驚怖名成歸去釣滄波車馬紛  
紜非所慕膝前玉樹映五雲翱翔天步承恩露別墅幽閒  
風雨寒藤蘿萬丈竹千竿西園載酒嘉賓聚東山對奕羽  
流看六十年來閱世多眼中桑海等閒過碩人如君豈易  
得考槃高隱棲林阿君今天樂人莫逮薛包友愛姜肱被  
雙雙喜燕語雕梁荆花色映庭前桂龍章奕奕動華袞鶴  
算方臻未白頭我爲同志今何求飲君酒添君籌爲君吸  
取長江流相勸百卮不肯休歸同裏糧五岳遊坐數東方

三島與十洲

頌石龍濱先生舉鄉飲大賓

訓導 盛時傑



賓興置酒重奇英禮載周官屬老更三世淑躬膺大典一  
鄉交口薦先生望風地幸聯鄒魯子家靖江與薰德人慚  
說姓名兩廡莘莘榮俎豆寢昌定可卜家聲如臯接壤

上巳後一日追和王阮亭水繪園修禊八首元韻

黃振夔石

水繪之園敞高閣重山複水致厯落一時文士會風雲筆  
陣酒海氣盎若春風吹春春水深黃鶯啼暖青樹林上人  
倒屣出門去千里萬里迎知音 歌童婀娜擎春壺上日  
紅瑜鋪青蕪莫辭醉飲三百斛人生合老步兵厨漁人霽  
迺桃花暮夕陽西下春不住然炬重續青陽遊杜宇聲聲  
催歸去 邵子髮白雙睛明潛夫陳生倜儻饒豪情其年  
如臯縣續志 卷十 藝文 十四

我愛王郎擅風雅春城三月行相迎櫻桃勻圓紅堪擘鸚  
鵡杯傳題詩石等閒一會重金蘭感君意氣舞雙戟 今  
古不無聲華友樸巢才思天所厚鶴骨清癯八十餘世上  
文名高山斗細雨燕子紛紛飛纏頭博得金縷衣卷簾坐  
老湘中閣抱瑟人隨明月歸 前年我過小浯溪弔古懷  
人心情迷花田綠破春耕雨野雉山雞高低啼大隱幾載  
異城市留得風華詩篇裏嗚呼先生奈爾何清風庭院懷  
塵尾 世無聞人拾寶唾年復一年夢夢過豈無紅燈白  
社詞如對名山抱疾臥只今麗日紛披襟畫船寶馬揚好  
音誰是揚州王司李雙柑斗酒過香林 有女有女嬌春  
嬉輕喉宛轉如鶯啼紅螺軟盡東風力鮫綃香暖雪花隄



樓閣一夜可憐雨落花瓣瓣滴春乳勸爾高歌且莫哀水  
繪而今鳴社鼓 秋葉經霜非久紅盛衰乘除今古通永  
和之年言及此不自今始蘭亭空一嘯振衣出山麓願隨  
落日雲中宿蒼茫海上立多時吹破鷺棲十萬竹

東皋詠古十四首

儀徵 吳 鑑 梅孫

發繇亭

橫亘長橋臥晚汀封圻鄖子舊圖形盟書築敦曾三國劫  
火滄桑此一亭天地潮聲帆走白春秋山色草留青至今  
貨殖東南利尚說高賢結駟經

抱石灘

石激灘流鳴不平將軍東下此孤征鬣毛雪白悲臣老淚  
如臯縣續志 卷十 藝文 十五

車馬湖

十載謀吳沼已深功名覆轍歎爲禽君王烏喙同嘗膽女  
子蛾眉別捧心自寫胸懷盟白水敢貪骨相鑄黃金從今  
一舸鷗夷老碧海青天放浪吟

捍海堰

長堤一道走蜿蜒保障東南八百年海國資生從古富相  
臣憂患在人先魚龍寂寞三秋夜蜃蛤喧闐萬竈烟試望  
平原當落日彩虹馭氣接遙天

隱玉齋



蕭齋靜闢水雲鄉公子書聲夜未央豹隱十年原小住鳧  
飛三至有遺堂祖孫旌節留棠蔭士女弦歌奉瓣香古寺  
蒼苔尋贖跡疎鐘幾杵月昏黃

狀元陂

斷陂屈曲咽寒潮猶爲良臣愬寂寥才大宜招權相妬禮  
恭能遏貴王驕兩年太學宏文著一命方州壯志消重向  
集賢坊裏過熊熊英氣達丹青

度軍井

鄂王經畧海東歸聖井天留慰渴飢號令山初移帳至精  
誠泉若刺刀飛穹廬冰雪難填恨暗獄風波未息機轉歎  
一門忠孝事銀瓶抱慟淚沾衣

如臯縣續志

卷十

藝文

六

丞相原

力竭勤王勢不支潛行海角畏人知兵戈滿地烟塵熱風  
雨孤征夜漏遲天上龍髯襟上淚雪中鴻爪夢中詩荒原  
白日昭顏色想見田家獨宿時

洗馬池

東望嶺山峙海雲臨池猶憶故將軍從龍永配千秋祀畫  
象還酬百代勲破釜誰沈君赭服勝棋自占女紅褰至今  
細柳營門外游牧歸林散夕曛

水繪庵

身世滄桑感劫灰倦游公子擅奇才江關詞賦同岑集花  
月林泉異境開一代風騷主壇坫百年雲物贖蒿萊數椽



茅屋留香火無復斜陽燕子來

楊將軍墓

落日荒原衰草平將軍墓上碧縱橫無碑那辨秦何代有  
姓奚嫌霍不名在昔弓刀留勝烈至今鐃鼓發遺聲絕憐  
賭墅金銀子都付農人雨後畊

胡安定祠

人範經師並得難道高何必不卑官兩齋絃誦新槐市百  
里蘇湖小杏壇前席龍顏咨雅樂故鄉狐首耐衣冠希文  
薦贖眞無愧各有祠堂峙海灘

許忠愍祠

兵火連霄照九門臨危轉恨此身存龍湖攀馭無雲影鶴  
如臯縣續志 卷十 藝文 十七

署題詩有血痕移孝生難酬父德讀書死不負師恩敬瞻

廟貌

奉芳藻剪紙悽招杜宇魂

邵潛夫墓

寓公漂泊歎無依豈怨桐焦識者稀懷刺怕招鸚鵡禍賣  
文甘忍鳳凰飢身存天地殘詩卷名動公卿老布衣酌酒  
墓門澆碧草灣頭鷗鷺總忘機

培園看桂

范仕義

桂花深處築閒園爲問城南舊有村廬墓本非耽水石板  
眞是樂琴樽林間葉落雲團屋溪上波迴月到門登眺

正當斜日裏新詩觸目細評論

壁有范曉原詩

栖雲道院詩

並序



碧霞山側舊有禮斗壇殿宇清幽池亭雅潔小有經營  
自成佳構因顏爲栖雲院並系以詩

白雲天半卷一片落仙壇鶴傍松邊立琴橫石上彈低簷  
山蔽影虛閣晝生寒但有超塵想何須問大丹

修禊詩

福建李彥章 榕園

道光丙申三月望日行部如皋與范廉泉明府平  
越峯太守胡春巖上舍修禊水繪園卽用漁洋山  
人水繪園上巳修禊原韻十首

今年上巳偏宜晴揚州明月光初生東園禊事盛觴詠遲

我十日班春行

今年上巳在揚州東園修禊

鶴嶼園林樂相訪雉皋主

客恒多情百七十年始來集令人直憶王新城

如臯縣續志

卷十

藝文

十六

城上參差見樓閣無邊野色連村落急裝看徧滿城花一

半名園改蘭若

是日徧游大覺極樂二菴及定惠寺文峯閣看花

牡丹開透正春

深草長鶯飛花在林哀絲豪竹復何有不如山水多情音

一樽雪酒催提壺茶花麥穗皆平蕪山簡高陽載醪酌宛

君蜜法添行厨

時嘗邑中蜜製花果猶董小宛相傳遺法

無端風雨催春暮我

獨勾留願春住樽前強半欲離人莫便堂堂送春去

水光無底中通明我與魚鳥俱忘情一池新綠爲誰皺見

人談笑先相迎花葉可書紙可擘醒酒來觀硯山石

春巖上舍

以所藏英德石硯山來觀

遠收烟雨入窗來江上數峯如列戟

辟疆山人善交友風俗至今留樸厚萬花園外白楊聲

巢民

先生塋於萬花園

空憶緱笙聚星斗

漁洋先生在水繪禊集時有羅星斗而聽緱笙之語惆



帳猿吟鶴又飛紫雲散盡舞時衣為澆生日一杯酒詩人  
魂魄應來歸是日乃巢民先生生日

舊游曾憶尋桑谿流觴水曲花為迷詩家醉墨所題處多

年只見山鳩啼吾鄉桑溪為閩越王修禊處明曹石倉謝在杭諸先生亦有禊集題名石刻余於壬

辰上巳曾往游焉園亭難得在 cities 直占三吾為屋裏荒涼十畝

放生池一歎巨魚散千尾洗鉢池本冒家放生池

賓客東南留咳唾當時日日游船過誰知石上舊尊疊但

與牧童常坐卧吾儕小住且開襟空谷居然有足音美人

名士久同盡賢者樂此惟山林

去年湖舫誇春嬉小紅橋下聞鶯啼去年揚州小紅橋成修禊之會凡十二人

為唱和集蕪城詩畫一時盛響答有若韃投鎚雨香今日此聽

如臯縣續志 卷十 藝文 十九

雨頃刻青苔走泉乳百花作態競爭春不待連催煩羯鼓

水痕淺碧花枝紅溪源遠與江湖通誰與種魚補花柳四

時不妨舢船空我行且向狼山麓尚擬歸途還信宿萬里

因懷水繪灘惠泉十萬琅玕竹昔在粵西思恩有惠泉一泓其地多竹至十餘萬竿

江上為水繪灘風景甚美因游此而並動我萬里之思矣

漁洋昔欲還 朝去按部能來此中住漁洋先生由司李擢主客行有期矣

獨來水繪園修禊播州太守與我同無意相逢憩棠樹時越峯太守將移

守黔中余亦擢莞東巖皆以來范隄世德不相忘地主懇

勲共一觴謂廉泉明府邑有捍海堤東泉他日考文獻

此意與之俱久長



旌旗冉冉出花叢  
夾道人爭御上公雲  
起雉樓圖書列工城

新日晴蘭渚禩游同吾鄉蘭渚即右軍蘭亭  
題襟到處留佳話  
問俗

于斯尚古風  
城市山林今似昔  
好徵文獻百年中

竭來方惜莫  
春天猶見花開富  
貴偏留客何妨頻選勝尋

僧未必盡逃禪是日先游大覺文峯定惠極樂諸寺觀牡丹有別種  
雨添洗鉢閒池

上詩續流觴  
曲水前更有河東真墨妙  
却如定武辨當年

廉泉大令見示郭景純游仙諸墨蹟同爲欣賞

人間鴻雪小  
滄桑楊柳樓臺剩  
夕陽此日佛來成覺地當

時花亦醉餘觴是日適巢民先生生辰  
烟籠煮鼎松泉美  
風送行厨

杏粥香草長  
鶯飛懷往事詩人名壽水雲長

紫琅山靜海無波  
咫尺還迎繡節過都轉將至崇川勘唐家牘  
曾未讀

如臯縣續志卷十藝文 二十

書慙守土偏逢觀政在  
疏河良苗懷雨班  
春至廣蔭如雲

覆物多 天錫絲綸同拜手  
公臨秦岱我牂牁

范仕義 質爲

纔過穀雨宜新晴  
雉皋春水時初生  
錦袍仙人泛綵鷁按

部東下崇川行  
百花爭妍待旌節  
遲留數日天有情大雅

扶輪發高唱至今低首謝宣城

城隈舊有湘中閣  
逸老襟懷殊落落  
林園修禩開賓筵一

室清言芳杜若  
鶯啼草長青春生  
落花厯亂飛空林百年

韻事未消歇琴彈綠水餘清音

澹蕩春光盛玉壺  
柳烟麥浪翻平蕪  
看花遍經蘭若社載

酒更慙櫻筍厨  
芳晨正好逢春暮  
留得幃帷欣暫駐隨車



甘雨流東皋穠華莫逐東風去

鉢池一鑑涵空明沙鷗汀鷺生幽情南皮昔遊尚可溯冶  
春勝侶如相迎主持風雅今巨擘乘興來拂林間石壺中  
九華次第看無數烟縹排棨戟

古人風義重交友金石之盟德逾厚辟疆園裏漁洋來海  
內聲名轟山斗樸巢搖落雲高飛絃管無聲罷舞衣一掬  
寒泉荐吟魄寥天招鶴應同歸

白蘋洲外荇花溪舊游阻隔途俱迷江南十載恣遊覽空  
濛烟雨鷓鴣啼公子林泉在城市坐收烟嵐入屋裏我公  
嗜古喜追陪時折松枝當麈尾

新詩珠玉隨風唾氣壓前人直突過揮毫落帑驚四筵金  
如皇縣續志

卷十

藝文

三

樽傾倒花茵卧臨風蕭灑一開襟浩歌響答空谷音魚鳥  
親人有至樂依然鐘鼎同山林

高軒過處民騰嬉枝頭靈雀傍春啼春風忽施陶鑄力坐  
使鈍質逢神鉅公餘禪舍賞春雨煮茗泉心汲水乳名花  
片片霏天香偶來習靜聞鐘鼓

海日東射扶桑紅紫琅佳氣與天通我公振衣凌絕頂雲  
霞盪胸眼界空愧我翅舟望林麓悵懷桑下虛三宿花前  
掃徑待歸來舉觴重話洋州竹

岱雲一片風吹去大府挽留聊且住樾峯太守同來游俱  
留遺愛甘棠樹小草向榮意不忘驪歌曲侑紫霞觴德業  
文章信不朽頌聲永與江淮長



胡萱生 春巖

永和傳佳會千載仰芳躅水繪繼蘭亭名流集林麓王郎  
烏帽來四座屬耳目落紙詩十篇筆健搖五嶽百七十年  
中風雅誰能角我公歐蘇儔秉政尚清肅龍門開東南奇  
士爭相逐行部涖江皋頌聲振巖谷識遠澹組圭神清悅  
水木修禊補公餘水繪欣駐足樸巢與湘閣慙劫久傾覆  
鉢池水一泓依舊向人綠蔚然實從賢盡皆龔黃屬幽情  
足暢叙奚用絲與竹擊鉢各裁詩妙奇嘆公獨才大氣如  
虹飛灑盈長幅天馬馭空行漁洋翰超卓佳話傳來茲後  
會堪前續邂逅荷甄陶葑菲還青矚雲黑雨催詩急就慚  
珠玉

如臯縣續志

卷十

藝文

三

道光丙申三月十九日余自崇川勘河行部復次東臯

林梓鎮借范廉泉明府潘小江茂才訪沈梅垞駕部  
時培園牡丹盛開春已云莫爰以餞春爲題范明府  
詩先成卽依韵賦七律二首明日余將返邗江故別  
離之感情見乎辭

閩中

李彥章

榕園

小隊行河去復回却勞賓從遠追陪千花繞宅仙郎住一  
鷓隨舟令尹來修禊昨曾經水繪餞春重與醉雲壘輕裝  
不載穠芳去羯鼓殷勤且緩催

紅橋春水亂流觴又向各園挹晚芳况有才人稱地主肯  
舞吟袖染天香醉搓雲絮憐蹤跡笑指風花惜景光明日  
扁舟渡江去更攀絲柳話南唐



道光丙申三月十九日陪李榕園都轉培園看牡丹命  
以餞春爲題卽席賦二律

滇西 范仕義 廉泉

青翰舟中使節回主人折簡喜追陪  
葳蕤草色盈階入爛漫花光繞座來  
寶樹千枝圍錦幄仙衣一品照金罍  
春暉

閣裏春常駐

李春湖先生題  
春暉永駐額

莫說東皇馭已催

林間幾度共飛觴綠戰紅酣次第芳  
上客筵中逢國士萬花谷裏重天香  
雕闌簇艷含朝露玉檻生華吐夜光  
雅調清平傳彩筆詞垣競爽繼三唐

和李榕園都轉水繪園修禊用漁洋先生原韻十首

項 黻 杏樵

春烟冪冪非堅晴縈波鱗鱗縠紋生  
使君按部不辭瘁揚

如臯縣續志

卷十

藝文

三三

麾東指蘭橈行觀者如堵在河涘  
仁風披拂歡輿情女牆

新葺資保衛一覽巖巖射雉城

如臯廉泉明府新修城工  
公借樾峯太守特來會勘

城頭睥睨如登閣人烟歷歷環墟落  
麥隴浮來秀色多爰求柔柔葉沃若  
風光如此春正深綠戰紅酣錦繡林  
羅幌松門復相訪來聞空外清磬音

三吾風景方蓬壺荒烟一抹成榛蕪  
劃地數弓歸禪宇伊蒲饌供香積厨  
洗鉢池邊樂朝暮昔有詩人此中住  
一觴一詠集羣賢莫放三春佳日去

樓臺倒影金碧明珠林寶地都舒情  
竹樹灣環露苔徑入門惟有鶴先迎  
縱吟且把青牋擘珍重碎金謝安石  
裙屐風流此一時暫駐襜帷臨棨戟



名園最好耽良友忘年之交深結厚玉學金鼎引上賓猶  
憶清歌珠落斗懷古堪嗟木鶴飛吟魂應被薜蘿衣長留  
天地一詩卷仙鄉時有白雲歸

當時修禊小浯溪陳迹幾似武陵迷花明路轉得異境中  
有現睨黃鶯啼園亭何必遠闕市賞幽直到香林裏即今  
高會句先成編集遙遙繼蠶尾

華篇銀鉤落珠唾畫波曲折常三過烟飛露結追蘭亭豈  
同腕着而筆臥月魚基上舊題襟百數十年少嗣音青蓮  
臨此抑何幸佳話從今添藝林

山禽翔翔狎羣嬉隔樹逐婦聞鳩啼春來與物自旁震須  
史滂沱散雷槌天花飄墜曼陀雨灑遍芳田透膏乳澤下

如臯縣續志

卷十

藝文

三四

於民正及時處處歛幽擊土鼓

是日大雨

綠楊隄外小橋紅溶溶一水城壕通此間似闕琉璃界頓  
令光眩銀海空雨香庵傍霞山麓沙暖前汀白鷗宿聯吟  
何處可留題清風窈蕩雲母笄

星節將移山左去

時公榮遷管權東越大府奏明留辦河工

還蒞東臯半日

住一代騷壇屬我公詩情艷發琅玕樹湘中故事藉無忘  
匪直此會記流觴新城風雅侯官接千載悠悠雉水長

丙申暮春望日李榕園

彥章

都轉按部如臯借平槌

峯

瀚太守范廉泉

仕義

明府訪水繪園遺址都轉

賦古詩十章命余和之限用漁洋山人如臯修禊

詩原韻

邑人

沈廷榮 梅花



暮春時節天初晴  
夾岸桃柳清風生  
李侯江南久駐節  
按部來作東臯行  
水繪園荒有遺址  
過訪不勝弟古情  
新詩十章倚馬就  
意氣何殊王新城

不見飛樓與傑閣  
剩有水邊破籬落  
斜陽隱隱草離離  
空谷無人採蘭若  
禊辰已過春色深  
新篁迸出松樹林  
景仰前徽倍留戀  
高軒豈吝金玉音

九仙骨本生蓬壺  
車無襜帷踏青蕪  
待將芍藥調金甌  
不須麟脯充行厨  
陽春到此春未暮  
花裏青驄暫停住  
雉水悠悠雉堞高  
我公便可留題去

當年洗鉢池水明  
湘中閣上動詩情  
侍兒捧硯頗不俗  
家姬打槩來相迎  
主賓共把吟箋擘  
絲肉雜奏裂金石  
玉山

如臯縣續志

卷十

藝文

三三

筵上一俊人家世  
三槐列棨戟

名士陳生本舊友  
辟疆阮亭交復厚  
修禊勝事追永和  
把酒何難飲一斗  
人往風微柳絮飛  
石徑鋪滿青苔衣  
主人跨鶴瑤京去  
華表千年歸不歸

雨香菴側環清溪  
一春陰雨烟霧迷  
使節乍臨天開霽  
棠梨枝上曉鶯啼  
紅橋吟罷清明市  
行旆又出綠楊裏  
茲游正值牡丹開  
未是三杯宴婪尾

珠玉隨風落咳唾  
高吟惟恐芳菲過  
明公車騎一隊來  
野

人花月三句臥同臨  
水次滌塵襟  
播州太守稱知音

平刺史由

吾郡擢

守黔史更有賢侯工吟咏

謂范明府

公餘日坐翰墨林

良辰美景相娛嬉  
莫以榮悴爲笑噓  
一聲河滿倍淒楚  
當



年方響揚犀槌管絃嘔啞雜春雨蟬眼生時潑茶乳祇今  
不見家樂陳日暮隣僧傳粥鼓

小園花事三春紅一水近與臯城通已呼花僮掃花徑杖  
頭沽酒囊不空使君生平愛林麓輕舸月夜湖邊宿清晨  
鷗從到山家先問主人後看竹

昔年聽鼓應官去與公同在春明住此際仙凡兩境懸空  
望燕雲悲秦樹故人情意猶不忘起爲公壽進一觴南中  
草木亦知感其沐恩膏歲月長



盧孝子傳叙

范仕義

臯邑有盧孝子焉名崇孝勛占其字也而至性純篤事父母竭誠盡力有非常人之所能及者故以孝聞於時宗族鄉黨交稱之載於明經陳柳塘傳中綦詳今孝子之子名寅者復屬余一言以純之余因之有感矣夫孝子之克供子職原以行其心之所安不欲干聲譽於世而至性過人事父則冬溫湯器疾侍湯藥歿則七日不沾勺水事母則顙神益算盲目復明非平日之精誠所結通於神明者烏能若是哉吾以爲孝子之事親罔極之思終身如一實爲難能而可貴而孝子之子於親亡數十年後不忍其令名湮沒務欲顯揚而後已其繼述之志亦有足稱者余承乏如臯縣續志卷十藝文

二十七

於此爰採訪得實遂上其事於大吏上以獲

朝廷之褒揚下以爲里閭之矜式所生無忝豈不足以風世勵俗哉古語云務本莫先於孝吾於盧氏見之矣孝子之子其勉乎哉

盧孝子傳叙

沈岐

孝道之難言也曾子十八章自天子至諸侯卿大夫士庶人莫不有至德要道以馴至於明天察地之全顧違違公卿大夫終身由之莫得其指歸而山陬海澨閭巷韋布之士一二事之卓卓見者遂以垂聲稱於不朽余奉先慈諱歸里祿養廬違幸嚴親在堂晨夕侍奉思所以養志承歡蘄合於至德要道者不可得今乃於盧孝子見之夫孝



本無奇節而庸言庸行中有其至精至粹者卒爲人所不  
可及今試問嚴冬時以衣被溫親之溺器夫人而能之乎  
不能也救水無資業岐黃以贍已利人者夫人而能之乎  
不能也夫以人之所不能者而獨虛孝子能之則其孝稟  
於性天成於學問而遂冠絕等倫其爲宗族所稱道鄉黨  
所交推而克荷

朝廷之褒獎以光大其門閭也固宜至孝子之操守廉介  
感召天和者陳君傳中言之詳矣余不復贅焉

陳君利和暨節孝張孺人墓表

戴聯奎

嗚呼爲善無不報而遲速有時此理之常也况霜雪之後  
必有陽春又兼乎氣以驗之故從來潛德之士貞節之婦

如臯縣續志

卷十

藝文

三六

根於至性而發爲懿行足以振綱常維風俗者雖伏處遐  
陬集蓼茹苦以終身而卒之其名必顯其後必昌若吾臯  
邑之陳君利和暨厥配張孺人是已君生而文秀弱不勝  
衣澄如秋水初受四子書便能通大義稍長志切顯揚益  
殫精載籍雖盛暑隆冬披吟無少輟顧學日以富而貌日  
以癯將成瘵疾乃祖惟德公及乃父書榮公咸以爲憂禁  
之不可因悉以家政遺之曰爾第勞形無勞神疾庶有瘳  
乎嘗奉命糴穀于秦糴已盈束裝將發會商侶有遺金於  
榻者君托以他故淹留俟其人後來詢交乃去是夏亢旱  
所糴穀二百餘石纔閱數旬子已倍母利和君慨然稟命  
於乃祖乃父曰因人之蓄以爲利兒不忍也若竟以濟貧



則吾力不能且無以繼請徵朱子社倉法行之其益無窮  
兩尊人欣然許可是歲大旱蝗赤地千里近村賴以保全  
者百計明年君方建倉當社村民亦皆翹首西成以穀納  
歛乃自夏及秋霪雨害稼人幾爲魚社倉遂廢又明年張  
孺人歸洗腆承歡挑燈佐讀一門雍雍交相慶也乃未及  
廟見惟德公暨書榮公先後捐館利和君疊膺大故哀不  
自勝舊疾滋深孺人以一身奉兩邁姑兼調夫疾晝忘食  
宵廢寢間數載以爲常而利和君竟不起遺孤嘉猷甫八  
月歛後孺人以頭觸棺血涔涔下昏絕于地祖姑及姑亟  
以手挽其衣指嘉猷而言曰陳氏數傳惟此而已汝縱不  
惜身獨不爲陳氏撫孤乎且吾熒熒二老又何賴焉孺人  
如臯縣續志

卷十

藝文

二十九

聞命矍然起節哀墮饋益勤操作與祖姑及姑同處一室  
晨昏侍養弗懈及祖姑沒家業益窘孺人罄典衣飾殯葬  
合儀姑年高齒脫孺人日嚼糕糜和牛乳以進頤養七十  
七歲以壽考終孺人猶哀痛不已三年亦繼姑以沒然孺  
人未沒時嘉猷已援例入成均諸孫思感思慰思恩名列  
膠庠孺人撫孤之心至是益稍慰乎孺人沒踰年嘉猷手  
疏其節行聞于縣縣以聞于各憲請

旨建坊今

恩綸下逮厥功已竣猶慮厥考厥妣之懿行聞者莫得詳也  
屬余爲文以揭于阡嗚呼利和君張孺人之名于是爲已  
顯矣陳氏之昌今其造端而已



重修前任如臯令趙公墓

有序

滇西范仕義

廉泉

公諱昌標浙江山陰人國學生康熙三十四年任如臯令  
丁母憂卸事宜况蕭然不能扶櫬歸里越數月以哀毀卒  
邑人悼之並其母葬於東郊江港橋距菩提社二里許同  
鄉少尹李星橋置墓田一區更爲封樹以識之厥後裔孫  
無存其墓田爲人盜賣洪姓今年春程秋濤少尹檢閱塵  
牘得其原委告予以故予亟爲清理而洪姓知誤買之非  
遂將此田交出不敢受直此亦等於好義者之所爲也予  
以温語嘉之因諭菩提主僧經理召佃種之以備春秋香  
楮之供是舉也微秋濤之留心咨訪舊令荒墳不幾長荆  
榛穴狐兔積久侵削犁爲田畝而無跡可尋乎予因憶吾  
如臯縣續志

卷十

藝文

三

鄉楊次江先生乾隆丙子宰真州卒於任所邑人卜葬北  
郊不數十年圯隴湮沒予抵任後徧加尋訪竟不得其所  
在以此視彼能不感慨係之哉

趙公墓舊誌載葬於南郊地藏寺西南係悞後之續修者當更正之

當年宦况果清貧奉諱淹留剩此身詎料客中悲孝子竟  
教泉下伴慈親墓田數畝都耕削宰樹千章俱爨薪賴有  
後先賢少尹能存風義邁羣倫

次韻

穎上汪承基 易堂

無端婺隕逼官貧恁爲護堂贖百身隔世相依猶母子一  
生兼盡是君親荒埔久慨迷林莽故址今欣刈棘薪  
廉泉明府  
及秋濤少尹尋訪趙公墓復歌詩以弔之  
令尹高吟少尹續蹋歌我媿比汪



倫

古欵項 黻杏樵

野祭無人鬼亦貧詎知曾現宰官身千秋亭遠難歸櫬山陰

縣有柯亭亦名千秋亭長夜臺空尙侍親特付桑門芟墓棘重培楸

樹禁樵薪幽光昭闡惡賢尹如此高風邁等倫

雲夢程 勣 秋濤

宦囊竟似阮囊貧骨立難支七尺身千里關河淹旅櫬九

原言笑戀慈親政留耆老歌棠舍榻斷殘陽卧棘薪百二

十年潛德發天將清孝勵羣倫

荒塚誰憐故鬼貧歸田聊慰夜臺身相如璧返亡歧久墓

為洪姓誤買今交還有道碑書日大筆親蘇泉明府親書碑記勒石僧院屬澆寒食

如臯縣續志 卷十 藝文 三

酒墓門重掃積年薪回思鳳羽雲南浪穹縣各鳩工日遙與褒忠

事等倫先君子宰浪穹時曾修明御史楊應能教授葉希賢二忠墓時勸隨任襄其事

計塋田一畝一分六釐東西各十八弓北十三弓

每年田租錢四百文

公置西門外打場巷南首園田東西各三十六弓南

北各八弓半

共計田一畝二分七釐五毫價銀十四兩六錢每年

田租錢二千四百文總交菩提社僧收租以供

春秋祭掃



重修易天有胡西垞墓記

蕭山 沈思梅

道光癸巳季冬余初承乏東臯之西場問土風外與鎮之士庶徵考前賢遺蹟有劉仁軒仲石渠告余曰此地有前任易公天有暨詩人胡君西垞之墓年久湮沒請修復焉余遍詢耆碩始得易公墓於鎮之河北易爲慎郡王記室居官有政聲善書畫尤工於詩與舍人胡君西垞先後來鎮結社聯吟極一時文酒之勝不數年相繼徂謝好義者卜地而葬焉余既得易墓復於古樹園榛莽中得斷碣知爲胡君遺塚憑弔欷噓以次重加修葺俾後之人有以識前賢之遺蹟而余心亦稍慰矣至兩賢列傳已詳載前志中茲不贅時強圉作噩壯月下浣記



石璩小學辨論四卷

吳廷燮迎

鑿集楓香閣詩古文集各若干卷

薛竹巢詩二卷進士程化鵬知縣范仕義序

徐邦殿芍園詩四卷

江棻爨薪集詩二卷

黃理耕南詩鈔一卷

朱蘭孫謀笑集詩一卷

石渠雲停山館詩鈔八卷故人遺稿八卷同人詩鈔八卷

已梓又雲館雜志四十八卷

江玉章晚香閣詩一卷

如皋縣續志

卷十

藝文

三三

吳箴皖江從政錄八卷胡敬序

吳箴六安棠陰留愛頌言二卷吳高序

薛珠友硯廬詩鈔二卷

袁岑生花軒詩二卷

女史熊璉澹仙詩鈔四卷

李光璵雲渚詩鈔二卷



如臯縣續志卷十一

古蹟

某水某邱昔人園宅匝地苔青參天樹碧記序猶存續志古蹟

宅

安定胡先生故里碑在城南嚴家灣明嘉靖十七年巡按御史蒲坂楊瞻駐節如臯謁先生之祠吊衣冠之墓汝其宅第更易數主率知縣黎堯勳立碑誌之今又二百年來風雨剝蝕字跡模糊道光十七年知縣范仕義重修

堂

如臯縣續志

卷十一

古蹟

一

天尊堂前志載沙新莊禮斗壇沙維都與弟維墉讀書處正一真人張洪任稱維都廣文善士精心奉道得傳應劫寶懺三十六品三萬餘言鄭志謂異人指點卽此雍正八年檢閱入藏壇內梅花書屋四面寒香樓後仙桂五株高與簷齊院外溪流環拱老樹杈枒饒有仙鄉風味

園

頤園爲沙躍其頤養其父別業在沙家河塘之東北隅一徑紆徐掉舟而入風臺水榭山樹葱蘢爲國初諸名流觴咏地復于西郊外慕田丙舍構五橋庄一區繪水壘石曲幽邃至今人稱沙家紅橋云張漢乘有張燦



序餘篇歲久散軼

種松園石長至讀書處一邱一壑叢桂蟠松中構讀柳堂拈花詩社挹奎山房爲城南小築子運開擷松子種之李甲頓生左思所謂徑寸莖也不數年而鬱結輪囷風生謾謾矣主人盤桓樹下執經課子良材美蔭手澤常存名流各紀以詩

邑人冒國柱記畧皋土疎衍植松者鮮皆買自他郡植之盆盎爲園亭几案之玩其植乎地而成喬木者余僅見於雉水書院及徐氏霽峰園四三處耳石明經文峰於家園益松之結子者擷而種於盎時乾隆癸卯秋日也至來春而萌蘖生曾幾何時高五七尺榦可拱把主

如臯縣續志

卷十一

古蹟

二

人因以名園哲嗣桂塘仰先人之手植培護維勤風枝雨鬣隱然有參天之勢焉余叟楚池見而愛之爲繪圖於冊桂塘以紀羣之誼屬余述其緣起余聞之十年種樹百年種德以余所見君家若修仁公之惠洽粵西茂才公之伉爽剛直以及尊人明經之文章風雅世有令德斯嘉祥之集多且久矣然則明經之種此松也其卽竇家之桂王氏之槐桂塘之撫此松也其諸南陔之草油油風木之聲槭槭與

館

斜陽館在柴灣黃振別墅振博綜羣籍揮灑千言赴京兆試未售旣歸度地築館流水小橋茂林修竹集聯云



陽無限好虛室有餘閒揚州羅雨峯作館圖四方名流  
集課春堂涵虛閣受綠軒寄生草堂十硯千帙之居刻  
燭分韻擊鼓催花觴咏無虛日文園汪之珩乃其姊夫  
輯東臬詩存未竟辭世子爲霖方幼振代藏其事蒐羅  
編次四十八卷洵大觀也自著瘦石集及日記共十卷  
二集十二卷子峻日從館課工詩著鶴鳴軒詩稿二卷  
今老樹橫溝僅存遺址矣

來雁館在東鄉曹橋曹楚惟書塾地近水濱先有一雁來  
止旋引其匹久之羣雁紛集飲啄飛鳴馴如家鷺曹氏  
因以名其館

書塾

如臯縣續志

卷十一

古蹟

三

城南書塾在古柏園西偏御史胡香山孫之本讀書處臨  
溪築屋疊石成山若梅花吟舫露華閣綠陰軒十硯草堂  
諸勝景每花朝月夕與弟之森等註書談經諷咏其間邑  
令李棠御史門下士也下車來謁見奇書滿架手澤猶存  
低回不能去顏其室而跋之

附跋城南古柏園爲吾師侍御公讀書處後因其堂以  
祀公因培二世兄拓地於堂之西偏水木清華峯巒秀  
媚偕昆季讀書於斯棠承乏來臬下車過謁見其品高  
學粹著作等身喜吾師代有傳人教澤長而流芳遠也  
題曰書塾亦不忘其舊云爾

知縣范仕義跋城南書塾乃胡香山侍御先生之孫因



培先生昆仲讀書處內有銀杏一株高二十餘丈青蒼  
聳秀真數百年物也林繚亭榭極爲幽潔隙地徧種芍  
藥中多異本傳自豐臺移植而來最擅一邑之盛折嗣  
長君春巖每逢花時集同人於此觴詠致足樂也去歲  
春三月望李蘭卿都轉因公戾止花尚未放囑春巖於  
花開時寄數本於廣陵時都轉將續修芍藥譜以廣見  
聞豈非藝林一韻事哉惜譜未成而都轉遽歸道山因  
跋此以誌慨焉

墓

御賜葬祭兵部尚書戴聯奎墓在丁堰鎮江湖港

孝子沈文旭墓在西場西南沈家港

如臯縣續志

卷十一

古蹟

四

孝子盧崇孝墓在縣治西北十二里宗家庄

前如臯令趙昌標墓在東門外江港橋距菩提社二里舊  
誌載南門外地藏寺西南道光十三年典史程勳閱舊  
牘得墓田原委請於邑令范仕義同學博汪承基項黻  
各捐廉修其墓並設主於菩提社續置園田歲以租入  
付社僧爲祭掃香火費立石以誌永久

義行姜岱墓在楊花橋裔孫珍重修墓門以紀其實

義塚一在豐利壩北孫家莊田十畝又壩西小莊田三十

二畝又場東張家莊田三十畝皆道光元年繆光奎設  
一在岔河鎮北萬家莊田二十畝又田十四畝又鎮南  
季家莊田二十畝俱許殿魁殿華設一在縣南王家莊



東北田二十畝王鴻儒設一在南門外大河邊西田五畝一在東五里墩田四畝俱徐大鸞設一在林梓河西田家港田十畝沈德山設一在豐利花家莊田十畝侯守仁設一在岔河鎮東洪家莊田八畝王兆荃設一在縣東桑家莊田三十三畝姚五吉設一在曹橋鎮南田十畝朱霖設一在顧高橋田十畝張自立設一在豐利壩西南田十畝張映奎設一在縣北朝西莊田十五畝仲朝鏡設一在縣東楊家庄田二十畝符有聲設一在符家莊田六畝符日暄設

槐陰軒在徐家灣前明歲貢徐邦潤讀書處樹古而茂蓋數百年物也裔孫學忠葺屋其下以爲書塾

如臯縣續志

卷十一

古蹟

五

雙樹軒在符家莊符仲華築室其下孝廉李四載詩云京洛歸來念友生綠陰樹底小窓明一番新雨酣春足課讀纔完又課耕今符氏鄉薦者五里人呼爲聯科樹

孝子朱嗣墓在縣治西白家庄

前任西場司易祖愉墓在西場鎮河北吳氏田中



如臯縣續志卷十二

祥禳

五行常變一理推尋彙倫攸叙災異無侵以時修省續志祥禳

嘉慶十九年甲戌春饑

二十年乙亥大稔

二十五年庚辰夏旱秋有年石和宅盆荷開並蒂花

道光元年辛巳夏大疫

三年癸未夏大水秋七月大風三日

四年甲申夏旱秋得雨有收

六年丙戌春汪氏文園產芝一本秋大水下河水決

如臯縣續志

卷十二

祥禳

流民就食於臯

八年戊子冬十一月地震

九年己丑秋八月大水

十一年辛卯秋八月大水

十二年壬辰春饑

十三年癸巳春大水

十四年甲午秋七月大水冬十一月甘露降

十五年乙未秋大水七月初三日大風拔木

十六年丙申夏麥秀雙歧秋八月蝗至不爲災

十七年丁酉春夏蝻子生不爲災四月石莊麥吐雙

穗秋大有年

